


colorchecker CLASSIC




x-rite



LE LIVRE
DE
MATHEOLUS
CONTRE LE MARIAGE

PARIS
1492

BIBLIOTH.
MAZARINE





~~284~~
D

XV^{eme} siècle n^o 673

~~673~~

673



~~100~~
213

~~673~~
~~650~~

673
~~650~~
~~686~~



A lamy son loeur.



Le livre de matheolus
Qui nous monstre sans variet
Les biens et aussy les vertus
Qui vieignent pour soy marier
Et a tous faictz considerer
Il dit que lomme nest pas saige
Sy se tourne remarier
Quant prins a este au passaige

de X. Moreau s. Santeuil & b. beric h
Moreau

27
258



Quin nona m...
Les d...
Qui d...
Est a...
Et d...
E...
E...

1750
L. 20

Comment matheolus bigame
Fist vng liure disant sa game
De mariage tout aplain
Et en commensant se complain



Ristis est anima mea
Ihūcrist qui tant ayme a
Les siens q̄ denfer gecta
Et de son sang les racheta
Soit a ce mien p̄mēcemēt

Et me doint bon auancement
Jay bien cause desprendre larmes
Car ne scay quant viendront les termes
Que ie seray hors du martire
Qui pres de desesper me tire
Se patience et constance
Ne me donnassent esperance
Dauoir en aucun temps confort
Bien croy que fusse pres de mort
Car nul homme viuant ne sent
Le dueil que en mon cueur descent
Je suis tempeste en couraige
Et sy suis tourmente douraige
A bon droit car trop variay

Le iour que ie me mariay
Sy auoye ie deslors veuz
Plusieurs volumes et leuz
Tant en ryme comme en prose
Mesme le rommant de la rose
Qui dit en cueillant la soulcie
Du chapitre de ialousie
Nul nest qui marie se sente
Sil nest fol qui ne sen repente
Il dist voir mais ne men souuint
Despuis .xix. ans ou vint
Pour ce languis en grant misere
Nieuily me voulsist dedans lysere
Du dedans seyne estre noyez
Je feiz comme fol desuoiez

Ray trouue maistre mathieu
Tout esbahy et tout pensieu
q̄ nest pas de tout mal deliure
Formēt se yplaine en son liure

Bien aourne de rethorique
Saige fut et bien autentique
Bien appert aux vers et a leuure
Que son sens nous met et desqueuure
Sy ne la peut on publier
Sans y vouloir riens oublier
La chestiuele du bigame
Qui ne scauoit pas bien sa game
Ains estoit deuenue bien nyce
Bien auoit veu l'apocalipse
Ezechiel et iheremye
Mais ce ne peut souffire mye
Jauoye bien le cueur transy
De mestre abuser ainsy
Comme les beaux vers applicqua
Du tant belle rethorique ha
Pource qu'on doit vices blasmer
Et les bonnes vertuz louer
Aidier ie vueil et confort faire
Tousdiz au bien et mal retraire
Pour celluy qui tant a de rage

Que il se plaint de mariage
Taire ne men bucil nullement
Car a ma matiere descend
Des peulx ploura plus dune larme
Maistre mathieu dont dieu ait lame
Le pource fust prins a la trappe
Bien curculx est qui en reschappe
Sa maistrise dyminua
Et iusquen fin le minua
Maistre mathieu fut mathiet
Di le prenez tel comme il est
Bien scay quapres ma peyne mise
Chascun en dira a sa guise
Et son descript que ryme a
A therouenne lenuoya
En vng beau liure le fist mettre
Et bien escript en bonne lettre
Sy en deuez bon gre scauoir
Car ce nest pas pour vostre auoir
Qui outra la sentence toute
On lappellera passe route
De larmes en soy grant somme a
Pourquoy maistre mathieu nomma
Liure de lamentacions
Des mauuaissez temptacions
Dessende dieu ceulx qui loiront
Et en la fin quant ilz mourront
Leur soit piteux et fauorable
Et de tous peches secourable

R sus petit liure va ten
En la cite plus ny atten
Tu pras sans ma cōpaignie
Et sy nen ay ie pas enuie
Mais quant ce dit sera deu
Et bien examine a leu
Je doubtte que trouble nen soye
Combien que nul mal ny pensoye
Bien doit auoir qui bien demande
Aux compaignons me recomande
Expose leur ma pestilence

En leur disant faite silence
Le grant labeur dont ie labeure
Qui ne cesse ne iour ne heure
Affin que quant ilz oiront dire
Que nul ne sen peut escondire
Ne excuser par ignorance
Fay publier par toute france
Que nul sy na au corps la rage
Ne se mette en mariage

Et mesmement par bigamye
Dieulx vault que chascun ait amye
Que eulx marier pour plourer
Da sy leur dy sans demourer
Tousiours plourant lamenteray
Par cest dictier leur monstrey
Que iay raison bien couloree
Que ma face soit esploree
En sanglottant: en souspirant
En gemissant: a en plourant
Vous diray la forme muee
En faisant de larmes buce
Mais mon petit engin muable
Moult variant a moult cuydable
De lamentacion me blesse
De mes droys et de ma noblesse
Sups despoullye a deserte
Pource suis ainsy reboute
Perdue seichee a finie
Est liberte de ma clergie
A peyne pour ceste auenture
Que sauatier na de moy cure
Que fetay chescun me desprise
Et nuyt et iour le sens me brise
Je nen puy mais se ie mesmaye
Qui me sanera ceste playe
Les droys dient nen doubtte mye
Que la playe de bigamye
A tousiours mais est incurable
Rien ny peut estre secourable
Je fuz iadis maistre clame

Di suys orendroit bigame
 Et aualle en bas degre
 Endroit ie nen ay point de gre
 Bien voy que les choses premieres
 Ne respondent pas aux dernieres
 Et ne sont en vng mesmes cours
 Sy scay bien et ay mon recours
 Que plus est homs de grant prouesse
 Et en degre de hault haultesse.
 Tant plus est dure la racine
 Et moins ya de medecine
 Allegue est par mainte clause
 Sy ploure ien ay assez cause
 Las mathieu qui estoye maistre
 Ne pas comme soulope estre
 Car mon habit et ma sequelle
 Estranges sont par ma querelle
 Las la bigamie me tue
 Je ne suys mais qu'une estatue
 Qui soulope estre vne ymage
 Di ay prins desue en mariage
 Que contre moy froncist et grouce
 A toutes heures me courrouce
 A chascun mot chetif me nomme
 Par elle suys fait chetif homme
 Certes trop est mauuaise beste
 Je la crain plus que la tempeste
 En mariage est coustume
 Que tout vertist en amertume
 Les mariez ainsy contendent
 Entreuly a diuerse fin tendent
 Souuent ce que l'ung het l'autre ayne
 Ainsy fillent diuerse trayne
 Lune est loyal et l'autre faulce
 femme set de trop male faulce
 Trop par est femme dommaigeuse
 Et vers son mary enuieuse
 Toutes celles bien dire los
 font a leur mary ronger los.

¶ Matheolus.



Signeurs copaigns et amis
 Certes mariage ma mis
 Pour dancier a ceste carolle
 Qua peyne puy ie ma polle
 Maistrisier dicter et timer
 Ny ma grant douleur eppimer
 Tant suys ire par saint symon
 Ira impedit animum
 Lesperit a ma chair se courrouse
 Et mon sens dedens moy rebourse
 Car ire me fait eschauffer
 Sy com le feu se prend au fer
 Quant a son forgier le veult traire
 Par les figures de grammaire
 Ne me pourray ie excuser
 Que mon temps en dueil fault vser
 Riens ne me vaudroit sifstole
 Payagoge et dyastole
 Ne briefue longue ne longue briefue
 Car lamentacion me griefue
 Et mon plour me nuyroit aincops
 Pose que ie parle en francoys
 Se ie en mon parler cyede
 Excusez moy car ie procede
 Sy ires comme vous voyez
 De vostre bien y pouruoyez
 Se ie ne fais pas sens ou rime
 Sy la faictes plus leonime
 Se les bons motz adrez voyez
 Car hors loy suys et desuoyez
 Ne ie ne scay a maistre aller
 Pour monter ne pour aualler
 fourcennerie me guertroye
 Dont en ce dictier me mestroye
 Therficore ne anthyope
 Euterpe ne caliope
 Nel pomene pollinya
 Nulles deuly point mises ny a
 Qui vueille delectacion
 Mais en ma lamentacion
 Troy bien que a ce coup sera

a iiii

Thespyhone et megera
Qui mes douleurs exposeront
Ne ia ne men excuseront
Je sens mon doulant cuer halet
En ses las suys ne scay parler
Je sens bien que clerc ne suys mye
Puis que iay laisse ma clergie
A quoy ie ne puyt retourner
En douleur me suys seiourner
Le droit en est assez expert
V'oir le pouez en apert
Pourquoy sy ie suys fortune
Lourroucie & desordonne
Et redargus par ma foleur
Je ne quiers que plainte & douleur
Et mespargnez pour dieu mercy
Tant suys doulant que ie meurs cy



Ropez iouuenceaux opez
Et de marier vous tenez
Venez mes griefs douleurs oir
Riens ne me pourroit esioir
En malheur sont bigames nez
Et sur tous aultres diffamez
Il nest nul qui leur peust aydier
Pour souhaidier et pour prier
De toutes pars ilz sont blasmez
Et ne sont en nulz lieux amez
L'ascension gregorienne
Leur oste ioye terrienne
Vain est et de mallememoire
Le decret du pape gregoire
Je en doys bien plourer & plaindre
Je vous prie a tous sans faindre
Men prenez pas exemple a moy
De ce que ie me bigamoy
Dieulx vous vouldroit perdre la teste
Que languir en telle moleste
Nestre au dangier de iangleresse
De mallemangue tanceresse
Et des plours des enfans petis

Mais encores suys plus chetis
De sortir deuant iuge lay
Ly a douleurculx virelay
Pour les fais ne souloye faire
fors ce quil leur estoit contraire
Mais comes enuers eulx leuoye
Et par mainteffoys les greuoye
Las or me va bien aultrement
Certes dieu scet bien se ie ment
Et com ie vis a grant meschief
Je nose mais leuer le chief
Ne le sourcil vers ma maistresse
Don ie languis en grant destresse
Jamais tel douleur naura hom
Ne neust oncques soubz pharaon
Avec les lays suys assemble
Se semble que ie soye emble
Il ny a ne grant ne menu
Dont ie ne soye vil tenu
Las homme serf peut deuenir
franc cil peut on bien affranchir
Mais ie ne puyt iamais rauoir
Signe de clerc pour nul auoir
Dont ie voy que par mariage
Suys assez en plus grant seruage
Que serf qui se peut rachapter
Cest ce qui mon sens fait beter
Je suys ainsy com la suette
Qui par nuyt es rigours huette
Avec aultres oyseaulx de iour
Nose demourer a seiour
Jusques au soir la fault tarder
Quel nose les gens regarder
Dieulx me vaulsist auoir la fieure
L'omni me fait comme vne chieure
Quant honneur de clerc ay perdue
Qui ne me peust estre rendue
Non actif en passif mua
Bigampe qui me tua
Homs qui a desue fait hommage

Est dampne de triple dommage
Car iustice est par gens laye
Sa femme le moit ⁊ esbaye
De ses enfans seuffre par force
Ny a celluy qui ne se corche
Helas ie suys trop deceu
En trop mauuais las sups cheu
Mal heur et mal encontre ay
Heusse plus chier quant lencontray
Que ieusse encontre meduse
Laquelle sy com len dit vse
De conuertir les gens en pierre
Car ie neusse pas par saint pierre
Eu lors sy mauuaise encontre
Jencontray trop mauuaise mōstre
Je cheiz au cul de la masse
Je ne scay comme hors men trasse
Ne fais que gemir ⁊ crier
Car riens ne me vault dieu prier
Pourquoy priere fonderoye
A dieu plus que ne cuyderoye
Quil enclinast a moy ayder
En vain me pourtoye playder
Cest grant folie de penser
Pour oppressions entasser
Len peust faire lomme paisible
Non contaigneux estre impossible
Le me semble bien dur par mame
Se clerc espouse desue femme
Belle baillant non diffamee
Et digne destre bien aymee
Quant de clergie on le desgrade
Comment la sentence procede
Et le decret est trop nuyfible
Plus semble la coulpe loysible
A celluy qui sy bien suppose
Quant desue prent a son espouse
Raison luy monstre clerelement
Que condempnez nest nullement
Quil ne peut estre pourueu



Se par luy ne sest deceu
Di ap prins en masse saueur
Le ou ie nay bien ne honneur
Souuent mon mal en pps epite
Quant ie voy que coulpe licite
Ne nuyt point a deuenir prestre
Bien scay que point ne le peut estre
Qui prendroit femme corompue
Mais cy est droicture rompue
Car avec ceulx me puy desouyre
Sans marier ce ne peut nuyre
Bie me fault garder ma clergie
Sy ie vueil venir a prestrie
On voy biē q cest grāt dōmage
quāt le defaut daucū moblege
Plus que le mien cest grant simplese
Au cueur me fait trop grant destresse
Raison ny trouuera on ia
Cil qui fist ce decret sonia
Point na destat pour soy couvrir
Ne le droit ne scauroit ouvrir
Les drois sont par tout sauourables
Auy mariages honnourables
Sy sups tant hors du sens a payne
Du clerc qui loyaulment se mayne
Pourquoy sa premiere franchise
Ne luy est rendue ⁊ remise
Je voy bien par saint iulpen
Quant homs se lye du lye
Et faict tant quil est bygame
Jamays ne sera bien ayme
De clergie semble estre ennemys
Tous ses biens sont arriere mys
Trop empire a sa besoingne
Sy com le decret le tesmoingne
Le corbel prist estrange plume
Qui nestoit pas de sa volume
Sen demeure serf et hays
Et diffame par tout pays
Tout ainsy est il du bygame

Dui se sied sur aultruy escame
Hors loy est serf et condempne
Plus que homs en ce monde ne
Dui perd sa loy plus ny requeuure
Le droit playnement le desqueuure
Que vous diroye ie long compte
Les bigames ont trop de honte
De prestise sont deboutez
Se cause ya sy lescoutez
Quant raison est bien aduisee
Et en plusieurs pointz diuisee
Ne peust celebrier sacrement
Il est entier & proprement
Nature de desperite
Sont par ce point en verite
Plus ny doyuent communiquer
Luy contre voudroit repliquer
Les saintz peres du temps iadis
Dont ie vous nommeray les dis
A plusieurs femmes se couplerent
Et leurs mariages doublerent
Onques moins heureux nen furent
Nen seruitute nencoururent
Jay pour moy bonne raison nee
Jacob auant la loy donnee
Se maria avec lya
Et puy a rachel se lya
Et espousa rachel a ban
Je my congnoys bien dez antan
Puy sans la loy du temps des iuges
Qui de ebreux furent refuges
Et le maria pere samuel
Que on ne tient pas a mucl
Deux femmes eust lune fut anne
Et lautre sy eust nom susanne
Entre nous ou temps de la loy
Ne sommes pas de tel aloy
Mais infortunez au voir dire
Nostre condicion est pire
Quant homme perd pour ce son eur

Est degrade de son honneur
Ne noz peres par bigampe
Iadis ne le perdirent mye
Ceste raison vne aultrre engendie
Pour multiplier lu main gendie
La loy ancienne la met
Que diray ie donc de lamech
Lamech fut le premier bygame
Sy ne scay se dieu en eut lame
Quoy que le corps soit deuenuz
Haintz mauhy sont par luy aduenuz
Il fut chetif fol & volage
Aussy fist il chetif ouurage
Adam qui pecha par la gueulle
Neust femme fors que vne seull
Mais lamech deux en espousa
Sy com moyses escript nous a
Lune fut adde lautre fut celle
Sur toutes deux monta sans selle
Et puy en alant son chemin
Dcist le maleureux cayn
Et le tua dune sagette
Par derrier buysson ou hayette
Mal fut il onques dadam ne
En sept doubles fut condempne
Lame fecit toute sa sequelle
Par sentence ie ne scay quelle
Se lamech a la barbe lee
Dune sagette barbellee
Dccist cayn par ignorance
Ny cheoit pas sy grant bengence
Ne sy tresgrant pugnicion
Pour charnelle occasion
Com destre pigny en sept doubles
Cil iugement fut assez troubles
Car quant cayn occist son frere,
Bien le scauoit cest chose clere
Et lamech le fist comme auengle
Trop plus mesprist le chetif beugle
Quant le fait des femmes emprist

Il pecha trop car deuy en prist
L'autre fait ne le dampna mye
Tant comme fist la bigamyne
Quoy que iheremye en recite
Leure en puiſt estre mauldicte
Quant deuy en prist ce fut grant deulx
Pourquoy les prenoit ambedeulx
Pourquoy donques ne saduiſoit
Que femme ſeulle ſouffroit
A dix hommes ie diz a dix
Ne vouldroit aultre paradis
Les clers perdent droit et habit
Pour lamech et pour ſon deſpit
Dont vient tel droit quel raiſon eſt ce
Que le meſfait daultroy me bleſſe
A malle fin puiſſe il venir
Pys ne me pouoit aduenir
Na homme que deſtre bygame
Je nen puyſ mais ſy ie le blaſme
Car ce neſt mye choſe fainte
Helas que me vault ma complainte
Endurer fault la forſaicture
Car iay perdu bonne aduenture
En forme dhomme deuenir
Que ma franchiſe reuenir
Le me fait le droit de gregoire
Il neſt herbe ne mandegloire
Qui y puiſſe mettre remede
Non pleur aultre douleur concede
Et ſe ie me plains ſeulement
Qui ſuyſ de poſe tellement
Que nay cure de moy deſſendre
Draye reſponſe ny puyſ rendre
Qui me diroit tu eſ fraude
Mal ſeu ſoyes tu eſchaulde
Du tu peuz force propoſer
Je ny ſcauroye riens gloſer
Car en verite bien ſcauroye
Comme au contraire faiſoye
Sy lay conſenty et voulu



Et ſy ne me ſuyſ tiens touuu
Par violence ne par force
Sy ne me vouldroit vne eſcorche
Car les drois me ſont au contraire
Quant on ſcet bien que on doit faire
Fraude ny eſt point impoſee
La choſe bien conſideree
Ainſy diniure ny a point
Qui y regarde bien apoint
Je lay ſceu et conſenty
Et men ſuyſ trop tard repenty
Na raiſon eſt toute bryne
Je ſuyſ cauſe de ma ruyne
Et fut ma coulpes toute entiere
Dieulx me vaulſſit geſir en bierre
Ainſy ſoit il a mon vouldoir
Bygame ſe doit moult doulloir
Car il eſt cauſe de ſa payne
Et ſy eſt eſperance vayne
Sy meſmerueil a grant plante
Comme nul horn a vouldente
Soy alher en mariage
Qui eſt ſy perilleux lyage
Je vouldroye qu'on eſcorchaſt
Cheſcun homme qui ſefforcaſt
Quant ſa premiere femme eſt morte
De prendre ſeconde conſorte
Au moins ſy le fait ny gaigeoit
Certes ſe perrette mouroit
Dieulx aymeroye me faire pendre
Qu'après elle aultre femme prendre
Mariage eſt ſy fort langoureuſe
La vie en eſt trop douloureuſe
Qui mon iugement en croiroit
Se maiſt dieu on bruleroit
Tous hommes qui ſe remariet
Après ce quilz ſe deſpariet
Par mort de leurs premieres femmes
Tous ſont confondus les bygames
Plato les excommunya

Car point de benisson ny a
 Les nopces de leurs assemblees
 Qui souuent se font en emblees
 Pour doubte de chariuary
 Pendu soit le chetif mary
 He bigame bigamye
 Le dyable vous faict marpe
 Tu me fais les tourmens sentir
 Dont ie suys tard au repentir
 Mort viés tost a moy sans attēdre
 Contre toy ne me vueil deffendre
 Viens a moy viens mort tenebreuse
 Mort plus que mort: mort furieuse
 Hayne moy en feu ou en biese
 Du buisler dedans la fournaise
 Mort viens tātost pour moy presser
 Tant que ma douleur puist cesser
 Je meurs et sy ne puy mouir
 Ne tiens ne me peut secourir
 He ne puy mais se ie lamente
 En toute heure suys en torment
 Len dit que mort les maulx termine
 Mais ceste douleur mō cueur mine
 A vng coup mieulx finir ay masse
 Que de mettre mes pleurs en masse
 La mort dont ie meurs est amere
 Las que ne se maprist ma mere
 Joyr ne puy ne renoucer
 Sy vueil a mon frere auancer
 Et aux autres quilz se guerissent
 Que de celle mort ne perissent
 De bon tresor ses coffres emple
 Qui se chastie par exemple

S E vous voulez q̄ ie racompte
 De ma douleur & de ma hôte
 Bien est raison q̄ vo^s sachiez
 Cōme fuz piins & enlachiez
 Je fuz baisie & acolle
 Et fuz estain et affolle
 Par douly regars par beau langaige

Tant que ie mys mon cueur en gaige
 En temirant la pourtraiture
 D'ung des plus beaulx corps de nature
 Que ie sceusse en tout le monde
 Auoit la cheueleure blonde
 Resplendissant bien atournee
 Qui lors sembloit estre aournee
 Le front remply nect et polly
 Douly visage gay et iolly
 Et les beaulx yeulx douly et rians
 Amoureuement guerrians
 Le nez bien faict & la bouchette
 Vermeille riant et doulcette
 Souef fletant et pur dedens
 Tresbien ordonnee de dens
 Bien assis faict cōme de cire
 Sy bel quil ny eust que redire
 La gorgette pollye & playne
 Du il napparoit nerf ne hayne
 Le col blanc rondē par derriere
 Les espaulles en la maniere
 Les bras soupplēs pour acollet
 Plus beaulx quon ne pourroit parler
 Les mains blanches les doys traitiz
 Les costes longues le corps faitiz
 Et la facon de sa poitrine
 Parce de noble tetine
 Rondete poignant a eslite
 Ne trop grande ne trop petite
 Du port la maniere est seure
 Et de rains belle compasseure
 Ne trop large ne trop estroicte
 Les piedz beaulx et la iambe droicte
 Et tout ce qui dehors paroit
 De sy grant beaulte laparoit
 Quil ny auoit nulle deffaulte
 Ne fut trop basse ne trop haulte
 Dire me fault ains que ie hobe
 La beaulte de deffoubz la robe
 Doit bien estre consideree
 Car la noble taille esmeree

Desiroit sa belle chair nue
 Ne trop maigre ne trop charnue
 La mote & les choses secretes
 Auoit selon nature faictes
 Conuenables a leurs delys
 Les roses & les fleurs de lys
 Palissoyent pour sa couleur
 De la me sourdy ma douleur
 Car quant ie vey que estoit sy belle
 Cest ce qui fist mon sens rebelle
 Que riens ny cust a amender
 Mieux me vaulsist mes yeulx bander
 Au iour que premier l'aduisay
 Et que sa beaulte tant prisay
 Et son doulyx visage angelique
 Dessoubz sa forme sophistique
 Las com lors peu de bien scauoye
 Aduis mestoyt se ie lauoye
 Que ie seroye dieu des dieux
 De la me vient pps non pas mieulx
 Je cuydoye monter aux nucs
 Et voler par dessus les grues
 Tellement fuz damours rauys
 Non cueur tant com demourra vps
 En portera douleur et peyne
 Dedans marne ou dedans la seyne
 En rosne ou en aultre fleuve
 Du signe dit on que lon treuve
 Qu'il chante quant sa mort aprouche
 Hay pyps ouy mainte reproche
 Mainte riote & mainte noyse
 Mieux me vaulsist noyer en oyse
Me plains car par la veue
 fut ma science deceue
 Beaulte par lucil mon cueur
 iaura
 Dont iamais iour repos naura
 fol est homs qui se tient en boye
 Contre les dars qu'amours enuoye
 Raison dist ailleurs que tous temps
 Se font philosophes anciens



On ne doit mpe tant aymer
 Qu'on face de son doulyx amee
 Hclas et pourquoy tant amay
 Que pour aymer me bigamay
 Ne me souuenoit du prouerbe
 Du serpent qui gisoit en herbe
 Ne du malice femenin
 En la queue gist le venin
 Il nest sy saige qui ne peiche
 Ne sy belle fleur qui ne seiche
 Ceste que sy bien rem'ra
 Pourquoy ie ploure & gemiray
 Et qui ma fait mu & taisant
 Estoit sy belle & sy plaisant
 Angelique douce & benigne
 Que de iupiter estoit digne
 Mais a la fin ien fuz mary
 Oncques telz merueilles ne sy
 Car orendroit est tant rapeuse
 Corbee bossue & tripeuse
 Deffigee & contrefaictie
 Que ressemble chose deffaictie
 Rachasse sy est ia deuenue
 Toute grise & toute chenuie
 Rude mal entendant et sourde
 En tous ses faictz & vil & lourde
 Le pps dur pendans les mamelles
 Qui tant souloyent estre belles
 Sont froncees noires soullies
 Com bourses de bergier moullies
 yeulx a rouges larmeux et caues
 La goutte au nez et tousiours haues
 Esbahy suys quant ic remembre
 La deffacon de chescun membre
 Du tant auoit ouure nature
 Or est sy laide creature
 Qua regarder est moult horrible
 Et par dedans est mal paisible
 Triste pleyne dennemytie
 Et tousiours tance sans pitie
 Quant on la regardoit iadis

Il sembloit que de paradis
Fust deesse au douly viaire
Tant estoit simple & de bonnaire
Or est rivee et crueuse
Grant tanceresse & batailleuse
Lest grāt douleur nen doutez mye
Quant femme vient sy terupe
Quant la douce tendre lectue
Devient rousse & maloustrue
On la cueille pour hors getter
Raverdir ne peut pour tremper
Sy vouloroye par mon serement
Que ie peusse sy bonnement
Lelle pour qui bigame sup
Gecte dehors tout aultre sy
Quāt ie la voy le cueur me tremble
Nest merueille car il me semble
Quamoy tous tēps estruier vueille
En elle a trop amere fueille
En elle est la rose amortie
Et sy point plus fort que loitie
Lamour y fault sy y croist hayne
Douleur courroux regret actayne
Se ie dy beu elle dist bou
Nous sommes cōme chien et lou
Qui sentretechynent es boys
Et se ie vueil auoir des poyz
Elle fera de la porce
Tant est de mauuaise coree
Se ie la repiens et tourmente
Ne cuydiez pas que ie vous mente
Tant de mauly souffrir ne pourtoye
Aincops a mon vouloir mourtoye
Se ceulx qui sont en mariage
Ne souffroyent tel cariage
Sy que ie fais las sur tous las
Mais len dit que cest le soulas
Des chetifz auoir compaignie
Et pource ne laissent ilz mye
Dauoir mieulx contre leur vouloir

Et sy le fol se doit douloir
Destre seul sa douleur angroisse
Par cest orloge ay grant angouisse
Nulle heure de noiser ne cesse
Et destre tousiours tenceresse
La langue de femme noiseuse
Nest oncques de noiser oyseuse
Le son de la cloche surmonte
femme noyseuse ne tient conte
De chose qui soit saige ou sole
fors que len oye sa parole
Elle poursuyt sa voullente
Riens ny a sur rayson ente
Aincops luy est chose impossible
De penser a chose loysible
Ne veult que son mary domine
Mais contre ses faitz abhominie
Soit bien ou mal le conuient faire
Et le mary souffrir & taire
Sil ne veult estre lapide
Nul hom tant soit il aduise
Ny scet proprement pourueoir
Tant y puist il clerement veoir
Le quelles ayment il fault aymer
Et ce que heent fault blasmer
Et reprouuer ce que reprouent
Tant que leur intencion prouuent
Dont aura assez a souffrir
Lilz qui a ce se veult offrir
Quinze foyz de nuyt & de iour
Aura passion sans seiour
Et sera tourmente forment
Certes ie croy que ce tourment
Surmonte les peynes densfer
Aux lyez en feu ou en fer
Quant il ya faulte de viure
Et le mary assez nen liure
Les femmes dient cest la somme
Que cest par la faulte de lomme
Et sil na des choses assez

Et des biens pour viure amassez
 Qui vient de leur prosperite
 Ja nen dira riens dequite
 Les biens des hommes riens ne prisent
 Ains les confondent & despisent
 Les biens a elles attribuent
 Disant quelles fillent & buent
 Et que de lostel ont la cure
 Se le mary par auenture
 fait vingt choses dont lune baille
 Ne la puseront vne maille
 Enuers les gains quelles feront
 Dieulx a lostel prouffiteront
 Trops touailles par elles fillees
 Du ont leurs oeuvres employees
 Plus que tous leurs emolumens
 faictz a cheualx ou a iumens
 De terre ou cent arpens sont
 Entreulx serpens tesmoingne sont
 Et diront contre val les tues
 Que tout ce que beuf & charrues
 Peuent par labourage rendre
 Il le conuient ailleurs despandre
 Mais ce qui vient de la quenaille
 Il leur semble que trop plus baille
 Et nuyt et iour soustiens lostel
 Chascune se donne los tel
 Que la quenaille riens ne gaste
 Mais la charrue trop degaste
 Des beufz il conuient res greniers
 fain: auoyne: mailles: deniers
 herbergerie rastel et besche
 Pour rasteller la terre en fresche
 fourche flapel van et houel
 Tout ce il fault ou vng ou el
 En despens auant & arriere
 Et se laquille a cousturiere
 Est mise avec la quenaille
 Trop bien besoigne a merueille
 Et dient quen toutes saisons

Gouuernent trop bien leurs maisons
 Les femmes se dient tout faire
 Et de leurs mains font le contraire
 Dont par force sont vainqueresses
 Car ilz sont trop grans iangleresses
 En leurs faictz de raison na point
 Ja ne les prendres sy apoint
 Celle cony lautre est: telle est lune
 Soubz le soulail et soubz la lune
 Dune mesmes condicion
 Et de faulce intencion
 Contre bonnes meurs ilz expedent
 Nature quilz ont dont procedent
 Sy les gouuerne a ce faire
 Et contrainct par tel exemplaire
 Que leurs mariz font estre serfz
 Et leurs droiz plus cornus que cerfz
 De femmes est trop grant meschief
 Quant hommes dient estre chief
 Entreulx quant ilz sont en priue
 Soit il estrange ou priue
 Chascune en dira a sa guise
 Pour tousiours auoir la maistrise
 Les femmes par leur reuerie
 Est lordre des conseilz perie
 Ce nest pas merueille trop dure
 Se le mary nulz temps ne dure
 Contre sa femme mal piteuse
 Enuers la femme riotieuse
 Qui souuent leur fait aprester
 Car nul hom ne peut contreter
 Non feroit dieu au mien cupdier
 La place luy faudroit vnydier
 Qui le voir en oseroit dire
 Car il nest riens de femme pire
 Leur mauuaistie encommenca
 Despuys le temps adam en ca
 Oncques puyz qui luy mescheit
 femme a son mary nobeit
 en Natheolus.



Comment guy trouua soubz symon
 Sa preude femme sy fist mon
 La quelle cria sy tressort
 Que guy dist mamye iay tort



Oltre les tancons & les lymes
 Par six manieres d' sophismes
 La femme mayne l'ome a methe
 Droit est q' epempe bo' mette
 De leur preuaricacion
 Vne sophisticacion
 Par la langue est bien prouuee
 Guy auoit sa femme trouuee
 En sa chambre d'essouzbz symon
 Qui satrappoit pres du lymon
 Apres leure guy se courrouce
 Vers sa femme rechyne & grouce
 Et luy dit Va ten folle femme
 Dieu te confonde corps et ame
 Ta mauuaistie est manifeste
 Lors fut sa femme toute preste
 De son mary redarguer
 Et luy dist me veulx tu tuer
 Dy que sur moy trouuer tu as

Pourquoy ainsy maudite mas
 Pourquoi es tu ainsy martir
 De toy ie me vueil despartir
 Lasse pourquoy mal parler oses
 De tel fait que sur moy imposes
 Ainsy fut bien deceu mon pere
 Car il cupda veoir ma mere
 Que soubz aultruy se marioit
 Mais sa veue se varioit
 Bien scay que ma mere fut morte
 Par tel fait de semblable sorte
 Et aueuglee tellement
 Chier mary dy moy quellement
 Tu as pense celle folpe
 Dont vient celle melencolpe
 Chier mary me veulx tu destruire
 Tue moy ou me laisse viure
 Sans forfaiture & sans raison
 Tu seroyes trop mauuais hom
 Dy moy que veulx tu que ie face
 Et tantost le chetif lembraice
 Et luy dit seur ie vueil ta vie
 Car se tu estoyes raupe
 Du siecle sy com fut ta mere
 Ta mort me seroit trop amere
 Lors dist elle il conuient donques
 Que tu reconnoisse que oncques
 Sur ce fait ne fusses culpable
 Du ie mourray sans nulle fable
 Or dist tantost que cest mensonge
 Et quil est aduenu en songe
 Car par pareilles destinees
 Sont mes deuantieres finees
 A ce point ne sceut que deffendie
 Le mary nyce sans attendre
 En la presence des voisins
 Des commeres et des cousins
 La main mist encontre son pps
 Disant quil auoit mal aduis
 Et par serement se repentoit

Et iura que menty auoit
 Que a tort l'auoit accusee
 Et sans cause la diffamee
 Dont luy mesmes doit len huer
 Qui se laisse redarguer
 Auec la langue & la beue
 Par le sophisme trop deceue

Comment verris pres sa charrue
 fust d'une femme de sa rue
 vaincu de loisible diffame
 Du il auoit trouue sa femme



Veris assez le no^r tesmogne
 Celluy veris vit en besogne
 Seville sa femme espousee
 Dessoubz l'ing hōme fut posee

Le fait & leure renpa
 Et iura que coulpe n'ya
 En luy affermant le contraire
 Le bon homme ne sceut que faire
 Ne scet lequel des deux il croye
 Adonc deuient plus blanc que croye
 Le chetif fut tout esbahy
 Et pensa quil estoit trahy

filant ala a sa charrue
 Vne voisine de la rue
 Laquelle estoit du fait aprise
 A son seinct vne buche a prise
 Le fut banchis la dame saige
 Pour mener a fin son messaige
 Vint aux champs de malice playne
 En filant de la rouge layne
 Et sy en portoit de la blanche
 Hufsee au pres de sa hanche
 En basse voix a salue
 Celluy qui estoit bellue
 Il luy respond incontinant
 Que querez icy maintenant
 Ne quel auenture vous mayne
 Tantost mussa sa rouge layne
 Celle de malice couuerte
 Et en apres com bien apperte
 La blanche mist en sa courtoye
 Quant ce vint au bout de la roye
 En sa quenaille le changea
 Par grant contraire lestrangea
 Adonc le bouvier sesmerueille
 Quant il vit blanche la vermeille
 Houlst fut pensif & toutes voyes
 Quant il eut laboure troyz royes
 Luy enquist que cestoit a dire
 Elle respondit iay grant ire
 De ce que tant de testes auez
 Je ne scay se vous le scauez
 Mais ie les voy appertement
 Non ay dist il certaynement
 Il tasta son chief tout pensy
 Qui bien cuydoit que fut ainsy
 Et puy a dit que bien scauoit
 Que la beue faulcee auoit
 Que seville estoit voir disant
 Et qua tort l'aloit desprisant
 Banchis en faulcete abille
 Luy iura adonc que seville

Pour tout le monde entierement
Ne luy feroit faulx serement
Certes veris bien fait accoire
Sebille vous dit chose voire
Ainsy banchis la coustumiere
Luy fist beluet la lumiere
Dit fut que lueil ne la veue
Nauoit pas la chose veue
Ainsy feroit homs redargus
Sil auoit tous les peulx argus
Puis que femme le pient en cure
femme de verite na cure
Et confuse latouchement
femme dit que la touche ment
Par argumens et par falaces
Par plusieurs epemples & farces
Mais vng pour brieſte doit souffire
Aultreffoys auez ouy dite
Comment framery sy trouua
Lamp de sa femme & prouua
Que en son lit par nuyt obscure
hocher faisoit sa couuerture
fort le fery sur les cheueulx
Et le dist pient ce se tu veulx
Pourquoy es tu icy venu
Larron tu seras bien tenu
A sa femme dit framery
Doulce seur bien sera marry
Mais que bien le puisse tenir
Sa femme en laissa conuenir
Et ala querir le pestail
Il auoit leans du bestail
La femme qui ne fut pas pure
Son amy franchement deliure
Et amena lasne en son lieu
Qui du messait paya le treu
Par le fol conseil de sa femme
Laquelle couuroit sa diffame
framery haulce & seuertue
Et son asne fiert et le tue

Sy que du pestail lassomma
En ferant larron le nomma
Puis alumina de la chandelle
Et quant il vit la grant cautelle
En plourant luy fist triste feste
Et luy dist brunel bonne beste
Pas ne lauoye deſscrup
Trop mal a toy aduifer dy
Lors la femme se recoucha
Et iura quaultre ny toucha
Et que nul aultre ny senty
Toutesuoyes elle auoit menty
framery cuidoyt par saint cosme
Que ce fut songe ou fantosme
D sa femme sala couchier
Si comme vous lauez touchier
fut redargu par cest epemple
Qui nous est baillie assez ample
A mete de faulx est mene
Le fol mary mal assene
De femme ne se peut deffendre
De la lune nous sont entendre
Par epemple et par reuel
Que ce soit vne peau de bel
Combien que ce soit impossible
Deullent prouuer que cest loisible
A croire ce est plus grant chose
Nest nul qui contredire lose
Ne soustenir alencontre ains
Estoit par grant amour contrains
Du pour tancon ou leur accoye
Et quon dye que lon les croye
faindre & dissimuler comment
Bien le scay et bien men souuient
Cest merueille quant femme tonne
Car a tous les dyables se donne
Affin que pource soit creue
Jamais nen seroit receue
En pariurant saintement ploure
Tant plus ment & tant plus fort iure

Hains y croy car Voir ne seet dire
 Et se Voir dist lors rougist dire
 Des exemples y a assez
 Qui cy ne sont pas amassez
 De trop parler de leur affaire
 Car iay assez ailleurs affaire

Comment salomon tant folastre
 Pour femme fut fait ydolastre
 Et pour femme qui me remort
 Vengea le morseau de la mort.



Les fêmes salomō vainqrent
 Et en la fin le desconfirent
 Par fême fut son corps pene
 Et par leurs blandices mene

Jusques a mette de cupdier
 hors de loy le firent cupdier
 Pour les ydoles adourer
 Oncques ne sceut tant labourer
 Que il y peust mettre remede
 fraude de femme tant exped
 Art ne raison ny bankt pas maille
 Quant homs les croit que il ne faille
 Que dedans ses las ne soit cheu
 Quant salomon en fut deceu

Lors de son meffait se douloit
 Et dit que recouurer vouloit
 Labusion quil auoit pris
 Dont par cupdier estoit surpris
 Lors fut mene par la cite
 Par deuant luniuersite
 De tous ceulx qui le vouldrent veoir

Mais oncques ny peut pourueoir
 Duys que par souuerain destroys
 fut prins le plus saige des roys
 Salomon plain de sapience
 Et quil abusa de science
 Par femmes et par leur riote
 Doncques est fol et ydote
 La personne qui croit parolles
 De femmes qui sont ainsy folles
 En la fin en a mal loyer
 Plourer gemir et larmoyer
 En tourmens a grans a petis
 Sy com ie suys qui suys chetis
 Le plus chetif de tous clame
 Pource que ie suys bygame
 Serf des serfs en toute maniere
 Et tourne ce deuant derriere

Comment par femme somme toute
 fust cheuauche aristoute
 Qui ne leust veu neust pas cupde
 Que iamais se laissa bride.

Fêmes sceuent plus dune note
 Commēt appert par aristote
 Peryarmenias elenches
 deuisees en plusieurs brâches
 Pnoires posteres et logique
 Ne science mathematique
 Car la femme tout surmonta
 Lors que par dessus tous monta
 Et vainquit des mettes le maistre
 Au chief luy mist frain a cheuestre
 Vene il fut a silogisme
 A barbarisme a risisme
 Son cheual en fist la moyneffe



Et le pinguoit com vne anesse
 La ioincture trop se haussa
 Lors quant le masle cheuaucha
 Le gouuerneur fut gouuerne
 Et comme cheual pourmene
 Elle est a iouc ⁊ il souffroit
 A hannir soubz elle souffloit
 La fut lordie prepostere
 Le dessus dessoubz altere
 Et confondu car mal sacorde
 Psalterion hors de sa coide
 Et certes ceste cheuaucheure
 fut incongrue et mal seure
 En ce fait grammaire trahye
 fut: et logique esbahye
 La ne scauoit parler nature
 Pource que par Venus luxure
 Est aux decretz interdite
 Leure peust estre mauldicte
 Quant tellement se supposa
 Et qua tel fait penser osa
 Il cuydoit apres cheuaucher
 Pour soy en amour exaulcer
 Mais deceu fut et mal garny
 Car par elle fut escharny

Elle le deceut en science
 Quelle neust point de conscience
 Au descendre dessus la crouppe
 Trempe estoit comme vne souppe
 Je ne scay par quelle folie
 Du maniere de mocquerie
 En sa ioye ne peut entendre
 Quant sa Berge ne pouoit tendre
 Nature dampne le viellart
 Dultre pouoir par son viel art
 Qui plus en prent qui ne peut faire
 Double pechie luy est contraire
 Des cheuaultz la condicion
 Auoit selon mentencion
 Ly scauoit force de nature
 Et de raison et de droiture
 Pourquoi ny vindrent ilz le cours
 Pourquoi ne firent ilz secours
 A leur ministre et a leur maistre
 Je ne scay comment ce peut estre
 Que diront les logiciens
 Et leurs sophismes anciens
 Quant leur docteur et leur seigneur
 fut a confusion greigneur
 Quoncques mais ne fut fol tondu
 Plus ne peut estre confondu
 Las que dira philozophie
 Quant figure demphibolie
 A le grant maistre deceu
 Quoncques tel fait ne fut deu
 femme fut cheualier ⁊ lomme
 fut le cheual portant la somme
 Embride soubz barbe chenue
 Par ses abus est aduenue
 Aux arciens continuelle
 Confusion perpetuelle
 Des mauultz loups soyēt ilz mengiez
 Car ilz sen sont despuis bengiez
 Cest liure preuue clerement
 Du que soye et quellement
 Je suys mene a ceste mette

Nest qui remede men promette
 Car ma femme est trop mal charmee
 Toufours est de tancons armee
 Dont ie fups mys en grief tormente
 Je fouspire ploure et lamente
 Jay pire mal que fieure quarte
 Comment mettray en ceste quarte
 Je ne la fcap intituler
 Fors que de ploier a huler
 Car femme fy a tel vouloir
 Que toufours veult noise esmouuoit
 Et affin quelle puiſt troubler
 Son mary elle fait doubler
 Doyre repeter dune poſe
 Bien dix foyſ vne meſme choſe
 La choſe trois foyſ recitee
 Veult en court eſtre repete
 Car par derrier lozeille tende
 Semblant fait que point ne lentende
 Fors que ſon mary courroucier
 Le bon homme noſe groncier
 Dueille ou non fault que paip quiere
 Pour doubte quelle ne le fiere
 Elle gloſe toufours le pyre
 Ainſy ne ſcet lomme que dire
 Et ne ſcet lequel il doit faire
 Car il voit bien qui ne peut plaire
 Soit en plourant ſoit en taſant
 Son fait eſt toufours desplaiſant
 Et luy dit la male ennemye
 Que pour honneur ne luy dit mye
 Adonc eſt moult fort aſailly
 A riote na pas failly
 Contre ſoy eſt tendu le las
 Que fera donc le pouure las
 De quoy ſe pourra conforter
 Trop a peſant faiz a porter
 Car les tancons des males gloutes
 Des mal paiſibles pres que toutes
 Surmontent fieure continue
 Leur riote trop maintenue

Treſtous les ſens dhomme ſe deulent
 Ilz ont droit de plaindre ſe deulent
 Des femmes et de leur oultraige
 Puis quelles ſont en mariage
 Lomme ſont troublez et irez
 Tant que ſes ſens ſont empirez
Demiereſint neſt pas merueille
 Noife fait abſourdir lozeille
 trop nuyt ſon de ſeme a noife
 Je le ſcap bien dot il me poife
 En femme na point de ſilence
 Car par la cenſible exellence
 Eſt le ſens dhomme corrompu
 Dont ie fups ſourd a tout rompu
 Ceſte horologe toufours ſonne
 Tout eſtourdiſt a tout eſtonne
 A crier tant ſe determine
 Que louyr me deſtruit et myne
 Apres tel torment demayne
 Quon voit de mes yeulx la fontayne
 Piſſoller contre Val ma face
 Force de plourer mes yeulx efface
 En plourant toute ſe deſſiue
 La ſubſtance de ma veue
 En mes larmes na nul ſeiour
 Je veille de nuyt et de iour
 Par riote me conuient faire
 Tout ce qui eſt aux yeulx contraire
 Il neſt riens qui peult traouailler
 Les yeulx tant com fait le veiller
 Na femme contre moy reuelle
 Non chief par tancons eſſeruelle
 En mes yeulx apparent les foſſes
 Tant on gette de larmes groſſes
 Dont ma lumiere neſt pas viape
 Pour veoir fort quant le ſouleil raye
 Et en apres pour la foibleſſe
 Du tumeur qui mon ceruel bleſſe
 Non nez ne peut riens adorer
 Roupies me faiſoyent plourer
 La nartyne dumeurs emplye

Qui la colere multiplie
Et fait aler le materel
Jusque au col ou haterel
On dit quant le chief est enferme
Il ny peut auoir membre ferme
Non cueur est oppresse par ire
Certes ie nay talant de tite
Le chief me deult ne suys pas aise
Desuoys suys par tel mesaise

Apres iay perdu le gouster
U goust ne puis riens adiouster
La femme par vsaige muche
Dessoubz mortier ou dessoubz

Le que a son mary doit plaire (huche)
De lode viande qui flaire
Luy offre quant il veult menger
Crueusement sen scet venger
Elle recond la viande bonne
Et de la mauuaise luy donne
De celle qu'on doit reffuser
Sy ne scet de son goust vser
Sy veult pops elle fait porce
De raues ou de cicoree
Sy veult poisson la chair apreste
Tant est elle mauuaise beste
Sil veult vin il aura seruoise
Ainsy men est ou que ie boyse
Ainsy perrete me tourmente
Le la viande estoit sanglante
Il fault que menguee ou boyue
Et que maulgre mien la recouue
Je nen puy mais se ie la doute
Elle met sa pensee toute
A me troubler et empeschet
Rien ne my vault tout mon prescher
Sy ie vueil blanc pain ou gastel
Elle retourne le cas tel
Que iay greuain plain de leuain
Affin que plus me semble vain
De la langue mal aomee
Mal disant et desordonnee

Vueil icy congnoistre ou nyer
Dieu la vueille excommunier
Et en parler a double ment
Pourquoy ie perys doublement
Ma langue nose barbouillier
Tant crainctz celle de ma moullier
Quant est presente elle maourne
Tant que de fait elle retourne
Ma parole a est cassee
Par sa faulce iangle trouuee
Dire ne scay ne tiens retraire
Du temps passe que le contraire
Ne dye aussy et du present
Que ce nest que rigolement
Mon nom dimpne et diffame
Et toutes mes paroles blasme
Je suis tout seul ne sot pas truffez
Car moult souuent me fort de buffez
Je dy ou temps que ie pouoye
Et courtiz puiffamment souoye
Deux foys ou trois sans demourer
Bien y scauoye labourer
Et toucher a la molle cuyffe
Mais com orendroit plus ne puisse
Coucher ne labourer perrette
Que pou ou neat car ma phartette
Est vuyde et mon arc ne peut tēdre
Dont ie nay de quoy moy deffendre
Si me fault faillir a ma proye
Perrette foiment me guerroye
Et torche fiert et esgrataigne
De ses ongles par grant ataigne
Souffrir me fait ses felonnyes
Car mes bourses sont mal gainies
Ha que bien me doit desuoer
Souuent me souloye iouer
Par grant soulas ou temps deeste
D'ay ie passe et este
En puer suys qui me deueure
Nulle puiffance ne demeure
Quen diroye bien voir sans doute

Jen ay perdu ma vertu toute
 Bien voy que impotence nuyt
 A moy plus d'une fois la nuyt
 Jadis souloye soulasser
 Et accoler a embrasser
 Drendroit plus ne me soulasse
 Par ce que sups froit comme glace
 Et celle femme que ie pris
 Ses droiz requiert souuent de pris
 Que ie luy refuse a payer
 Je fays le sourd pour delayer
 Elle tance en audience
 Et ie Sueil par impacience
 Tout laissier a tout refuse
 Et se iay demy iour use
 Perrette double a fait grant noise
 Lors est enuers moy mal courtoise
 Point ne se cesse ne repose
 Tous ses droiz allegue a propose
 Non impotence est anunce
 Et dit se la source fronce
 Ne peut payer le droit pour elle
 Que iauray peyne corporelle
 A ses ongles me vient pillier
 De mes cheueux plus dung millier
 Par fureur derompt et attache
 Le sang fait yssir de ma face
 Tel fait chascun iour renouuelle
 Celle mauldicte perrenelle
 Riens enuers elle est tout cler
 Ny vault espee ne boucler
 Je sups vaincu ou ie pers place
 Souuent appert sur moy la trace
 Non barlet lors comment quil aille
 De loing regarder la bataille
 Et nose vers nous accourir
 Ny ne moseroit secourir
 Trop craint celle qui se rebelle
 Qui enuers moy est ainsy felle
 Que ne le preigne par la barbe
 Quant il voit quainsy se rebarte

Encontre moy et sups tenu
 Arrier sen fuyt les pas menus
 Bien doit que le lieu nest pas seur
 Dehors mattent derrier le meur
 Adonc y suruint la nourrisse
 Et crye hault com sole a nyce
 Dame Becy se dieu me fault
 Le garcon qui a fait le fault
 En la ville sen va esbatre
 Tout par moy me laisse debatre
 Et sen va par my la maison
 Murmurant contre le garcon
 Par sa gueulle soit il pendu
 Je luy auoye deffendu
 Quen la ville il ne trotast
 Coucu y est plustost qung rat
 Il nest riens que il vueille faire
 Fors que de bien tout le contraire
 Bien ressemble la perrenelle
 De malice et de cautelle
 Et la nourrisse daultre part
 Sy dist le grant dyable y ait part
 De la maison toute la cure
 Et de lenfant la nourriture
 Jen ay la peyne se maist dicuy
 Les nourrisse es aultres lieux
 Ne sont pas sy tresmal menees
 Chieres tenues a honnourees
 Sont par tout il n'ya nourrisse
 A qui len ne face seruice
 Et les maisgnies qui les seruent
 La grace des dames desseruent
 Bien scet la nourrisse proposer
 Quel doit dormir et reposer
 Boire et menger a Soulente
 Affin quelle ait lait a plante
 Puy dist quon donne a grant randon
 Ailleurs a chascune grant don
 Or dist cest seigneur iay seruir
 Puy leure que mys a seruir
 Autant de mon prouffit y fais ie

Comme d'assembler le riuage
Je suis a luy mal assuree
Bien voy que suis infortunee
Car les autres sont plus heureuses
Et ne sont pas tant curieuses
Grant peyne est ceans amassée
Combien que ie soye lassée
De ce que toute iour traueille
Sy conuient il que par nuyt veille
Lors la nourrisse mal estable
Sen va droit a luy de lestable
En tressant mon cheual deslye
Et qui pis est par sa folye
Le bat et le met en epil
Hors a la pluye ou au gresil
Cest despit me fait la truaude
Sy com sa dame luy commande
Et sil aduient par aduerture
Qu'il demeure soubz couuerture
Après les tressons vrayement
Sera establez pourement
Quant perrette me veult tancer
Sa nourrisse fait commencer
En son ayde sabandonne
Et le droit a sa dame donne
Se perrette dist en huant
Que ie soye chieure puant
Lors ma nourrisse luy tesmoingne
Et seurement de la besoingne
Dont scay que point ne mayme elle
Et sy na laict en sa mamelle
Lors lestraict semblât fait du traire
Pups fait lenfant crier a braire
Secretement luy fait moleste
Tout ce fait la mauuaise beste
Pour moy courroucer a greuer
On ne la peut du lit leuer
Lorde nourrisse paresseuse
Nyce iangleuse riotieuse
Enuys la voit on oncques tire
Mais bien scet tancer et mauldite
Quant on luy dist quelle se lieue

Leur d'appeller nest pas briefue
Enuys se lieue la chestiue
En murmurant tance et estriue
Et suppose qu'appelleroye
En veillant saint que ronflet doye
Sil aduient bien que le cul souffle
Aulcunessoyz quant elle roufie
Et quant par crier est contraincte
Prestement par parole sainte
Respond et que voulez vous sire
Lieue sus biens sy loiras dire
Il est nuyt en cour dormiray
Quant sera tout a vous itay
Jour est le ie voy playnement
Di lieue sus appertement
Adonc se plaint a haulte voix
En dieu dist elle ie la vois
Lieue sus sans demourer va
He dieu quel homme est ce la
Je cerche ma cocte crostee
Et quel dyable la ma ostee
Di sus haste toy ie suis prestee
Pups ca pups la tourne sa teste
Pups pient ses membres a grater
Du les estend pour dilater
Je vops ie vops ce dit souuent
Mais du venir ne tient conuent
De paresse cest sa facon
Et tardue com l'imaillon
Perrette a hault crier se laisse
Que cest qui dormir ne vous laisse
Nous ne pourrons huy mais durer
Nous auons assez a curer
Cest bien voir certes ie vouloroye
Qu'il fut ou ie souhaideroye
De nous seroit assez arriere
Et pups dist a sa chamberie
Mal fais point ne te leueras
En son despit tiens ne feras
Nobey pas a sa demande
Men fais tiens pups quil le commande
Par le crucifix est ce fable

Son barlet gist dedans lestable
 S'il veult sy le voise appeller
 Quant ioy perrette caqueter
 Je me tais sil fault faire pose
 Ses tanceries sont sans glose
 De moy laidir est corageuse
 Et de trop parler oulttageuse
 Quant furent en son corps procede
 Il est force qu'on luy concede
 Se ie dy mot elle me touche
 De la paulme pres de la bouche
 Quant contre moy la voy mouuoit
 Dupdier me fait par escouuoit
 Je sens trop mal partir mon ieu
 Par dela les mons de mongeu
 Du assez plus loing Boulevardoye estre
 Du dela paradis terrestre
 Las pourquoy sups ie ne de mere
 Tant oppressez en grief misere
 Las pourquoy ou tenebreyx centre
 Ne sups perilz dedans le ventre
 Las pourquoy vifz chaulx et hale
 Par les ongles qui mont pele
 Il me fait languir en griefz paynes
 Toutes mes prieres sont baynes
 Daultre part vuyde est ma prouesse
 Mes dons sont vains ma vertu cesse
 De pis auoir sups deffiez
 Mes cinq sens sont mortifiez
 Mes yeulx ne peuent regarder
 Car grant langueur les fait tarder
 Tant me griefue veoir a lueil
 Comme charrestons au souleil
 Je ne puy a goust sauuouuer
 Ne ie ne puy riens adorer
 Puis ne scay taster de mes mains
 Tant comme souloye mais mains
 Et de mes oreilles noy gouste
 Ainsy se meust ma vertu toute
 Nature est en moy affoible
 Toutes ces choses y oublie



Liber secundus.

LE qui iadys souloye faire
 Les beaulx dictiers et a chief
 dedas lestude florissat (traire
 En ma lyesse nourrissant
 Ly du temps non pas par vieillesse
 Mais par riote qui me blesse
 Deuenir me fait decrepit
 Sans auoir terme ne respit
 En dormant ie songe batailles
 Pys en la fin quaux commancailles
 Joy mon sens tousiours bataillant
 Et en dormant et en veillant
 N'est pas merueille sy mennuye
 De languir en sy dure vie
 Die mest trop pys que la mort
 La mort cesse quant elle a moit
 Mais ce tourment tous temps me dure
 Et sy conuient que ie lendure
 Par moy qui meurs a grant martire
 Doit on a tous les autres dire
 Que ceulx de marier se gardent
 Et qua cest exemple regardent
 Pour escheuer femme a son art
 Quant la prouchayne maison arde
 Du len y voit le feu bouter
 On doit de la sienne doubter
 Sil est aucun sy papelart
 Qui de femmes ne saiche lart
 Ly en droit en dite ou lise
 Et les bons motz pour soy eslise
 Il trouuera enseignement
 Mais quil en vse saigement
 Tu qui liras dedans ce liure
 fais que des femmes te deliure
 Sy tu boys leurs oppinions
 Leurs meurs a leurs condicions
 Que ie diray sen ay licence
 Bien croy que par iuste sentence
 Deuers ma partie seras

Et par droit les condempneras
La femme est tousiours rioteuse
Fangleuse dure & despiteuse
La paiz est par elle bannye
A rebours dit la letanye
La parolle dieu et la messe
Souuent maudit en sa promesse
Ma femme les tenebres chante
Et lamentacion ie hante
Elle maudit a chascune heure
Du elle tance ou elle pleure
Chascune femme dit et note
A son mary ceste riote
A toutes heures chante & sonne
Trop parest paruerse personne
Aux respons fault crier et braire
Pour les tenebres contrefaire
Par. ve. chante sa letanye
Et sy me maudit et anye
Toutes heures ainsy commence
Du elle ploure ou elle tence
Le mary loyt Sueille ou ne Sueille
Sil est sy hardy qui sen dueille
Par vng mot auroit vng millier
Il fault quil buyde le cailliet
Et que de sa maison tost ysse
Tant luy fait la desloyal lisse
Quil conuient que lomme sen fuye
Il est vray que femme & pluye
Et femme tancant sans raison
Chassent lomme de sa maison
Quant la femme tance et debat
Souuent commence le debat
Leaue pourrist et la fumiere
Gaste les yeulx et la lumiere
Et les fait par force plouter
Ainsy ny peut plus demourer
Affin que la riote meue
Dira que bien souuent le treuve
Son mary prins en adultere
Ainsy iamais ne se peut taire

Du fier lanfant affin quil braye
Et na talant quelle rapaye
Le poisson sans eaue habiter
Ne peut femme sans labiter
Et sans tancer aucunement
Dont te dy ie certaynement
Entens bien ce que tu lys que
Elle ressemble au basilique
Cest vng serpent dont dieu te gart
Les gens occist de son regart
Retiens bien pour toute doctrine
Le souyr en est medicine
Trop plus assure est le ly hom
Auecques serpent ou lyon
Quauecques femme qui estriue
Je le pieue par raison diue
Tu peuz toutes bestes sauuaiges
Doubter par lieux et par bocaiges
Par art ou par subtilite
Les mener a humilite
Le ne peuz faire de tespouse
Pource quelle est trop orgueilleuse
Se tu pouoyez vng empire
Par ta bataille desconfire
Ne pourrois tu femme vaincre
Le me dist lystoire du paintre
Et lescription le tesmoingne
Il nest nul quil ne la reffoingne
Se le veoir en est congnoissant
Il nest homme tant soit puissant
Quil ne soit en la fin vaincu
Par la femme et son escu
Decy lexemple que lon nomme
A monstreul eust vng ieune homme
Appert & hardy merueilleux
Fumeux estoit et batailleux
Sa brigue ny fut eschappee
Tousiours auoit main a lespee
Il ne doubtoit estoc ne taille
Et ne queroit que la bataille
Tant fut de paruerse nature

Que de paiz trouuer nauoit cure
 Albar il estoit sy selon
 Quil nauoit ne frain ne raison
 Tant ala & tant charia
 Quen laparfin se maria
 Comme folz et oultreuidiez
 Chetifz et de tous sens budyiez
 En mariage se bouta
 Et de paiz il se reboute
 Quant il fut du lyeu lye
 Dempte fut & humilie
 Car il trouua femme rebelle
 Qui les pompes du fol rappelle
 Comme deesse de la bataille
 Ses coustures luy retaille
 Il nest sy hardy quil nestriue
 Car il ne scet ne fons ne riue
 En ce point peut de dueil creuer
 Il nose le sourcil leuer
 Vers sa femme quant elle iure
 Que ne le preigne par la hure
 Il ne cuydoit pas que fut telle
 Sy luy conuint trouuer cautelle
 Quant sa femme le molestoit
 De la maison ou il estoit
 Sen despartoit en tapinage
 Et sen aloit en boyssinage
 A ses compaignons lamenter
 Et de ses douleurs dementer
 Il fut sy ramene de meures
 Que las se clame en toutes heures
 En plourant fort se maudioit
 Et soy mesme desperissoit
 Par impacience mene
 Comme chetif et malheure
 De ce que marie estoit
 A celle qui le tempestoit
 Il ne me sceut faire le semblable
 Je lieue du lit ou de table
 Je nose pas donne responce
 Ains men fuyz mussie & esconse

Perrette me fait pestillence
 Plus la crains que mal de pilence
 Car ie scay bien que son tonnoitre
 Ne se peut pas conuertir ne taire
 Sans fouldroyer ou tempester
 Pource ny ose attester
 Je men fuyz ou treues requier
 Car mathe suys en leschiquier
 Sy te pry que bien ten souuiengne
 Que tel meschies ne ten aduiengne
Comment calfurne son proces
 Plaidoit a la court des excès
 Et apres son tort pour refuge
 Alla monstre son cul au iuge



Hastie toy par tel memoire
 Car a lespert en doit on croire
 Certes aincops ne cesseront
 Les oyseaulx pl' ny chäterot
 Ne les gresellons en este
 Que femme ait telle poteste
 Que la langue peut retenir
 Que mal qui en doyt aduenir
 Calfurne en fut bien accoppie
 Plus ianglereffe quene pie
 Car pas ne plaيدا saigement

Son cul monstra en iugement
Par son four fait tant d'esseruy
Que toutes femmes asseruy
Chascune est püee a chacie
De porter fait dauoiacie
A toutes fit femmes dommaige
Par sa langue par son oultraige
De sa langue sont heritieres
Et de sa coulpe personnieres
Par raison de succession
Pource par condempnacion
Par droit sy com iay entendu
Leur a len tousiours deffendu
De iugemens examiner
De nulles causes patronner
Aussy lisons dune iuyse
Marie la ce iour moyse
Iangleuse fut a orgueilleuse
Pour sa iangle deuint lepreuse
Percusse de mesellerie
Chier compara sa ianglerie
Pourquoy fut la corneille noire
Aulcuns acteurs nous font accroire
Que iadis souloit estre blanche
Or est muee sa semblance
Pource quelle fut iangleresse
Et mesdisant et menteresse
En congnoissance de ses blasmes
Quainsy fussent ores nos femmes
Quees par vertu diuine
Ainsy par diuerse ruyne
Silz estoyent a mon Vouloir
Nul hom ne sen deuroit douloir
Al lennemy en verite
Fut pour la femme recite
Que dieu en qui tout bien habonde
Eust donnee grant paiz au monde
Sil osta les langues maudictes
Aux femmes de parler mal diictes
Par femme sourt et meut la guerre
En maint pays en mainte terre

Sy semble que par raison folle
Leur fut donnee la parolle
Qui oseroit dieu acuser
Il ne sen pourroit excuser
Quil naynast les femes peruerfes
Et leur donna langues diuerfes
Sil deoit les mauly aduenir
Et sil ny deult pour soubuenir
Bien croy que miracle seroit
Et qui muet parler ferait
Mais certes cil qui pourroit faire
femme bien esmeue ataire
feroit asses plus grant merueille
Lune nest a lautre pareille
Pourquoy sont femes plus noysies
Playnes de parolles oyseles
Et plus iangleuses que les homes
Car elles sont doz et nous sommes
faictz de terre en noz personnes
Ds plus hault que la terre sonnes
Or veez quel conclusiön
Qui nous tourne a confusiön
De nature leur vient a toutes
Quelles sont folles a escoustes
Ainceps quung hom soit marie
Auec espouse apparie
Soit riche poure ou paillart
Il est gay ioly et gaillart
Tant seffieue au Bray compter
Quil ayde eschielles monter
Et a plus hault degre venir
Ne se scet comment soustenir
Il chante il sault il cheuauche
Asses plus grant quil nest se haulce
Souuent fait ses cheueulx lauer
Recoquillier pignier grauer
Il porte chausses semellees
Et robes estroictes ou lees
Il ne scet en quel vestement
Se puist tenir honnestement
Honestement mais au contraire

Car le chetif veult contrefaire
 Les aultres comars de ce monde
 En qui folye tant habonde
 Que par leur grant oultreuydance
 Chascun cuyde estre roy de france
 Cest adire sy tresgrant sire
 Que femme ne luy peut souffire
 Tant soyt baillant et de signage
 Quant le fol est en mariage
 Les besongnes vont aultrement
 Il devient simple drapement
 Dultre son gre devient cocus
 Ses cheueuly mesles et locus
 Par my ses espaulles espandent
 Ceuly de derriere deuant pendent
 Bien semble chetif a merueilles
 Adonc luy pendent les oreilles
 Ses souliers et son vestement
 Sont descousuz a lentement
 Sen va la face abas baissée
 Sa ioyeufete est plaissee
 Lors deffermez et deffaciés
 Est trop plus que vous le sachez
 Il a couleur de pie descoufle
 Esbahy est quant le vent soufle
 Des mouches ne se scet deffendre
 Car il ne scet au quel entendre
 Pups que luy homs peut femme apaire
 Il nest abile a riens faire
 Bien le monstre sa face pale
 Et son bonnet troe a sale
 Ses sourcilz ses yeuly chacieux
 Leures mortes nez roupieux
 Sa bouche sa barbe enfumee
 Et sa voix casse et enrume
 Baston luy fault pour soy aidier
 Longuement ne veuly pas plaidier
 Car on sesioist de brieeste
 Et sy seuffre tant de grieeste
 Que ie suys de tous mauly garny
 Bien seroye plus escharny



En france est la coustume telle
 Chascune son espoux appelle
 Mary est adire en la mer
 Car mariage est trop amer
 Dray exemple en pouez scauoir
 Vng homs voutt trops femmes auoir
 Et requist que trops en eust
 Ha dieu se bien les cust congneust
 Il doubtaist sa male fortune
 Touthoys en espousa vne
 Que ne ressembla pas lucreffe
 Du mary voutt estre maistresse
 D'aduint ou il demouroit
 Que le loup aux aigneaulx courroit
 Au loup en est mal aduenu
 Tout vif fut prins et retenu
 Ceuly qui le purent enqueroyent
 De quel mort morir le feroyent
 Quant le marie l'entendit
 En plirant son aduis rendit
 Et lei dist seigneurs compaignon
 Se vous voulez le mal gaignon
 Faire voir de mort crueuse
 Femme luy donne a espeuse
 Du mary marier pourroit
 Le l'ie malle mort mourroit
 On dit que pugnir creature
 De plus forte ne plus dure
 Qui ven de mariage
 Cest ment bien de grant courage
 Doris es est ce bien esprouue
 Pou mauly quon y a trouue
 Que mariage quoy quon dye
 Surtout de toute maladye
 Vng nous baille tel veigle
 Qua quon la plume de laigle
 Vain corrompt aultre plumage
 Aussi femme en mariage
 Coni chait de lomme estriue
 Car la femme corrutue
 Due chait de lomme degaste

Quant par mariage la teste
Il semble que les nopces nuyssent
Et vertu domme amenuyssent
De coucher avec sa moulier
Soit tout nud ou sans despoulier
Tout sans ouurer est recreant
Et daultre part le vont criant
Sil aduient qung homme soubmete
Soit a betty ou a guillemette
Soy marier de priueface
Et chescun iour troyz foyz leur face
Le iour continuellement
Puyssant demoura tellement
Que long temps durra sa vertu
Par tesmoings le peuz prouuer tu
Mais puis que il sera lye
Son pouuoir est humilie
Sy tost corn il touche le lit
Et il ny feist point de delit
Le touchement luy est nuyssible
Sy seroit ce chose impossible
De trouuer paix en mariage
Sans payer le cheual trouage
Qui le fait ny veult commencer
Ja nen partira sans tencer
Aincoyz sy corn dit le scripture
Seroit esclipse de nature
Doncques fait il son estriuer
A son pouoir pour eschuiuer
Lyen qui fait lomme despire
Et toutes ses vertus empire
Mariage est plus fort vermynne
Que le ver quon appelle tyne
Et aulcuns apellent artoise
Qui fait les pertuys en lardoyse
Arreste a ces commencemens
Len met trop tard les oignemens
Estre ne peuent secourable
A playe qui est incurable
Trop tard se repent ce sathiez
Qui du lyen est atachiez

Dont pleust a dieu que fuisse hors
Car main a cul quant pet est hors
Quant vng marchant sy veult attendre
A achater ce quil veult vendre
Dung couste a aultre regarde
De bien aduiser ne se tarde
Ja ny a sy chetif sy rude
Qui ne voye par grant estude
La chose auant qui la recopue
Pour doubte quon ne le decopue
Et sil aduient que riens deffaille
En la chose que on luy baille
Sil ne luy plaist a retener
Du prendre se doit abstenir
Mais ne peust estre delaissee
femme en mariage donnee
Il conuient que len la retieigne
Quelque meschies quil en aduieigne
Ne quelque mal quelle appareille
Soit medee ou sa pareille
Qui ses deux enfans estrangla
Jcy trop dur mal longle a
Doncques cil qui veult femme prendre
Et quil doit quil ne la peut rendre
Pourquoy ne prent yeulx de beril
Pour mieulx veoir le grant peril
Du il se veult mettre a bouter
Plus est grant plus fait adoubter
Par espieue est bien sceu
Car chescun y est deceu
Enuys sen peut nul exempter
Dieu dist que on doit tout tempter
Di tempte donc et sy essaye
Aincoyz que recopue la playe
Et aincoyz que tu te mariez
Je te lo que tu te variez
Mais reffuse la male touche
Se tu crains tancons et reprouche
On ne peut aux maulyx contrester
Ne contre leurs cours arrester
Se premiers ilz ne sont cogneuz

Dont plusieurs en sont deceuz
 Si est bon d'auoir congnoissance
 De leur raige et de leur puissance
Comment medee du remort
 De iason ses filz mist a mort
 Cella ne feroit vne louue
 Le droit ne veult pas qu'on len loue



N Auons no^s pas list de medee
 Quant iason leust cōtremādee
 Apres ce quil eust la toison
 Conquestee: il fist blason
 De sa peruerse sorcerie
 Luy voyant sa meschansterie
 Par lart magique se eschappa
 Et delle il se racheta
 Hēdee par dure vengance
 Tua ses enfans sans doubtance
 On dist quassaper ne peut nuyre
 Il vault mieulx se pour soy conduire
 A prendre chose prouffitabile
 Et a laisser la dommaigeable
 Pour esprouuer entierement
 On doit taster premierement
 La moillier aincōys qu'on lespouse
 Car mieulx vouldroit cheoir en mouise

Du soy nauurer dunes cisailles
 Que plourer apres espousailles
 Cil qui entre en religion
 A vng an pour prouffession
 Cil donques qui veult espouser
 Et soy dune femme embouser
 Pourquoi na ilz itel delay
 Las ie men plains car pas ne lay
 Certes il est bien pou de femmes
 Soyent damoisselles ou dames
 Laides riches grasses bourgoises
 Poures billaines ou courtoises
 De quelque estat quelles se clament
 Que bonne amour avec eulx gardent
 Prouue est par le dit du saige
 Congnoissant de femmes lusaige
 Bien scauoit que leur amour monte
 Vng tel exemple nous racompte
 Dun cheualier bel et plaisant
 Pieux aux armes et bien faisant
 Qui fut sourpiins en tel maniere
 Pour vne poute chamberiere
 Si ardamment sen amouira
 Et par amour tant lonnoura
 Quil espousa par mariage
 Forment laymoit en son courage
 Du cheualier la fin ortez
 En vng fait darmes fut naurez
 Tant quil mourut et eppira
 Dont sa femme fort sospira
 Et faingnoit souffrir grant douleur
 Quant du sang deoit la couleur
 En plourant ses cheueulx tiroit
 Disant que la mort desiroit
 Et sy queroit de dueil sarree
 D son mary estre enterree
 Due ne vouloit demourer
 Bien scauoit faintement plourer
 Pres le tombel de son mary
 Se seist la dame au cueur marry
 Et ne veult pour nulle raison

cl

Plus retourner en sa maison
 Le iour cy com iay entendu
 Fut vng larron aux champs pendu
 Dont vng cheualier renomme
 Sire gilibert fut nomme
 Pour son fief en deuoit la garde
 En passant la dame regarde
 Playne de pleurs pour son mary
 Elle vint triste et marry
 Courtoisement luy a dit dame
 Rapaisez vous priez pour lame
 On ne gaigne riens a dueil faire
 Elle respond ne men puyz taire
 Jay perdu le meilleur du monde
 Du luy en la fosse parfonde
 Doulorose gesir toute morte
 Sire gilibert la conforte
 Et dit qu'un aultre en trouuera
 Aussi bon ou meilleur sera
 Elle dit vostre temps perdez
 Ne scay a quoy vous entendez
 Allez vous en sy me laissez
 Lors est gilibert esteffiez
 Aux champs a sa voye tenue
 Car ia estoit la nuyt venue
 Le larron estoit ia emble
 Adoncques a de paour tremble
 Et doubtoit que pour ce forfait
 Nait son fief perdu et forfait
 Doult doulant retourna arriere
 Tout pensif droit au cymetiere
 Du la dame son dueil menoit
 Lors luy conta dont il venoit
 Que le larron estoit oste
 Puyz luy a dit sa volente
 Et de son fief tout la nature
 Et du perdre en ladventure
 La condicion de lommaige
 Et comment doubtoit son dommaige
 Pour le larron que mal feu arde
 Dont auoit fait manluaise garde

Sa complainte luy publica
 Et elle tantost oubliã
 Son bon mary en esperance
 De renouueller aliance
Comment vng homme enterre
 De sa femme fust deterre
 Et pour auoir nouueau amy
 La faulce pendit son mary.



Sire dit elle n'ayez soing
 Secourray vous a ce besoing
 du meschief d' quoy vo' doulez
 Se vo' pour s'eme me voulez
 Dame ie le dueil voyement
 Ensemble firent serement
 Elle dist faictes bonne chiere
 Maintenant dessouy la biere
 L'omme mort en a hors tyre
 Dessuelz et desterre
 Par la femme fut ce saichiez
 Aux fourchez le va estachiez
 Incontinent plus natendy
 Car elle mesme le pendy
 Au propre lieu ou a coste
 Dont on ot le larron oste
 Puyz luy dist sire sa benez

Des conuenances mie tenez
 Dame dist il: il fault encores
 Le larron qui fut emble oies
 Auoit deuy playes en la teste
 Lespee prist la malle beste
 De remonter ne s'esmaya
 Son espoux en deuy lieux playa
 Troys de ses dens luy a cassez
 Mais encores fist pps assez
 Les yeulx luy fora et creua
 Par semblant moult pou luy greua
 Puis luy dist sire escoutez
 Et desoresmais ne vous doubtez
 Jay bien restably vostre perte
 Je doy bien estre gilleberte
 Je vous semons de conuenances
 Il luy dit iay bien souuenances
 De ce que promys vous auoye
 faictez tost mettez vous en voye
 Car mon corps vous est desuoyez
 Gardez iamais ne vous voyez
 Ne plus ne vous en efforcez
 Dieulx aymeroye estre escorchez
 Et perdre quanque iay baillant
 Je nay pas le cueur sy faillant
 Quavec vous face alliance
 Jamais en vous n'auray fiance
 Et sachez qui droit vous ferait
 Par ma foy on vous brulerait
 Desseruy auez a estre arce
 Compaigns entens bien ceste farce
 Considere bien la malice
 Et lestat du femynin vice
 Pour deoit leur iniquite
 Sauras que ie dy verite
 Nul ne doit pour femme plourer
 Ne pour la plaindre labourer
 La loy le tesmoingne toute heure
 Doncques est fol cil qui la pleure
 De la loy contre la deffense
 Et pour le mal que femme pense

La mort de son mary machyne
 Tousiours est a mal faire encl; ne
 Mais que sa trahison nappere
 Sy com s'illa fist a son pere
 Et combien que lomme ne doye
 Plourer pour femme toute suoye
 La femme est de plourer tenue
 Car le droit se nous insinue
 Des yeulx au moins par dehors pleurent
 Mais dieu scet quat larmes en queurent
 Et par dehors maynant tristesse
 Contre leurs cueurs ont grat l'pesse
 Jacoyt que femme par dehors
 Ploure de son mary le corps
 Par dedans s'esioyt et chante
 Et de nouueau mary se vante
 Quat de noirs draps poite lenseigne
 L'empyle precede et enseigne
 De celle qui tant offendit
 Que son propre mary pendit
 En ce fait receut grant diffame
 C'est peche de plourer pour femme
Et tu qui liras et oiras
 Entens au bien q tu pourras
 pour mes polles ne te meuniez
 En ton cueur met ce q tu treu
 De bien note chascun prouerbe (ues
 Lors ta maison croistra en herbe
 femme ne fait tant a aymer
 Que deuy choses nait a blasmer
 Tousiours a buches en sa trappe
 Le que son mary heyt elle ayne
 Et boulientiers y met sa cure
 La femme est de telle nature
 Quant son mary est trespasse
 Naura paiz tant quelle ait brasse
 A espouser son ennemy
 Et n'attent ne iour ne demy
 Daultre part tout luy est amer
 Quantes son mary veult aymer
 Et het ceulx quil tient en chierce

Tant est playne de grant fierte
 Des meurs des femmes cathon dit
 Quem coniuny diligit odit
 A croire ne sont pas merueilles
 Car femmes rongent les entrailles
 De son mary par deuinailles
 Et par tancons et par batailles
 Dont lomme est tourmente forment
 Il nest nulle heure sans tourment
 Dont peuz tu bien apperceuoir
 Que femme veult tout deceuoir
 Nul hom ny doit soy adiouster
 Car combien quil doye couster
 Ne cessera tant quaura mys
 Ceulx qui luy sont lo paulx amys
 A meschief et a deshonneur
 A leurs ennemys sont honneur
 A ceulx quilz deussent reprouchier
 Dont souuent en leur lit couchier
 Du a mariage les prennent
 A bien ny a raison nactiennent
 Quant leurs mariz sont trespassez
 Elles conuoient plus assez
 Ceulx quelles deussent reffuser
 Et pour leurs mariz accuser
 Il semble assez que tout de gre
 Les estieuent en tel degre
 Cest honte quilz sont successeurs
 Es litz de leurs predecesseurs
 Que leurs espouses premerains
 En tous lieux les sont souuerains
 De corps de biens et de lauoir
 Que les hoirs en deussient auoir
 Cest chose assez abhominable
 Certes il nest riens plus dampnable
 Et ne sen peuent escondire
 Pource doit on femme maudire
 Pour leur desloyal conscience
 Trop en auons desperience
 Com chascune est luxurieuse
 Et de bonne amour hayneuse

Encourt te diray de leur vie
 Et lirons de la mort vie
 Par bersabee sa moulier
 Dauid la vit bien despoullier
 Et lauer en vne fontayne
 Elle fut de grant beaulte playne
 Le roy dauid la conuoicta
 Vers vie tant epploicta
 En sa mort machyna par lettre
 Joab le fist a la mort mettre
 Par le commandement dauid
 Le fut mal fait car dieu le vid
 Quant puyz espousa bersabee
 Compaignz apres ces vers abee

Comment sanson fut confondu
 Quant par dalida fut tondu
 Laquelle avec vne force
 Luy feist perdre toute sa force



Dyr ne peuz meilleur chāson
 Et te souuiegne de sanson
 Qui sy peu dalida prisa
 que ses cheueulx to' luy büsa
 Et les luy tondist se maist dieux
 Et puyz luy fist creuet les peulx

Que refist la femme gupon
 Combien que cy plus nen dyon
 De leurs faitz de leurs tricheries
 Je pry a dieu sy te maries
 Jamais apres cest epamen
 Que tu soyes pendu amen

S ma femme hait et blasme
 Les miens et mes amys que
 iayme
 et pour moy les rechigne et poit

Il sensuyt quil ne mayme point
 Il nest chose tant perilleuse
 Ne pestillence plus ctueuse
 Que dauoir priue ennemy
 Di te garde par saint remy
 Car ta femme est ton ennemye
 Sil ne te plaist ne men croys mye
 Mais croys de salomon le dit
 Qui ia pieca fist comme edit
 Dont plusieurs furent consentans
 Que to^s Vieulx homes de cent ans
 feussent mys a mort sans tarder
 Nul ne les ofast plus garder
 Apres la publication
 Sur payne dindignacion
 Mais le filz dune bonne mere
 Qui loyaulment aymoit son pere
 Soubz clef le mist et enferma
 Et luy iura et afferma
 Quil ne luy faudroit pour mourir
 Au besoing le vould secourir
 De luy sauluer en prist le soing
 Car lamy voit on au besoing
 Non obstant il le conforta
 Et des viandes luy appoita
 Bien le garda secretement
 Encontre le commandement
 Luy administroit assez viures
 Le pere luy apprist ses liures
 Saige fut en loiz et en droit

Plus que nul qui soit orendroit
Comment a salomon le roy
 Dint vng homme en grant atroy
 Nuz ne bestuz en general
 Il nalloit na pied na cheual.




L roy par sa subtilite
 En vouldt sayoir la verite
 Et enquerir dont ce le venoit
 Sur perdre le chief quil auoit
 Par adiournement le manda
 Et luy enioinct et commanda
 Que quant seroit a luy venus
 Que il ne fut vestu ne nus
 Na pied na cheual ne venist
 Son seigneur par la main tenist
 Son serf et son amy menast
 Et son ennemy ordonnast
 Quauant les aultres fut present
 Pour le seruir de ce present
 Le ieune homme sappareilla
 A son pere se conseilla
 Et le preudhom lenseigna bien
 Son asne son filz et son chien
 Et sa femme luy fist conduite

Bien luy sceut monstrier et induire
A court vint et dist sire roy
Je sups cy Vestu dune roy
Cest asne que ie vous presente
Cest mon serf et ceste iouuente
Est mon enfant et mon seigneur
Et sy nay point d'amy greigneur
Que ce chiensnet bien lay prouue
Mainteffoys lay amy trouue
Le roy dit ioy bien que vous dictez
De ces choses estes bien quictez
Or amenez vostre ennemy
Sire veez le cy coste my
Au doy luy a monstre sa femme
En disant quoncques par son ame
Plus grant ennemy ne senty
Mais elle len a desmenty
Il luy donna vne palmee
La femme nen fut pas pasmee
Ains sescria a haulte voix
Sire roy quest ce que tu boys
faictez tantost ce l'arroy rendre
Aux fourches ou noyer ou pendre
Du le faictez delapiter
Et mettre a mort sans respiter
Il na pieur en vostre empire
Il est des mauuais tout le pire
Certes bien vueil quil vous appere
Comment il a enclos son pere
Et nourry soubz vostre deffense
Il a encouru grant offense
Lors le roy rist quant il ouyt
Et en son cueur se resiouyt
Du cas deuant luy adueny
Et l'omme en fut moult chier tenu
Or as tu veu mon bon amy
Que tu ne peuz pire ennemy
Avoir au monde que ta femme
Cest celle la qui te diffame
Et celle peu dont iay remort

Elle pourchassera ta mort
Toy qui cy liz pour toy esbatre
Ne men fais pas en vain debatre
Recoy et prens par my lozeille
La maison que ie t'appareille



Ainct ambroise nous admon
Par pdicacion honeste (neste
Que nul ne doit aultre prier
Ne enhorter de marier
Pour les mauldissions q' en vienent
Car pour mal conseillez se tiennent
Ceulx qui se boutent en tel ordie
Ia ne cesseront de remordie
Et mauldient com ennemis
Tous ceulx qui sen sont entremis
Dont ay ie bonne entencion
Se ie fais inhibicion
A homme qui ne se marie
freres tous dune confrairie
Et membres de ihesu crist sommes
Sy est raison entre nous hommes
Que lung doit lautre conseiller
Et pour son prouffit traouailler
Et qui son frere ne relieue
En sa conscience se griesue
Ce nous tesmoingne lescripture
Dont pour escheuer lauenture
De mariage et la misere
Je tamonneste comme frere
Que femme n'ayes espousee
Et retiens bien ceste posee
 Et tayme pour toy chastier
Par amour sans aultre loyet
Sy te pry supply et enseigne
Ains que mariage te preigne
Iouise toy auant toute euure
Car lescripture nous desqueuure
Et raison le veult soustenir
Que mieulx vault aux mauilx preuenir
Que ce q' les mauilx nous preuiengnent

Sy le te diz ains que te viengne
 Pour obuier aux grans perilz
 Espoir que tu fussez perilz
 Se descouuert ne le teusse
 Ne cuydasse pas que ieusse
 Pour moy seruir en l'escuelle
 Sy griez tourmens de mort cruelle
 Certes traictour tenu seroye
 Du cas que ie te cesseroye
 De ceste mort signifier
 Qui tant me fait crucifier
 Je iur pource que mieulx me croye
 Que cuer seroit plus dur que croye
 Qui se verroit sy tourmenter
 Qui se tenist de lamenter
 Et de plourer amerement
 Doncques est saige voirement
 Cil qui par mes faictz se chastie
 Et par leure que iay bastie
 Et qui fuyt la mort preueue
 Qui voit par deuant sa veue
 Las ie men tiens pour deceu
 De ce que au premier nay eu
 Docteur qui le meust demonstre
 Je ne fusse pas sy oultre
 Ne trait sy bas com ie sups oies
 Et com iatens a estre encoies

Dant le mary gist en la byere
 La femme auant & arriere
 pense tousiours en son corage
 De rauoir aultre mariage

Ceste coustume quant elle pleure
 Sy pres trois iours n'attent que leure
 Et ses enfans veulent auoir
 Leur part des biens & de lauoir
 Qui leur descend de par leur pere
 Nya nul qui ne le compere
 Elle leur est du tout contraire
 En tennant leur scet bien retraire
 Et dit ia fusse mariee
 Se ce ne fust vostre ariee



Trouue lay ia deuy foyz ou quatre
 Or me conuient a vous debatre
 Et par vous ce bien me faudra
 N'ouldit soit qui vous engendra
 Et leur dist que en leur despit
 Sans mettre terme ne respit
 Vng mary nouueau trouuera
 Qui ses drois bien luy gardera
 Et tant de marier se haste
 Quelle en prent vng qui tout gaste
 Ses biens despent et la lapide
 Ja ny tiendra ne frain ne bride
 Tant com elle a riens en grenier
 Ny laist ne maille ny denier
 Terre ne vigne qui ne vende
 Ne maison que tout ne despende
 Lors quant ainsy se voit attaincte
 A ses enfans en faict complaincte
 Et pour son premier mary pleure
 Tels larmes se dieu me sequeure
 Qui blasment les mariz derrains
 Condampnent la chaleur des rains
 Excuser ne les peut friuolle
 Je croy quil nest femme sy folle
 Com vesue femme reparee
 Ne se tient pas pour esgarce
 Souuent se renouuelle & change
 Et prent cheueleure estrange
 Elle se painct elle se pigne
 Elle se farde elle se guigne
 Maintenant veult maintenant nye
 Or ayne or est ennemye
 Or tennse lung or tennse lautre
 Et lung fait dor lautre de peautre
 Et iacoit ce que par vsaige
 Plusieurs en papeut le musaige
 Totesuopez elle est trop reuesche
 La fleur laist et prent la flamesche
 En ce se monstre nice et sottie
 Elle ressemble lescharbotte
 Qui guerpist lodeur des florettes

Et fuyt le chemin des charrettes
Es estrons des cheuals se houte
Et aussy com la louue gloute
Prient tousiours des louueaux le pire
Aussi veult femme desue eslire
Las iadis estoit aultrement
Vng an y failloit proprement
Que femme son mary plouroit
Et en lieu lubre demouroit
Or n'ya mais trois iours despace
Du se plus quatre qu'on le face
Car si tost com son premier homme
Prient par mort son derrenier somme
Et est houte dedans la terre
La femme commence la guerre
Ne iamais iour ne cessera
Jusques vng aultre en trouuera
Qui luy peust son bas rambourer
Car seulle ne scet demourer
Et ne cuydez pas quelle porte
Noire robe qui plus enhoite
Ains vestira robe de ioye
Pour monstrier quelle soit de ioye
Cest honte ne scay que peut estre
Il n'ya ne frain ne cheuestre
Qui ia la puisse retenir
Tousiours veult aler et venir
Jamais ne la tiendrait cloison
Ne en chambre ny en maison
Par tous lieux veult estre veue
Tant est de la chalcure esmeue
Les desues par ardeur affrontent
Sur les maisons rampent et mōtent
Ainsy qu'on les roynes de gipte
Nont cure de lit ne de gite
Sil n'ya massles avecques elles
Qui cuydast quelles fussent telles
Saint aquayre ayma mieulx estre
Des desues entragecs maistre
Qui des desues auoit la garde

Il eut droit qui bien y regarde
Desues sont et sans nul bien
Sil nen veult estre gardien
Les desues sont de pute affaire
Et la derue mal ne peut faire



Es femes quierēt les eglises
Parces de diuerses guises
Sen vont monstrant parmy
la boye

Chascune veult bien qu'on la boye
Mais les reliques naymēt gueres
Les fiertez et les saintuaires
Ne sont elles les crucifix
Car leurs cueurs nont pas en ce fix
Plus ayment les clers et les prestres
Pource les supuent en leurs estres
Ny a nulles qui sen effroye
Les ribauls qui quierent leur proye
Aulcunes en mettent souuent
Soubz le tapis pour le froit vent
Le ne sont pas euites diuines
Ains se poingnēt plus que des pines
Qui dedans leglise vendroit
Vng cheual il se messeroit
Mais assez plus est a deffendre
Que femme ne sy doit entendre
Elle fait de la dieu maison
Bordel contre dieu et raison
Soubz ombre de sacrifier
Pource ne se doit hom fier
Lasses femmes qui nont vergongne
De faire sy orde besongne
Quelles ne deussent besongner
Le dire fait a ressongner
Les freres des religions
Venans de plusieurs regions
De lordre blanche noire et grise
Nostre dame en sa grant eglise
Celle des champs et saint eustace
Et saint victor dedans sa cace

Les quinze Vings & saint an thoyne
 Les pardons du cardinal moyne
 Saint bernard et saint honnore
 Et le cheual au frain dore
 Au sepulcre de la grant rue
 Et saint marry a col de grue
 Et saint bon de bonne fortune
 Et saint loup et saint opportune
 Saint chistofle sainte maryne
 Saint pol et sainte latheryne
 Saint supplis sainte geneuieue
 Saict geruois & saict iehan en greue
 Saint iacques de la boucherie
 Saint eloy de la sauaterie
 Saint denis au pie de mōt martre
 Et au prieure de la chartre
 Saint germain des prez et dācerre
 Saint laurens q̄ les dens defferre
 Saint martin et saint nicolas
 font a noz dames grant soulas
 La vont les femmes catholiques
 Souuent Visiter les reliques
 Qui sont en la sainte chapelle
 Chascune sa commere appelle
 Du aultre de son voisinage
 Mieux leur plaist le pelerinage
 A saint mor ou a bouloingnette
 Et apres a la chapellette
 Et aulcunesfoys au lendit
 Qui est en iuing sy com len dit
 La sont les places deuisees
 Et les iournees assignees
 Et puis vient la qui les suppose
 Le surplus gist dedans la glose
 Le scet on par experiance
 Son losoit dire en audience
 La clergie le tesmoingneroit
 Et leurs euures enseignerait
 Elles songent nouveaulx miracles
 En moustiers & en habitacles
 Combien que des pardons ne curent

Mais a nouvelles Voix procurent
 En obeissant a venus
 Plusieurs mauly en sont aduenus
Femmes tiennent escheuinage
 Despouser de concubinage
 Et de martin & de sebille
 Et de quāquon fait en la ville
 Tant est au moustier recite
 Soit mensonge soit verite
 Lune qui fait sont mary paistre
 Luy dist quant il veult estre maistre
 sy chetif mary riens ne as
 Tous sont miens coupes & hanaps
 Or argent ioyaux et baisselle
 Puy luy ba baisier la main palle
 Bouche et menton tout enuiron
 Le cul luy met en son giron
 Pour plus a soy subiect atraire
 sy nobeist com de bonnaire
 Aux commandemens quon luy baille
 Il aura tansson et bataille
 Ainsy tiennent souuent leur femme
 Agnes beatrix berthē & iehanne
 La nest en elle riens cele
 La est le secret reuelle
 La deuiet chascune maistresse
 Destre iangleuse & tanceresse
 Trop mieulx seroit du remanoir
 Et filer dedans leur manoir
 Lune veult aymer par luxure
 Lautre a son mary fait iniure
 Sire ne scay sy maist dieux
 Laquelle de ses deux vault mieulx
 Du la femme luxurieuse
 Du la moulier iniurieuse
 On doit que femme qui fomicque
 veult faire a son mary la nicque
 Bien le scet tirer et flater
 Et aplanier et grater
 Et en decepuant par coustume
 Le blandist et oste la plume

Et l'autre emmy le viz luy crache
Le fier et ses cheueulx astache
Et luy fait souffrir tant de coups
Qui mieulx luy voullist estre coulpes
Vng vaillant acteur nous recite
Que femme qui mary despote
Vault pps et est plus felonnesse
Que nest tygre ne leonnesse

Femmes sont p trop pilleuses
Et par nature dangereuses
De telle condicion toutes
Quelles veulent scauoir les
Le tēps les moyens & les pointz (doubtes
Par lesquelz sont les hōmes pointz
Et les causes parfondement
Du chief iusques au fondement
Du pourquoy ou en quel maniere
Quoy comment auant et arriere
Dont vient ou fut tout a leur aise
Sil aduient que lomme se taise
La femme luy imposera
Que mauuais aduoultre sera
Et luy fera souffrir ahan
Pose quil fut vng saint iehan
Dont ie viegne ou que ie boise
Je ne puy eschapper sans noise
Perrette veult et sy commande
Que ie responde a sa demande
Les causes enquert de ma boye
Mais ne cuydez quelle men croye
Pour excuser ne pour iurer
Certes iay dur a endurer
Noy desment a chascune pause
Et puy finist elle aultre cause
Et me met sur aultre chemin
Dn ne pourroit en parchemin
Descrire le mauuais malice
De leur destroy ne de leur vice
Les ay toutes ainsy trouuees
Mais quant ne sont prinses prouees
Ja leurs mariz riens nen scauront

Tou siours droit pour elles auront
Pose que bien soyent veues
Faignent les choses non sceues
Trop bien se sceuent excuser
Et leurs maris faire musier
Quant il ya chose secreete
Dicq iusques en ville crete
Il conuient que femme lensaiche
Lors prent son mary et le saiche
Et le mayne dessus vng lit
Et saint que vueille auoir delit
Lors son mary elle acolle
Et luy dit par sainte parolle
Je ne scay que lomme ressoingne
Car sy comme dieu le tesmoingne
Pour femme laisse pere & mere
Cest ainsy comme ie lespere
Car vng lpen indiuisible
Qui fait le mary inuisible
Dieu les lya & les contoinct
Pour estre ensemble plussort ioinct
Doncques doit bien tout homme faire
Quanques a sa femme doit plaie
Adonc luy gratonne le chief
Et puy le baise de rechief
Luy met la main en la testine
En courbant les rains et leschyne
Le baise au charnel luy apreste
En disant ie suys toute preste
De faire quanques tu commandes
Prouue est sy tu le demandes
Je te pry doncques que men soyes
Tout vng sommes & toutesuoyes
Sy com dieu dit vueilles ne vueilles
Tu es mien quoy que tu ten dueilles
Par raison sy com il me semble
Et quant ilz approuchent ensemble
Elle sent bien la chose sure
Qui se met a faire luydire
Lors se ioinct a luy pps a pps
Soit il bien saige ou tapis

Et luy dist Becy ie te donne
 Tout tant que iay et tabandonne
 Et cueur et corps a to' mes me'mbres
 Sy te pry que tu ten remembres
 Tu es mon mary et mon syre
 Or me dy ce que ie desire
 Dire le peuz hardyement
 Certes dieu scet bien se ie ment
 Gaymeroye mieulx a grief peyne
 Horir de malle mort soubdayne
 Que ie tes secretz reuelasse
 Jamays ne le feroye lasse
 Tu sces bien quelle ma trouuee
 Par plusieurs foyz ma esprouuee
 Non doulx amy mon home saige
 Or me dy pourquoy ne le scay ie
 Quantques tu scay doy ie scauoit
 Ja aultre ne le scaura voir
 Lors lembraffe a le rebaise
 Et la playne a la rapaise
 Elle le blandist et le flate
 Gouste luy ioinct trestoute plate
 Pups luy dit he que ie suys folle
 Et chetive quant ma parolle
 Ne pisez et que nen tiens compte
 Lasse bien doy auoir grant honte
 Quant amours ainsy me desuoient
 Se mes boyfines le scauoient
 A bon droit seroye fustee
 Se loeuure estoit racomptee
 De ce que entre nous deuy scumes
 Car ie taine mieulx q moy mesmes
 Je faiz les aultres femmes serues
 Et tu tes secretz me reserues
 Et ie te diz quanques ie scay
 Ne oncques riens ne men lessay
 Les aultres femmes mieulx le queuurent
 Car leurs secretz point ne desqueurent
 Elles sont saiges de ce faire
 Mais ie suys folle a debonnaire
 Quant a vous ainsy me demayne

Et seulle amour a ce me mayne
 Quel est le signe qui plus touche
 Que le don du cueur et de bouche
 Se lomme la veult approuchier
 Elle luy deffend le touchier
 Arrier se trait le dos luy tourne
 Et pleure comme triste et mome
 Semblant fait que moult soit troublee
 Lors est la riote doublee
 Vng peu se trait et pups souspire
 En rougissant luy prent a dire
 Quant elle sest vng peu teue
 Las que ie suys bien deceue
 Je nen pups mais se ie me dueil
 Quantques cest homme veult ie dueil
 Dieu scet que son dueil mien seroit
 Et luy pourquoy riens ne ferait
 Je scay bien de ce qui me cele
 A toutes aultres le reuelle
 Qui dit que homme soit eu
 Par femme il est bien deceu
 De ce suys ie en tel point
 Je tayne a tu ne maymes point
 Tu nes pas mien mais ie suys toyne
 Dont par amour tamonne toyne
 Que sy grant plaisir me feisses
 Que ce que ie requier deisses
 Car quanques ie scay ie diroye
 Ne pour morir nen mentiroye
 Lasse ie suys ta chambriere
 Je vouldroye estre bien arriere
 Nopee dedans vne fosse
 La chose seroit par trop grosse
 Que ie te pourroye celet
 Et riens ne me veulx reueler
 Je te sers sy comme seigneur
 Comme vng duc ou empereur
 Et tu me faiz la sourde oreille
 Nostre amour nest pas pareille
 Lomme se sabist et se pense
 Alencontre ne scet deffense

La malice nappercoyt mye
 Sy luy dist quauex vous amye
 Je vous pry tournez vous deca
 Sy courrouciez ne fuz pieca
 Sy com suys de vostre clamour
 Je vous ayme de bon amour
 Il nest chose quaye tant chiere
 A son mary tourne la chiere
 Et puy luy tend bouche & poitrine
 Bien le decoyt par sa doctrine
 Tant luy requiert tant luy supplie
 Qui luy dit cy fait grant folie
 Que despuyz est dame et maistresse
 Et il est serf a grant destresse
 Perrette veult que tout luy dye
 A moy courroucer estudie
 Se ie fail croyre men pouez
 Traictiez suis sy com vous ouyez

Homs q a femme sacopaigne
 Est sy charge de sa copaigne
 Ainsy come ie puyz coprendre
 Qua seruir dieu ne peut en-

tendre
 Le cas est assez entendant
 Dont es parties doccidant
 Ny a prestre qui femme tiengne
 Que inconuenient nen viengne
 Comme peut on a dieu seruir
 Qua femme se veult afferuir
 Enuys selon mentencion
 J peust auoir deuocion
 Car tousiours a plus de malceurs
 Qui luy font tresgriefues douleurs
 Empesche est en sa pensee
 Il veult complaire a sespousee
 Querir luy fault vestir et viure
 Et sy nest pas pource deliure
 Sil conuient penser du mesnaige
 Souuent est trouble en couraige
 Droit canon dit que mal saccoide
 Le tympanon ou decacorde
 La harpe ou le psalterion

Sy fait robin ou marion
 Homs sans femme peut mieulx entendre
 A seruir de cueur simple & tendre
 Nostreseigneur en sainte eglise
 Que ne fait nulz qui femme a prise
 Pource iadis fut escondit
 Vng marie qui respondit
 Je ne puyz aller a la cene
 Du dieu nous appelle & assene
 Car ie suys de femme espouse
 De mauulx liens me suys hourse
 Ceste cene vous signifie
 Soupper en pardurable vie
 A la table de paradis
 A payne en y aura il dix
 De ceulx qui ainsy se marient
 Puyz que femmes les contractient
 Liseur pour qui ie me traueille
 Entens ces motz ton cueur esueille
 Ne men croy point ne ne ty fye
 Mais croys dieu qui le certifie
Comment vng homme deffendit
 A sa femme que noffendit
 Mais par son couraige malin
 De la boyte heust le belin.





La femme dobeit na cure
Ains est de contraire nature
Tout quanquon luy deffend
Deul faire

Prooue est par maint exemplaire
Vng hom qui fut de grant prudence
Et vult faire lepparence
Pour scauoir quil en amendroit
Mais il pecha en cest endroit
Par venin que il amassa
Et le destrempa et brassa
En vng baissel secretement
A sa femme dit proprement
Je te deffens que tu napprouches
De ce baissel et que ny touches
Se tu en goustes tu mourras
Ne ia eschaper ne pourras
Purs sen ala en ses affaires
Et sa femme nattendit gaires
Point ne redoubta le faissel
Seulle sen alla au baissel
Et en beut contre la deffense
Le luy fut mortelle despense
Elle en mourut soudaynement
Dont ie requier dieu playnement
Que les aultres ainsy perissent
Qui a leurs mariz nobeissent
Et que toutes apres sen aillent
Affin que les riotes faillent

Comment la poincte dune espine
Par venin tua proserpine
Orpheus na tel dueil souffert
Qui lala racherer en enfer.



Orpheus sauoit la pratique
De tous instrumens de musiq
Proserpine aussy appellee
Estoit en enfer hostellee

Orpheus pour auoir sa consorte
Ala vers enfer a la porte
La monstra sa menestraudie
Et ioua par grant melodie



Quant le roy denfer lntendit
A orpheus sa femme rendit
Mais ce fut par telle maniere
Que celle regardoit derriere
Que retourner la conuendroit
Et que iamais nen reuendroit
Orpheus luy dit douce amye
Je vous pry ne vous tournez mye
Proserpine grandement perdit en ce
Que ne vult faire obedience
Et enfrainct la condicion
En tenebres fut remenee
La folle de malle heure nee
Comment vasty contremanda
Le roy son mary et manda
Assuerus ne matens mye
Mais en la fin en fut banye



Ng roy puyssant et renomme
Assuerus estoit nomme
Qui regna en perse et en met e
oncqs ne peut mettre remede
Que sa femme pour sa puissance
Luy voullist faire obeissance
Vasty auoit nom la royne
Par orgueil tourna en tayne




Le roy fist vng iour grant feste
 Couronne dor mist sur sa teste
 La fut moult grant la baronnie
 Chascun y mena sa maisgnie
 Vasty par grant solennite
 Celebroit la festiuite
 Auec elles dantes estoyent
 Parees com elles deuoyent
 Le roy luy manda quelle venist
 Et compaignie luy tenist
 Pour faire la feste valoir
 Vasty mist tout en non chaloir
 Ne voult aler a sa semonse
 Quant le roy ouyt sa responce
 Comment elle luy reffusa
 Enuers ses barons l'accusa
 A euly se plaint de sespousee
 Par leur conseil fut despossee
 Hors du royaume la bouterent
 Aux aultres exemple monstrent
 Pour loigueil des femmes plaiissier
 Et pour leurs cornes abaiissier
 Qui font les hommes esblouer
 Et pource doit on bien louer
 Tous ceulx qui par leur industrie

Ont de leurs femmes la maistrie
 Mais on en treuve pou en france
 Les hommes ilz sont en souffrance
 Et les femmes y seigneurissent
 Et commandent et establissent
 Las au royaume trop ablasme
 Qui euure par conseil de femme
 Trop a de mauly en leur embuche
 Le roy chied le peuple trebuche
Comment eue nostre grant mere
 Deceut par la pomme amere
 Adam le quel fut suspendu
 Quant mengea le fruct deffendu.



Tout y va a perdicion
 A mal et a destruction
 Que la feme du pmier home
 De ce exemplaire nous done
 Que plustost la main il tendit
 Au fruct que dieu luy deffendit
 Car eue le luy va donne
 Adam se va abandonne
Comment par desobeissance
 La femme loth doultreuydance
 Se reuita vers la cite
 Et tourna en aduersite




LA femme loth mal se garda
Quant par derriere regarda
Sodome la cite bruye
Dont elle estoit hors en fuye.

Un ange qui les conduysoit
De par dieu la femme induysoit
Que plus illec ne seiournast
Et que point ne se retornast
Que mal nen venist prestement
Contre son admonnestement
Se retourna pour veoir la place
Froide deuint comme vne glace
Et fut muee en vne pierre
Le seroit grant bien par saint pierre
Se ainsy deuenoyent toutes
Celles qui sont playnes de courdes
Quant bien ne veulent retenir
Ainsy leur puist y aduenir
Je le dy pour pertette seulle
Et pour auoir paiz a sa gueulle
Et pour les aultres mal apuses
De ce vice sont sy esprises
Que on ne les pourroit oster
Et pour ce fait bien a noter
Que la femme est de tel mestien

Que pour lomme ne fait mais rich
Mais en despit de luy fera
Tout ce que il luy deffendra
Ainsy com le sens me varie
Ma parolle me eontralie
Disant que femme est enuieuse
Hesdisant et malicieuse
Qui voudra sauoir la conuine
Dune femme ou de sa voisine
Sy dit quelle est bonne & belle
Doulce plaisant simple & telle
Quon la doit louer et aymer
Pour les aultres loiez blasmer
Et ses vices ramenteuoir
Lors fait enuie son deuoir
Celle hayne est velle & orde
Il n'ya celle qui ny moide
Quant des aultres oyent bien dire
Tant sont plaines denuie et dire
Chascune hait en verite
Et lautre sa prosperite
Sil ya vne coustumiere
De seoir ou de monstret premiere
Du daler deuant a loffrande
Il conuient quelle soit bien grande
Se son fait vouloit frequenter
Sans rioter et tourmenter
Souuent grans batailles soudans
Celle qui denuie ardans
Ne veullent pas ainsy souffrir
Que premier deust offrir
Et qui veult paiz sy se pouruoye
Que quant femmes sont par la voye
Que son salut ne rende a vne
Mais salutacion commune
Face a toutes en audience
Avec signe dobedience
Car qui toutes ne les salue
Hauldit sera de fieure ague
Il nest femme qui soit en vie
Qui sur pareille neust enuie

A ce nature les encline
 Chascune cuyde sa voisine
 Dieulx parce dont il luy poise
 Au mary en reuient la noise
 Chetif mary se dit la femme
 Tu as grant honte et grant diffame
 Quant tu me tiens ainsy vestue
 Que ie nose aler par la rue
 Lors pleure non mye de cueur
 Le mary luy dist douce seur
 Quauex vous qui ainsy plourez
 Pourquoy ainsy vous atournez
 Certes sire iay bien raison
 Que demeure en ma maison
 Et mes voisines sont aournees
 Bien et noblement ordonnees
 Se ce quaffiert a moy ie eusse
 Des greigneurs estre deusse
 Or me conuient ainsy remaindre
 Et semble que soye la maindre
 Or est il doncques necessaire
 Que le mary luy face faire
 Robes et iopaulx apriester
 Car il noseroit contrestier
 Pource que sil y auoit faulte
 La tanson troueroit trop haulte
 Du thauure et dun lin estrange
 Douloroit chascun iour faire change
 Et dit souuent que cest merueille
 Qua sa voisine nest pareille
 Et que sa vache a meilleur pis
 Le dit quant ne scet dire pis.

nota De auaricia.


 Femmes se no^r dist lescripture
 Sont toutes de froide nature
 Le froit estrait cest chose clere
 Dont est toute femme amere
 Et fondee sur auarice
 Ny a breshaigne ne nourrice
 Qui soit point plus froide du masse
 Du nostre droit de femme parle

Pour trop aultre sy la tesmoingne
 Il ne luy chault mais quon luy doingne
 De ceulx quelle tient en ses bras
 Deult auoit l'argent et les draps
 Doire de son appartenant
 Quelle est telle et sy tenant
 Quautant se douloroit efforcer
 Dune pierre au doy escorcher
 Et selle tire de sa bource
 Vne maille elle se cource
 Pour petit don consentira
 Aux roingneux et escondira
 Vng noble a luy sera rebource
 Elle ayne mieulx la bonne bource
 Quelle ne fait ceulx qui bien layment
 Et qui pour draps amys se clament
 Le don prent du donnant na cure
 Mais encourt le tient en rancure
 Et dira tout a labandon
 Le Villain put l'argent est bon
 Le dira celle opiniatre
 Il ya vng poure folastre
 Qui est de moy tant abuse
 Mais ie le feray bien muse
 Je ne scay quel fol cest sera
 Mais par la croix il fonceira
 Premièrement que il y touche
 Et sy vient vng qui bien la mouche
 Qui la torche a laucnant
 Elle laymera drayment
 Et encores sy vient a point
 Elle luy donra vng pour point
 Et sil est homme diffame
 Il en sera tant mieulx ayne
 Plustost que vng homme de bien
 Mais que il ne luy donne rien
 Pourtant amy tu tabandonne
 A femme que du tien luy donne
 Le don prendra bien la bourgoise
 Du corps de lamant ne luy poise
 Doncques est elle conuoiteuse

Et plussort auaricieuse
 La quinte part ne puyt retraire
 La femme scet lart pour attraire
 Et pour les hommes attrapper
 Et pour leurs richesses happer
 Car se lomme veult habiter
 Auec femme pour delicter
 Quant elle sent la bource playne
 Lors ioyeusement se demayne
 Pour l'argent cent baisiers luy donne
 Linges cuiesses rains abandonne
 Au ieu mouuoit et epiter
 Sy nen vueil cy plus reciter
 Je ne vueil pas qu'on men mauldie
 Pour parler de la ribauldie
 Sy sy damour de folle femme
 Dont homme perd corps auoit ame
 Sy de la delectacion
 Qui tourne a condempnacion
 La ioye nest que monnetayne
 Perpetuelle est la peyne
 Il vault mieulx parler de thobie
 Compains amys or te chastie
 Aduise ce que tu escoutes
 Auant que nullement ty soutes
 Tu boys bien que femme est amere
 Chascun le scet cest chose clere
 Pou en ya qui bien ne vueille
 De son chier amy la despouille.

Excuser me vueil en mes ditz
 q des bonnes point ne mesdis
 Je nay boullente de mesdire
 J'aimé trop mieulx a moy des
 Questre hay pour fol langaige (dire
 Dieu le scet et ientens mon gaige
 Quenuers femme ie nay hayne
 Ne riens ie nen dy par attayne
 Fors pour mon propos coulouter
 On ne pourroit trop honnourer
 Les bonnes et les vertueuses
 Saulcunes en ya crueuses

Qui vsent de leur cruaulte
 Et aultres hantent loyaulte
 Qua mal faire ne souffreroyent
 Ne villain cas nendureroyent
 Dieulx apmeroyent a mourir
 Que nul deshonneur encourir
 Se ie mens ie vueil qu'on me bate
 Il conuient puis que ie translate
 Que ie dpe ou que men taise
 Pour ce supply quil ne desplaise
 Sen cest dictier sups recordans
 Aucuns motz qui soyent moidans
 Car de moy ne procede mye
 Ny a dentee ne dempe
 Qui ne soyt trouuee es hystoires
 Et es anciennes memoires

De luxuria.

N dit que femme luxurieuse
 Parolle semble iniurieuse
 A entendre de prime face
 mais sauluee de to' la grace
 Il conuient dire ce qu'on trouue
 Et pource que ne se contouue
 Exemple vous en sera mys
 La royne semiramis
 fist la loy a tous commune
 Que des femmes preist chascune
 Vng tel mary quil luy plairoit
 Et que ce faire luy lairoit
 Sans excepter aucun degre
 A cautelle le fist de gre
 Sy com l'histoire dit nous a
 Quant son propre filz espousa
 sy ceste loy fust trop honteuse
 Vide vile et intensceuse
 Et pasiphe qui fut royne
 Soubz vng thorel se mist soubine
Comment pasiphe vile tache
 Trop plus infame qung boureau
 Se mist en la peau d'une vache
 Pour abiter a vng thoreau



Pasiphe fust de peau couverte
 Par sa luxure trop apperte
 Au simulacre dune vache
 Du il auoit vne creuache
 La mist pasiphe sa ioincture
 Et eust du thozel la poincture
 Aussi com vne beste brute
 Raison pour pute la repute
 Sy la fist trop folle enuahye
 Dont elle deust estre haye
 Et en tous lieux deshonnozee
 Pour beste fut enamouree
 Fedra aussi par grant maleur
 Veist vng thozel en sa chaleur
 Grand et hardy sans nulle tache
 Qui couroit apres vne vache
 Dont elle print telle arsure
 Quelle bruloit par sa luxure
 Tant quelle conta sa querelle
 A vne vielle maquerelle
 A laquelle se conseilla
 Et que pas ne la dessella
 La vielle insaite fust pache
 A faire de boys vne vache
 Ainsi quelle fust proposee

Par dedalus fut composee
 Bien faicte couuerte de peau
 Du dune vache ou dung beau
 Et se fist dedans taponner
 Affin que mieulx peust scipponner
 Le thozel entra par la porte
 Et a la royne se transporte
 Luydant que ce fust vne vache
 Qui fust pour luy la a lestache
 Dessus elle sabillita
 Et la royne habita
 Et engendria minostorus
 Lequel fust par lar de dallus
 Prins et enclos en vne tor
 Pour le mal qui faisoit au thoz
 La moitie du corps sembloit
 Vng beuf; et lautre resembloit
 A forme dhomme proprement
 Et pource veritablement
 Dedallus en fust desselle
 Et le grant peche reuelle
 Pour cela qui fist lestatue
 Du fedra eut le cul batue
 Pourquoi il fist elles de cire
 Et passa la mer tout de tire
 Sy au roy fust este rendu
 Pour le peche il fust pendu.
Comment pasiphe fist son pere
 Noir a tresgrief ditupere
 Pour sa luxure manifeste
 Elle luy fist coper la teste.

Mais pasiphe dont iay parle
 Elle fist tant par long parle
 p folle ardeur a pour meschief
 Qua son pere coppa le chief
 Plus chaulde fust que vng heaulme
 Et puis effilla le royaulme
 Et pource sila fut crueuse
 Ribaulde a luxurieuse
 Et de paresse renommee
 Lest es perilz de mer nommee



Raige nest de sy chaulde flamme
 Qui estaigne chaleur de femme
 Plus aspre plus fort est leur raige
 Qui nest tempeste et oraige
Comment mirrea a son pere
 Fist le contenu de l'ystoire
 Apres boire de vin vng lot
 Et sy que les filles de loht.



Mirrea ne craint ditupere
 Elle coucha avec son pere
 Et souffrit la coulpe charnel
 Cotre loyaulte paternelle (le
 Les filles loht aussy pecherent
 Auecques leur pere coucherent
 De vin le vont tant abreuue
 Que en la fin fut enpurre
 Le vin sy fort le surmonta
 Que sur ses deux filles monta
 Auec leur pere sont couchees
 Et en neufz moys puis acouchees
 Comment venin souyt le triacle
 Le vin fist celluy iour miracle
 Par ses filles fust assailly
 Disant le monde est failly
 Se tu nes asses fait appert
 Tout le monde annuyt se pert
 Se mirra iut avec son pere
 Sy fist bilis avec son frere
 A payne men pourroye taire
 Canace iut avec mottaire
 Son frere charnellement receut
 Par luxure qui la deceut
 Hedye fille au roy de crette
 Ne fut pas en amours discrete
 Elle ayma damour illicite
 Espuse fut pour ypolite
 filz de son mary theseus
 Quant du pot ot les telz eus
 Coingnier se fist a son fillastre
 Venus en fist folle marraastre
 Philis fist trop grant dyablerie
 Sy folle ne fust establee

Comment philis damours emprise
 Se pendit pour sa paillardise
 Car trop demouroit son amy
 Tard leusse fait pour son mary



Socist de la propre espee
 Questoit a son amy enee.



S chescune sy fortunee
 Par luxure desordonnee
 Trop honteusemēt se rendit
 quāt pour demophon se pēdit

Je ne scay qui la faisoit pendre
 fors quelle ne pouoit attendre
 Pour desespoir qui la menoit
 Et que son amy ne venoit
 Neufz foyz ala iusqua la roye
 Puyz se pendit de sa courtoye
 Dydo royne de quarthage
 Reffist aussy vng grant onltrage
 Pour eneeas qui fut son hoste
 Qui luy auoit coingne la coste
 Dydo fist forment a blasmer
 Quant eneeas vit en la mer
 Qui sen venoit en lombardie
 Elle fut trop folle hardie
 Toute grosse denfant sentant
 En criant et en lamentant
 Par folle amour sy se mua
 Qua ses propres mains se tua

Comment dydo qui estoit royne
 Par luxure sint a ruyne

D e lespee qui fut tiree
 Sen est pmy le corps frappee
 maint epēple en puis amasser
 Dont pour brieſte me faict

Quiconques dit que les pucelles (passer
 Portans tetines et mamelles
 Sont plus froides que les masses
 Perdre puit il sources et escailles
 Saucun en a determine
 Il na pas tout epamine
 Car par saint acquaire daspre
 Leur chaleur est assez plus aspre
 Et en plus grant ardeur se mue
 femme soubz homme se remue
 Mais a present nous en taisons
 Lacteur y met plusieurs raisons
 Et dit que les femmes plus ardent
 Et leur sang plus souuent espardent
 Que lomme ⁊ plustost ont desir
 Dauèques le masse gesir
 Huguisse mesme auant lafferme
 Quelle desir plus le terme

De ses anges la femme nomme
 Car elle est plus ardant que somme
 Du de souuir par semourailles
 Chauloes sont dedans les courailles
 Et moult ayment le ieu des cuisses
 Priens que froide trouuer les puisses
 Lumeur froide mal se digere
 Sy a besoing telle matiere
 Despurger par arigoter
 Et en lange trestout getter
 Froid et chault se congrut ensemble
 Dielle y fait besoing se semble
 Dont est plus aspre la luxure
 Qui est clausee de froidure
 Leur nature est froide et foible
 Au pres de lomme se redouble
 Quide dit que femme est chaste
 Quant nul ne la requiert ne taste
 Attendu leur concupiscence
 Le pape leur donne licence
 De marier sans dilayer
 Pour le charnel trehu payer
 Pource que ne peuent attendre
 Gaires sans eulx donner ou vendre
 Sy croy ie par mon iugement
 Que perrette vit chastement
 Combien que par saint dominique
 Soit felonnesse et trop inique
Les femes q sont amoureuses
 Ont condicions merueilleuses
 Aux villaiges sont les moins
 fieres
 Plusieurs sen donnent par prieres
 Aux gentils ne conuient que place
 La noble voulentiers soulace
 Mais que soit en lieux conuenables
 femmes de citez sont prenables
 Vaincre les conuient par donner
 Car riens deulx ne veullent donner
 Toutes sont vaincues par dons
 Se iay mal dit ien quiers pardon

Les nonnains les religieuses
 Se tiennent pour trop precieuses
 Par leur espiritualte
 Assez ya de cruaulte
 Pource que de chair ont grant faulte
 Pou en ya basse ne haulte
 En toute la religion
 Quil nait charnel affection
 De soy conioindre charnellement
 Prouuer le puyz solennellement
 Par argument assez prouuable
 Car tout ainsy com le mouuable
 Tend au fichier et le desire
 Et lait a veel puis ie bien dite
 Que toute chair en verite
 Desire la charnalite
 Cest a dire ne tenez a fable
 Toute chose quiert son semblable
 Qui fossez et palays seroit
 Et les baches enfermeroit
 Chascune voudroit repartier
 Et retourner a son arrier
 Prenez la raison naturelles
 Et laissez l'espirituelle
 Nonnains faingnent peres et meres
 Cousins parens et seurs et steres
 Langoureux et en maladie
 Elles le font quoy que lon dye
 Afin dissir hors de leur cloistre
 Pour faire charnellement croistre
 Leur quoniam et leur quippe
 Tout est par elle dissippe
 Par le pays sen vont esbatte
 Qui a elles se veult embatte
 Par elles sera confondu
 Dieulx sera plume et tondu
 Que se les larrons lencontroyent
 Du se les bretons le prenoyent
 Tousiours en auez cinq pour vne
 Ne vous priseront vne prune
 Se vous ne leur donnez souuent

Cest lusaige de leur conuent
 Dont veult auoir la messagiere
 La maistresse la chambriere
 Et la mastronne & la compaigne
 Trop fol est fil qui sacompaigne
 Au iourduy soubz turlupinage
 Trouueroit on en tapinage
 Enuie dol ypocrisie
 Pensee par fraude brisie
 Especiallement des beguynes
 Dardoir au feu damours sôt dignes
 Car il nest sy peruerse chose
 Quant leur burlette est bien desclose
 Et elles sont bien adroit poinctes
 Et dessoubz larges robes ioinctes
 Plus simples et precieuses sont
 Tant plus luxurieuses sont
 Elles sont le catimini
 Mais par le Verbo domini
 Elles treuent bien leurs ribaulx
 Qui les attendent soubz les faulx
 Couuertes sont quoy que len dye
 Du mantel de papelardie
 Le beuf heent le thozel quierent
 On les fiert & elles reffierent
 On les harigote on les luit
 Tout nest pas or quanques reluit
 Il a de bons estudians
 Et religieulx mendians
 Facoit ce quaulcunes gens dient
 Qua leur seul prouffit estudient
 Je considere quilz sont hommes
 Naturelz aussy com nous sommes
 Pour ce nay boullente de mordre
 Sur les freres ne sur leur ordre
 Pour bricste a tant me deliure
 Lombricn que maint en sont deliure
 On ait assez versiffie
 Et leurs meurs diuertiffie
 Sy fist mastre iehan de mehun
 Tous les reproccha vng a vng

Au chapitre de faulx semblant
 Je men tais sy men boys emblant
 Le chemin que iay commence
 Je pourray bien estre tence
 Cest pour bien quanque ie diray
 Ly apres men escondiray.

(taire



Es vielles ne me puis plus
 Je vueil parler d leur affaire
 Quant les femes sont deuenuez
 Vielles ridees & chenues

Et perdent leur propre chaleur
 Et sont de petite valeur
 Lors conuient il a elle ioindre
 Vielle sauate se veult oindre
 Je nen metz hors grasse ny grosse
 Se la vielle estoit sur la fosse
 Qui de coingnier luy parleroit
 Ses vielz os remuer seroit
 Prienez la vielle pautelue
 Par sa haricoque pelue
 Habondamment la seriez rite
 Cest ce que vielle plus desire
 Sarra fut vielle et esdentee
 Ne sembloit pas entalentee
 De recepuoir charnelle couple
 Mais assez tost se rendit souple
 Quant elle sceut quenfans auroit
 Dart de lyesse la nauroit
 Vielle rit quant elle suppose
 Quon luy fera la bonne chose
 Cest coustume de vielle femme
 Despuis que viellesse lentame
 Elle fault la ieune si tire
 Pour au ieu damour introduire
 Par ses ditz et par sa parolle
 Les fait dancier a sa quarolle
 Aussi com le viel chevalier
 Quant il est pansu et dalier
 Sceut auy enfans ses armes rendre
 Pour eulx aduiser et apprendre
 Et les introduit et enseigne

26
A porter armes et enseigne
Tout aussy la femme viellette
Et au mestier mainte fillette
Et des siennes et des estranges
Pour faire battre en leurs granges
Et les instruit en amourettes
Pour cueillir roses & florettes
Et au besoing ne se veult faindre
Des dames aourner et paindre
Haintes nouiffes soubz leur ombre
En sont deceues et sans nombre
Qui croient leurs enseignemens
Leurs fraudes et leurs oingnemens
Ne fut pas celle grant renarde
Qui par oingnemens et moustarde
Faisoit sa chiennette plourer
Pour gallathee defflourer
Et disoit ma chienne qui pleure
Doit bien hair le iour et leure
Que vers son amy fut sy dure
Or boy quel tourment elle endure
Certes elle estoit iouuencelle
Ma fille fut et ma pucelle
Et estoit pasquette nommee
De son amy forment aymee
Il aymoit iusques au mourir
Mais elle ny voult secourir
Non pas escouter sa priere
Vers luy fut despitueuse & fiere
Et pour ce dieu ceste pasquette
Qua en forme de chiennette
Dieu fist iadis de sa main belle
Homs et femmes masle et femelle
Beaulx instrumens leurs apresta
Et daymer les admonnesta
Pour faire les choses ioyeuses
Filles ne soyes orgueilleuses
Se la clergie en fait deffense
Cest mal dit qui a droit y pense
Pourquoy dient ilz le contraire
De la chose qui conuient faire

Il nen est nul tant soyt il saige
Qui naist la coustume et lusaige
De gesir auccques moullier
Ilz sen vont tous nudz despoullier
Quant seul a seul veullent desouire
Leur commandement ne doit nuyre
Auz faitz non pas auz ditz piens garde
Sy ie te mens ie vueil quon marde
Cest euure nest pas reprouuee
Du seroit ceste loy trouuee
On doit obeir par droiciture
Auz commandemens de nature
Je le te dy en verite
Quil est pure necessite
Priester a euure naturelle
A iouuencel et a pucelle
Dieu a fait la porte au ventre
Affin que pieapus y entre
Sil voulsist on la tenist close
Si ne conuient pas longue glose
Ceste sentence est toute voire
Et daultre part cest fort a croire
Que dieu qui est pere de die
Condempnast lamant pour lamyne
Le sereroit chose trop inique
Le cueur qui a aymer sapplique
Ayme dieu & tient en chierie
Mais ie hay orgueil et fierte
Dieu ayme le cueur amourable
Ceste chose est fauourable
Pource ne la doit nul blasmer
Quant dieu voit lamant pariurer
Il rit et est plain de lyesse
Amour est droit fait de noblesse
Et veult le cueur loyal et ferme
Le dit du poete lafferme
Fol est qui contre amour estriue
Lasse moyses ceste chetive
Eust souffert comme de bonnaire
Ce que son amy vouloit faire
Elle le eust remys en die

Car belle estoit ieune et iolie
D' est chienne deueue
Et ploure comme beste mue
Quant la chose fut relatee
Bien y entendit galatee
Incontinent son amy mande
Si com la vielle le commande
Souffrit faire le ieu damours
Sans faire noise ne clamours
Le barlet plain de Basselaige
Luy osta lors son pucelaige
Et elle le vult bien car elle
Obeyt a la maquerelle
Après luy fist on faire estuue
Et baignier dedans vne cuue
Pour les peaulx routes reparer
Et pour la royne mieulx parer
La vielle queist plusieurs racines
Et herbes et de medicines
A galathee en fist buuraige
Affin que pour son fol ouuraige
Ne peust pas enfant concepuoir
Qui veult leur mauuaistie sauoir
Pour conuoytise et pour l'argent
Qui nuyt et iour bruit et art gent
La vielle se entremettra
Et de guerir luy promettra
Mais saichiez sil est qui le croye
De soy mesme se fera proye
Quant le cournard est eschauffer
Par le malice du chault fer
Vous l'entendez bien: dum tassac
Il se mettroit dedans vng sac
Lors ainsi sont prouuez et sceuz
Qui de en fut bien deceuz
Qui cuyda trouuer iouuencelle
Damours espris soubz sa forcelle
Dint par nuyt pour trouuer le lit
Du len luy promettoit delit
Mais la vielle si supposa
Ne scay comment faire losa

Trompez en sont daultres assez
Mains maulx sont par vielles brassez
Aduise toy vielle lermeuse
Palle froncee et chacieuse
Temps est demander son vsage
Len conteroit en ton visage
Les ans que tu as a plante
Dont te vient folle volonte
Recouurer ne peuz ta iouuente
Plustost passe que vent ne vente
Huy layde demain seras pire
Car chascun iour ton fait empire
Celcy ne te peuz par oincture
Par oingnement ne par paincture
Tu ressembles par couleur sainte
A lymage par dehors paincte
Par dedans est laide et obscure
Ny a fors laidure et ordure



Ème plus boulentiers deuine
Que noyt la parolle divine
Toutes croyent en sorceries
En anguis en maquereries

Les choses aduenir deuinent
Dncques de deuiner ne finent
Par soit ou par chant des oyseaux
A to^o maulx tendēt leurs ruisseaux
Et ainsy com par soubhaidier
Tout ce qui peust nuyre ou aidier
Veullent enseigner a sen vantent
Ainsy les folles gens enchantent
Et les crapaulx vestent de robes
Et de draps p leurs faulces lobes
Et forment lymage de cire
Au feu les font rostir et frire
Pour les cueurs des amans bller
Que maulx feuz les puissent bmler
Elles mettent en la paelle
Le viel chat a grise cotelle
Au feu luy font les piedz chauffer
Dedans arain ou dedans fer
Bien lye dessoubz vne late

Neron belzebuth et pylate
 Et denfer la puissance toute
 Adorent et ne nont pas doute
 Graces leur rendent et louanges
 Par tarentes et retrouanges
 De sebille passent loffic
 Au grant dyable font sacrifice
 De cornes de chieures brulees
 Par fumees dissimulees
 Pour tous les dyables esmouir
 Pour accomplir leur estonnoir
 Par les tombeaux ambent les corps
 Des enfans et des hommes mors
 Et en leurs entrailles sefondent
 Nauluais esperitz qui respondent
 Au monstier embent lahostie
 Du la sainte foy fust bastie
 Certes vielles sont trop dennups
 Elles vont aux gibetz de nuytz
 Prendre les cheueulx et la corde
 Du pendu cest chose trop orde
 La mort de lame est auancee
 Par leur faulce ingromancee
 Medee ce dit le poete
 Gadiz fille du roy de oete
 Fut sorciere et enchanteresse
 En magique fut grant maistresse
 Les herbes congnoissoit chascune
 Et linfluence de la lune
 Au mouton dor fit la cloison
 Dont iason enquist la toison
 Bien y ouura de sa science
 Dont on blesse sa conscience
 Elle fist mainte desuerie
 Par magique par sorterie
 Encor la vielles orde et sale
 De la bataille de thessaille
 Les gens de plusieurs nations
 Conquist par coniuurations
 Lesquelz deuoyent vaincre a lespee
 Du iulle cesar ou pompee

Elle faisoit la terre fendre
 Pour les respons denfer entendre
 On dit que la femme sans fable
 Scet de plus vng art que le dyable
 Je croy qui dit bien de ce voir
 Car vne me voult decevoir
 Que ie ne vueil pas accuser
 De ses pouldres me fist vser
 Charmees et enuenymees
 De plusieurs espices lymees
 Du il auoit mainte retaupe
 De piedz de chat de piedz de taulpe
 Naplennoya et atoucha
 Au lit ou tout nud me coucha
 Je iure saint martin le pas
 Que perrette ne fut ce pas



Veilles cheuauchet les balays
 Par cours p salles p palays
 come vent sen vont p le mode
 Au comademēt dame habode
 Par fenestres par huyz par portes
 Entrent ia ne seront sy fortes
 Et se boutent par les creuances
 Et ny apparent point les traces
 Et par nuyt deffoulent les hommes
 Quant endormy sont en leurs somes
 Faulcement vueillent maintenir
 Qui nest riens quil les peust tenir
 Quantcqs elles veullent emprandre
 Font a le donnent a entendre
 Quil aduient par necessite
 Et quainsy est en verite
 Et ce sont les deuineresses
 Ainsy que ce feussent deesses
 Des choses qui seront et furent
 Entreulx se vantent et paciurent
 Que par nuyt ont veue dyane
 Plus fort noire que thyophane
 Grans compaignes et grans cohortes
 Tant dhommes que de femmes mortes
 Cheuauchans parmy la champaigne

Et ont este en leur compaignie
 Par elles sont abominees
 Les fortunes et destinees
 Elles se vantent de scauoir
 Mais ia nen dira lune voir
 Elles se vantent de garir
 Et les maladies tarir
 Les choses perdues reuellent
 Dont plusieurs chetifz se querellent
 Du ont plusieurs foyz estruiez
 Que elles ont dyables priuez
 En vne boyste en prison
 Et dient par leur mesprison
 Que les choses souloyent voir
 Du en vngle ou en miroir
 Ainsy follement prophetisent
 Et les folles gens abetifent
 Saul a enquerre sa mort
 De samuel apres sa mort
 De sa demande ot il responce
 Qui par femme luy fut esconse
 Ce fut vne deuineresse
 foiturriere et enchanteresse.

Briefment repeter me couient
 Ce que iay dont il me souuient
 Pour mieulx ramener a mes
 Bien est dit a bien fait (moire
 Qu'en feme a moult de reprouche (acroire
 En fait: en dit: en cueur: en bouche.
 Comment elles sont variables
 Et comment elles sont muables
 Haintz exemples auez euz
 Les plus grans en sont deceuz
 Par leur art et par leur fallace
 Doulentiers plus briefment parlasse
 Mais leurs faitz me conuient descrire
 Ceste matiere le desire
 Qui ne veult pas que ie repose
 Assez est plus assure chose
 D'ung serpent en son sain mucier
 Qu'auuec male femme embuschier

Les barons et les grans prelatz
 En ont maintes foyz dit helas
 Qui pourroit homme surmonter
 Ne pourroit il femme doubter
 Elles pleurent quant elles veullent
 Par oingnons exiter se seullent
 Jay parle du pelerinage
 Du elles sont en tapinage
 Par leurs fraudes p leurs malices
 De la chair quierent les delices
 Au retourner plaingnēt les plâtes
 Car en leurs mēbres sont dolantes
 A leurs mariz dient merueilles
 Des sacrifices et des veilles
 Mais chascune pas ne confesse
 Com elle a este mise en presse
 Las est au iourduy grant douleur
 Que femme playne de foleur
 Seigneurisent par leurs infames
 Et surmōtent les preudes femmes
 Elles sont par tout bien venues
 Et preudes femmes sont nues
 fpy de ieunesse et de beaulte
 Du il na point de loyaulte
 Les malles font a redoubter
 On ny deuroit foy adiouster
 A riens que malles femme dye
 Quant a sa femme repudye
 Du le courage de son vice
 Elle fait tant par sa malice
 Et tant de ses las luy fait tendre
 Que il ne scet auquel entendre
 Elle luy dit quelle est sampe
 Et sans luy viure ne peust mpe
 Et que leurs deuy chats sont toute vne
 Et quilz ont par raison commune
 Leurs deuy corps ensemble tessus
 Ay comme iay dit cy dessus
 Au chapitre de reueler
 Les secretz quon ne scet celer
 Les hommes sceuent affoler

Par baisier et pour acoller
 Et leurs mal talans rapaisier
 De iudas donne le baisier
 De celles qui font adultere
 Je le dis ie ne men puis taire
 Qu'il ny a nulle tant soit digne
 Qui nait la pensee maligne
 Sy tost que cest vice la mort
 Chascune desire la mort
 De son mary par faulx vsaiges
 Combien quilz soyent bons et saiges
 Haintes en sont telles prouuees
 Et par iustice reprouuees
 Et de tout office publique
 Prouuees par leur fait inique
 Se la loy aulcun bien leur donne
 Le nest mye pour leur personne
 Ne ce nest mye pour leur noblesse
 Aincors est fait pour la foiblesse
 Du feminin sepe muable
 Et corrompu et flechissable
 En vng estat point ne demeurent
 Mais ensemble rient et pleurent
 Cest forte chose ce me semble
 De rire et plourer ensemble
 A peyne se peuent attraires
 En vng mouuement ces deux contraires
 Lautre qui fut de moy plus saige
 Dit que cest des femmes lusaige
 Quant il leur plait leurs larmes faingnet
 Et leurs yeulx a plourer enseignent
 Car tel plour leur vient de folleur
 Non par force ne par douleur
 Dont par dehors rire et plourer
 Peut ensemble bien demourer
 Je te pry que cy estudies
 Qua femme tes secretz ne dyes
 D'exemples auras plaine hote
 Car si tost quil ya riote
 Qui son secret dit leur auoit
 Toute la ville le sauroit

Tant ya de petilz que nulz
 Men diroit les mauly aduenus
 Sanson qui fut des fois du monde
 Fut blecie par folle faconde
 En ce fut plus rude que bugle
 Par son parler fut fait auueugle
 Quant il son secret reuela
 Dont sa femme lescheuela
 Dieulx luy haulsist sestre teu
 Car se ses amys eust eu
 Ses ennemys qui le greuerent
 Et par mainteffoys le gueterent
 Men peussent pas achief venir
 Sa langue ne peut retenir
 Tant dist a dalida la blonde
 Que de traison nestoit monde
 Aux deux luy dist si fist que fol
 Le meschief luy vint sur le col
 Nicheas dit garde ta bouche
 Vers celle qui avec toy couche
 Garde bien quant elle tembrace
 Que chose qui a celer face
 Ne luy soit ia par toy nommee
 Aussi le dit bien ptholomee
 En almagesee son beau liure
 Que des grans perilz se deliure
 Homme qui saigement se fait
 A ce que sa langue refraint

(mettre



Mg hom se veult a lessay
 Et fist a sa femme promettre
 Que loyaument le celleroit
 Elle iura que ce feroit

Il luy dist il mest adueni
 Jay pontz vng oeuf assez menu
 Couchier sen alla deschauffee
 Au matin ains que fut chauffee
 A sa commere print adire
 Je ne me puis tenir de rire
 Non mary de pondre ne cesse
 Deux oeufz apnd or sen confesse
 Lautre sen va a sa doysine

e n

Querir du feu a la cuyfine
 Et luy dist tu oras merueilles
 Lieue sus et sy taparcilles
 Il va Vng homme en ceste rue
 Qui pond les oeufz comme Vne grue
 Quatre oeufz a pond comme Vne soigne
 La tierce doubla la mensoigne
 La chose tant se publica
 Et tellement multiplia
 Quon luy mist sus des oeufz cinquante
 Doire en la fin plus de soixante

Comment Vng homme espiouua
 Sa femme que malle trouua
 Et auz sergens dist par saint cosme
 Non mary a tue Vng homme



Ng aultre saige vult scauoir
 Quelle feme il pouuoit auoir
 Son fait doit on bien racoter
 Il fist Vne trupe tuer
 Et la mist a sa volente
 Dedans Vng sac ensanglante
 Au lardier ou len met le lart
 Pour desir de sa femme lart
 Luy dist seur il mest mescheu

Certes ic suys trop deceu
 Se tu nentens a moy celer
 A conseil la va appeller
 Et luy dist iay occy cest homme
 puresse qui les gens assomme
 Pour trop boire le me fist faire
 Pense de celler mon affaire
 Elle luy promist et iura
 Mais assez tost se pariura
 Entreulx peut riote esmeue
 Pourquoi la chose fut sceue
 Gaires de temps ne demoura
 A ses voisines reuela
 Que son mary le fol meschant
 Auoit murdry Vng bon marchand
 Et quil estoit dessoubz la queffe
 Le iuge vult scauoir queffe
 Sy com estoit de son office
 De la femme apparut le vice
 De sa langue malle affillee
 La trupe trouua empillee
 Dedans le sac ou estoit mise
 Et salee par bonne guise
 Lors fut la femme contempnee
 Et par sa bourde condempnee
 Comme ianglesse menteresse
 Et mesdisant et tanceresse
 Quant dieu a pasques suscita
 Len demande qui lepita
 Ne pour quelle raison cestoit
 Que premier se manifestoit
 A femme quil ne fist a homme
 Len dit par saint pierre de romme
 Que dieu qui est Vraye science
 Des femmes cest la conscience
 Que telles sont qui tiens ne cellent
 Et que toutes choses reuelent
 Dieu ne veult leur vs oublier
 Donc pour soy faire publier
 Les femmes visita premieres
 Car de iangler sont costumieres

DEt ce quay dit pouez scauoir
 De mentir fèmes eut scauoir
 Encor oyez dung aultre tour
 Vng ialouy dedans Vne tour
 Gardoit sa femme bien sarree
 fors que tant pas nestoyt ferree
 Le ialouy y fist troyz hups faire
 Et de clez y auoit troyz paires
 Mais en la fin fut deceu
 Il auoit a Vng soir heu
 Et sendormit apres soupper
 Cest ce qui le fist encoulper
 Sa femme ses clez luy embla
 Auec son amy s'assembla
 Pour mener sa ioluiete
 Il la tint en grant priuete
 Et la receut faisant grant ioye
 Lamant rit quant il tint sa proye
 Auoir ne peut plus qui luy plaise
 En despit du ialouy la baise
 Le ialouy petit sommeilla
 Car ialousie lesueilla
 Quant la chose luy fut apperte
 Moult fut courrouce de sa perte
 Criant sen vint a la fenestre
 Et disoit dieu que peut ce estre
 Ma femme ou es tu allee
 Hors de la tour es auallee
 Bien ay le mal que tu conspire
 Demain en souffreras martire
 Lors reuint la femme courrant
 A son mary dist en plourant
 Je vous pry pour la magdelaiue
 Que ne me faciez souffrir payne
 Espargniez moy le iureray
 Que plus ne vous courrouceray
 Je nay pas vostre tour muee
 Issue suys par destinee
 Non mye par legierete
 Sy ne me doit estre rete
 Pour dieu ayez de moy mercy

Ne me faictes pas trouuer cy
 Sen vous mercy trouuer ne puy
 Je myray noyer en ce puy
 Il respond de felon courage
 Et tout esmeu de folle rage
 Ceans ne mettras pie ne main
 Je te seray fouester demain
 Tu auras honte et amertume
 Selon la loy et la coustume
 La nuyt estoit noire et obscure
 Elle prist Vne pierre dure
 Et dedans le puy la gecta
 Adonc le mary hors saulta
 Qui la cuydoit nopee ou morte
 Sy tost quil fust hois de la porte
 Elle entra ens et luy ferma
 Et luy iura et afferma
 Qu'il comparroit celle en haye
 Ne se tint pas pour esbaye
 Aux guectes cria ca Venez
 Tantost ce ribault me pienez
 Il fut prins et mys en prison
 Oncques mais ne fut si pas hom
 Sa simplese le fist confondre
 Quant il ne scauoit que respondre
 Sy fut batu et eschary
 Pour ce fait bon estre garny
 Encontre celles qui decouuent
 Ceulx qui leurs mensonges recouuent
Comment clement trouua en estre
 Berthe couchee soubz Vng prestre
 Clement cuyda monstret vertu
 Mais en la fin fust bien bastu
Ad propos vous diray cautelle
 oncqs mais vo' noistes telle
 clemēt trouua sa fême berthe
 Dessoubz Vng prestre descou
 Le prestre lauioit estoupee Cuerte
 Clement tyra sur eulx lespee
 Sy leur conuint laisser leur euure
 Berthe sault sus et sy le queuure



Son mary tient et prent a force
 A pou que les poings luy escoice
 Le prestre ayda touteffoys
 Elle cria a haulte voix
 Sur clement qui fust bon gent
 Tenez mon mary bonnes gent
 Hors du sens est et forcenez
 Haro pour dieu bien le tenez
 Il nous vouloit tous deux tuer
 Ne le laissez esuertuer
 Dups luy disoit ha monseigneur
 Qui oncques veit raige greigneur
 Clement las dieu te maintiengne
 Doulp amy de dieu te souuiengne
 Ne scay quelle forcennerie
 La mys en ceste resuerie
 Na gaires que saige estoit
 Cest prestre ayde me prestoit
 Pour moy aydier est cy venu
 Du il me fut mal adueni
 Berthe qui de croix se seignoit
 Deuant les voisins sy faingnoit
 Ceste mensonge et ceste bourde
 En se faingnant estoit sy lourde
 Qua clement ne laissoit mot dire

Lune le boute lautre le tire
 Prins fut a la terre abatus
 Lyez et de verges batus
 Trops iours luy dura ceste hair
 Au fort il luy conuint paix faire
 Tant doubtoit les coups de bertrain
 Que tout pardonna pour certain
 Or voy liseur et say memoire
 Quon ne doit pas aux femmes croire
 Qui ainsy pariurent et mentent
 Dont plusieurs plourent et lamentent
 Digueilleuses et affrontees
 Et de grant orgueil surmontees
 Sont les femmes communement
 Bien say dit au commencement
 Ly dessus en aucuns chapitres
 Dont len trouuera bien les tistres
 Sy nest besoing quon les repete
 Pource que brieft me compete

E De premiere se orgueillit
 Si grât orgueil en soy cueillit
 Que bien cuyda estre deesse
 Des cieulx vouloit estre abesse
 Et sur les estoilles voler
 Son orgueil la fist affoller
 Par elle vint calamite
 A toute la posterite
 Sathan ses filles maria
 Au siecle les apparia
 Digueil fut marie aux femmes
 Dont orgueilleuses sont les dames
 Clergie espousa symonie
 Par qui loyaulte est honnye
 Ipcrisie avec ses signes
 Et aux moynes et aux beguynes
 Et aux aultres religieus
 Qui sy faingnent les precieus
 Rapine qui est pillerie
 Prist a mary cheualerie
 Sacrileige est aux usuriers
 Et aux fausx laboureurs laniers

Fraude que len dit tricherie
 Se maria a mercerie
 Les marchans sy sont espousee
 Et sont mouilliez de sa rousee
 Auz bourgoyz se coupla vsure
 Lautre fille qui est luxure
 Nest enco: a nulle donnee
 Mais a tous est habandonne
 Sans garder loy de mariage
 Luxure quiert son auantage
 Et sen va deca et dela
 Car cil qui plus en donne la
 D: laissons cy des aultres filles
 Pareilles ne sont pas les billes
 Et traictons dorqueil seullement
 En procedant isnellement
 femme orgueilleuse se defforme
 En delaisant sa propre forme
 Digneil sy la fait estrangier
 Et la fait muer et changier
 A honte est et affrenee
 Et ses cheueulx ensaffrenee
 Elle se painct et renouuelle
 Pour mieulx paroiz a estre belle
 En sa chambre a plusieurs bestes
 Du il ya doinctures moestes
 De choses de plusieurs couleurs
 Par orgueil fait trop de douleurs
 Adiouster veult a sa personne
 Ne luy souffist ce que dieu donne
 Digneil surmonte toutes choses
 Qui sont dedans le ciel encloses
 femme orgueilleuse bien se monstre
 Qui nest nul sy horrible monstre
 Enuiron soy porte les signes
 Qui a la chymere sont dignes
 Car selle est dame ou damoiselle
 Deuers la queue semble opelle
 Vers la queue maint mal sepend
 Et ressemble a la serpent
 Deuers la poictrine est lyon

Il ne peut que ny oublyon
 Du en port on en alleure
 Elle a en sa cheueleure
 Maint estrange cheueu ente
 A accomplir sa voulente
 Court plus isnellement que lieure
 Elle a cornes comme vne chieure
 Cest la barbote des chetifz
 Paour fait auz enfans petiz
 Et par sa fraude saint la simple
 Moult a dorqueil dessoubz la gimple
 Par dehors monstre sa paincture
 Mais par dedans gist pourriture
 Et quant elle est bien achesmee
 Elle troncist comme vne tree
 Qui est femelle du sangler
 On ne la peut apoint sangler.

Emmine est crueuse vrayemēt
 Du lescripture vraye ment
 Qui couure ses iniquitez
 Par femme fut decapitez
 Sainct iehan qui dieu baptiza
 Et qui de luy prophetiza
 Herodias le despisoit
 Pource que verite disoit
 Par femme fut ioseph lye
 Et en liens humilye
 En la prison soubz pharaon
 En la ville de samahon
 Par femmes fut saint pierre mys
 Entre les iuihz ennemys
 femme tant sy le guerroya
 Que par troys foys dieu regnya
 femme fit les clouy ce saichiez
 Dont dieu fut en croix athaichiez
 Medee dont iay dit arriere
 fut de ses deuy enfans murdiere
 Silla occist son propre pere
 Le fut cruaulte trop amere
 Gesabel refist grant folie
 De son regne chassa helpe

Et le bannist hors de sa terre
Auz aultres prophetes fist guerre
Et aucuns en fist mettre a mort
Naboth fist lapider a tort
Contre luy fist faulx tesmoingnage
Pour luy tollir son heritage
Cil naboth auoit dne vigne
Qui luy venoit de droite ligne
Au roy achab la refusa
Gesabel pource laccusa
Que contre le roy eust este
En crime de leye mageste
Lapide fut crueusement
Et occy par faulx iugement
Dont helye pour cest destoy
Prophetiza la mort du roy
Comme bestes son sang lecherent
En la vigne le chercherent
Dire ne puz multiplier
De chascun fait particulier
De toutes les femmes crueuses
Qui sont a mal faire enuigneuses
Qui de leurs nouueaulx faitz droit
Le liseur sen esbahiroit
Vng petit icy men deporte
Se la femme estoit ainsy forte
Et aussy vertueuse comme
Len dit vertueux estre homme
On ne pourroit durer a elle
Tant scet dengin et de cautelle
Et ne luy vient pas de nature
Ne de dieu ne de sa droicture
Sathan quon appelle agrapart
y a mys le plus de sa part
Tant est feme pureste et mauuaise
Que de tous vices est fournaise
Quide dit en ses doctrines
Femmes sont a tous mauulx enclines
Le que dyent les anciens
Querez la hors non pas ceans
Sy me pourroit on opposer

Et au contraire proposer
En blasmant ma conclusion
Que ie dy grant illusion
Car saulcunes femmes sont malles
Et peruerfes et ennormalles
Ne sensuyt pas pource que toutes
Soyent sy crueuses et gloutes
Ne que toutes soyent compriises
Generallement en leurs repuses
La raison est trop mal farcie
Quant on conclud tout par partie
Logicque sceut redarguer
Ceste maniere darguer
Neautmoings cest euure presente
Qui douleur en mon cueur presente
Ne veult souffrir que riens reclue
Mais commande que ie conclue
Tout oultre iusqua la bonne
Qui ne soit nulle femme bonne
Salomon en narracion
En fait dne admiracion
Que ceste matiere conforte
Qui pourroit trouuer femme forte
Aussy que son disoit en glose
Ce seroit impossible chose
Et puz quil le dit quen diroye
Pourquoy ne men esbahiroye
Encor dist il oultre quassez
Hault mieulx homme naurez cassez
Que femme quant elle fait bien
Dont nest femme qui baille rien
Je nen quiers aultres instrumens
Di laissons tous ses argumens
Je procede plusieurs manieres
De lieux et de raisons planieres
Supz arme et fortiffie
Et sy supz bien edifie
Sur exemples et sur moyens
Escoutez et sopez me opans
Bien a lieu ce que ie vous preuue
Que la femme sy com len treuue

Deceut tous les plus grans du monde
 Jay raison sur quoy ie me fonde
 Sy les plus grans sont deceuz
 Dont sont sur les menuz cheuz
 Len dit en la rue ou ie maintz
 Que le plus emporte le moins
 Qui furent les plus grans seigneurs
 Qui opt parler des greigneurs
 De salomon & daristote
 Le ne leur vault vne escharbote
 Sens ne richesse ne raison
 Tous furent mys hors de saison
 Par femmes furent surmontez
 Deceuz daintuz et mattez
 Les lieuz et la similitude
 Dont len scet vser a lestude
 Qui pour aimer moult chambellissent
 Non propos forment embellissent



As ie parlasse noblement
 Mais ie sups mene tellemēt
 Et trouble par forcennerie
 Qui font me poinct p resuerie

Grant merueille est que puyz durer
 Tant ay de mauly a endurer
 Toutesfops de mon sens vmbraige
 Ay fait des femmes tel ouuraige
 Aux heures que iay en loisir
 Qui glose ne peut pas choisir
 Affin que plus planierement
 Vous appere et plus clerement
 De ma doctrine que ie baille
 Selon les proces ie vous taille
 Exemple dont ie vueil vser
 Qui ne sont pas a reffuser
 Par les exemples nous viuons
 Quant du temps passe escriuons
 Exemples nous font souuenir
 De parler du temps aduenir
 Dieu nous chastie en ses parolles
 Par exemples de paraboles
 Et exemple pour iugement

Cest vng espece dargument
 En logique souuent vsee
 Dont loraison est excusée
 Pource qui veult a droit plaidier
 Depemple se conuient aidier
 D: sen ayde en parlement
 Car souuent & notablement
 Escheent choses aduenues
 Et par exemples retenues
 Pource conclurray de logique
 Le droit aussy a ce sapplicque
 Quon voit souuent continuer
 Dont puyz ie bien insignuer
 Que qui dung meffait est veu
 De plusieurs en est mescreu
 Par cohuetes sont toutes femmes
 Entre leurs causes sont infames
 Et reprouuees par nature
 Et par droit et par escripture
 Des portes diniquitez
 Qui de ce sont antiquitez
 Poete de droit nest point requise
 Qui peut prouuer par aultre guise
 Mesmement en chose notoire
 Sy concluz affin perhemptoire
 Quil appert bien par les premisses
 Le que dessus ay dit de ysses
 Le fait a quoy ie me rapporte
 Non propos soustiens et conforte
 Nul hom ne pourroit mettre en rimes
 Tous les vices ne tous les crimes
 Des femmes viuans soubz la lune
 Qui en trouueroit demye vne
 Pursuyuant daultcun bien la trace
 Le seroit especial grace
 Car il nadiunt vng tel miracle
 Puyz le temps empereur eracle



Les femmes ou tēps q ordure
 Doit on gloutonnie et ordure
 Qui les corrompent messhaiz
 gnent

Et de querir pas ne se faingent
Choses a euly delicieuses
Ne leur chault sy sont somptueuses
Tant sont gloutes et dissolues
Que par oultrage sont pollues
Qui leur fait purr dens et bouche
En femme na plus grant reprouche
Que de soy par Vin enyurer
pure femme se veult liurer
A tous ceulx qui en veullent prendre
Le Vin la fait vomir & rendre
Se dhommes y auoit vng millier
Tous les lairoit hurtibillier
femmes pures sont toutes telles
Aux riotes mainent leurs elles
Et le vaissel erreur desqueurent
En tous leurs faitz laidemēt ouurēt
Nyses sont & desordonnees
Et crent comme forcennees
femme dit ie puis assez boire
Jay grant vaissel et grant clichoire
Se iay bien beu ie pisserray
Par dessoubz quant au pps seray
De gloutonnpe vient luxure
Quant on en prent oultre mesure
Cest ce qui fait lauoir despendre
Et les maladies engendre
Et les guerres et les discors
Que plusieurs comparent des corps
Gloutonnpe dont par paresse
De son accord se tient puresse
Qui les hommes honnist et gaste
La sante toult et la mort haste
Et les fait ors comme pourceaux
Ses disciples sont larionceaux
Et meurriers et les femmes folles
Il fait bon souyr leurs escolles
Lathon dit pour puresse seulle
Ne fais nul plaisir a ta gueulle
Qui est ampe de ton ventre
Le Vin y nuyt quant trop y entre

puresse fait les mains trembler
Et les vertus du corps embler
Et sy fait le foye pourrir
Et les mauuais vices nourrir
Na perrette nest pas purongne
Mais encōtre moy souuēt grongne
femmes sont paresseuses gloutes
Et a mal faire prestes toutes
femme mauuaise deuiet pire
Tresmauuaise tousiours empire
Tout dire me seroit grieve
Sy men passeray pour brieve
femme nest pas en ce point saige
Tourir ne scet qua son dontmaige
La loy dit sy comme ie sens
Que la femme na pas le sens
Ne son amour en soy enclose
Mais par dehors en lueil repose
A lueil dehors son honneur baille
Mais au garder conuient qui faille
Car folpe son oeil engroisse
Tant dit que cueur de baine froisse
Par sa iangle et par sa parolle
En tous ses faitz est nyce & folle
Il nest nul bien que femme face
Aincors le destruit et lefface
Par femes sourdēt maintes guerres
Et homicides en maintes terres
Et les chasteaux ars et pillez
Et les pures gens epillez
Il nest pas de nul gurres vne
Sy com scet chascun et chascune
Que par femme ne se commence
Et par sa mauuaise semence
Cest la mere de tout ouuraige
Tout mal en vient & toute raige
Plus aigrement poing que serpente
Nul nest poing qui ne sen repente
Amys amys retien retien
Ne la prens pas pour dire tien
Saiches quil est vray et croy men que

Se toute la mer estoit enque
 Terre cornet et par chemin
 fussent les nucs parchemin
 Et tous les boys estoient plumes
 Pour faire notes & volumes
 Et tous ceulx qui sceuent escrire
 Aussi tost que len pourroit dire
 Escriuoient sans reposer
 Ne pourroyent ilz exposer
 Escrire ne ramenteuoir
 Signifier ne concepuoir
 Tous les maulx ne tous les diffames
 Que len pourroit trouuer es femmes.



Aulcuns sont folz qui tant
 mesprennent
 Que femes espouses & priēēt
 Cest pour leur nom cōtinuer

En ce monde et perpetuer
 Deup et de leurs hoirs la memoire
 Mais ilz sont plains de vaine gloire
 Certes iaymeroye mieulx viure
 Hopyeulx & de femme deliure
 Que en mon courrage plourer
 Pour faire mon nom demourer
 Hoir est que tel espousera
 Qui ne scet quel son nom sera
 Car la gloire du nom est vayne
 Mais la mort est a tous certaine
 Silz sen marient telz soipante
 Qui nauront ia enfans nensante
 Et telz enfans auoir pourront
 Qui en briefz termes se mourront
 De ce ne voy nul escriuant
 Qui tant feront a leur viuant
 Par fortune dure et amere
 Quilz courrouceront pere et mere
 Et que leur bonne renommee
 Sera par leurs faictz diffamee
 Et leur bon nom sera greue
 Doncques nest hom point releue
 Qui son nom sur ses enfans fonde

A Bng sil pour tout lor du monde
 Quant on ot sonner la bancloche
 Le cueur au corps de paour esloche
 Len nose leuer oeil ne chiere
 Que aucun meschief ne sy fiere
 Es'ensans qui sont par la ville
 Des perilz ya plus de mille
 Tousiours ya cremeur et doubte
 Cest que le dyable ne sy boute
 Et que les enfans ne messacent
 Du que cheuaulx ne les dessacent
 Du que par malle coniaincture
 Ne leur viengne malle auenture
 Du aucune maleurete
 Dont ny a point de seurete
 Prienez a escouter respit
 Navez pas ces motz en despit

(auoir



Durquoy veult hom enfans
 Les enfans desirent lauoit
 Et les richesses de leur pere
 Je ne puy celler qui nappere

Comment enquierent de l'age
 Pour apres luy prendre peage
 Et comment les choses conuoient
 Et par quelz pointz ilz en exploictent
 Le qui est acquis a grant cure
 Despendent et petit leur dire
 Tout gastent et ne leur souuient
 Comment est acquis et dont vient
 Ilz considerent pou la peyne
 Il vault mieulx cest chose certainne
 Estre sans enfans et sans femme
 Que pour eulx perdre corps & ame
 Qui auroit sa deuocion
 De faire hoir par donnacion
 Il en pourroit trouuer amys
 Plus que tel ou son cueur a mys
 En ses propres hoirs tous soudains
 Que de ses enfans fust certains
 Comment apres sa mort feront
 Ne comment ilz se porteront

Chascun filz voudroit que son pere
Nourrit demain de mort amere
Pose quil fust ou poure ou riche
Se riche est saichez sans triche
Que plus vauldroit sa mort sans doubte
Pour auoir sa richesse toute
Sil est poure il na de quoy viure
Il en voudroit estre deliure
Affin que du syen ne luy baille
Il en ya pou qui riens baille
En quelque cas que len peust dire
En lescription pouez lire
Hay filz nourry et esleue
Par luy sups despriz et greue
Absalon moult se desroya
Dauid son pere guerroya
Tollir luy vult ceptre et couronne
En vituperant sa personne
Ne fut pas filz ains fut tirant
Dauid le plaint en soupirant
Quant il fut mort par son oultrage
Dont fait bon sauyr mariage
Se ta femme par auenture
Ne peut auoir a nourriture
Enfans ne de toy concepuoir
Elle te voudra deceuoir
Ainsy que par enchantement
Te donra faulx enfantement
Et semblera a changera
Tous tes hoirs desheritera
Et se aucuns vouloyent dire
Et pour leur nicete escondire
Que mariage est necessaire
Et que seul hom ne peut riens faire
Et que les femmes sont besongnes
Lil qui ce dit petit ressongne
Les tourmés les maulx a les luictes
Dont les malles femes sont duictes
Chascun y quiert sa propre mort
Trop est fol qui ne se remort
Vng garson mieulx le seruroit

Car femme le despiseroit
Femme ne se veult asservir
Quelle vueille lomme seruir
Aumoins ce se nest par faintise
Et sy est commune la guise
Que quant le barlet ne veult faire
Seruice qui bien doye plaire
Hors sera mys et deboutez
Mais la femme point nen doubtez
Vouldra tousiours estre maistresse
Car il nest mais nulle lucesse
Il conuient que lomme sen fuye
Contre fumees femme a pluye
Fuyz les perilz et sy me croyes
Que tu ne soyez mys en biopes
Et qui prent femme pour amour
Après en sault mainte clamour
Et tristesse a malle aduenture
Car pour la chaleur de luxure
Ne se doit faire compaignie
Hors pour cause dauoir lignie
Et pour foy et pour sacrement
Et se les diops trop asprement
Doingnent les gens en mariage
Toutesuoyes bien espery ay te
Que dieu het autant com vsure
Ceulx qui se coupplent par luxure
Pour bon exemple en auez arre
Comment tous les sept mariz sarre
Le dyable vng et aultre frappa
Mais thobie en eschappa
Qui se maria chastement
Et se porta honnestement
Folpe est de soy marier
Car on ny peut droit charrier.

H DIS du sens est a enraige
Homme qui est encouraige
Despouser feme pour beaulte
On doit noter en loyaulte
Comment vne fleur defface
De belle femme vis a face

Et ne dire que certain temps
 Aussy comme les fleurs des champs
 Perdent beaulte en petit deure
 Quant sont actainctes de froidure
 Pluye ou tourbillon les casse
 La beaulte de femme tost passe
 A enfanter ont grans douleurs
 Les oingnemens et les couleurs
 Rident leurs frontz et leurs visaiges
 Certes lomme nest mpe saiges
 Qui veult belle femme garder
 Puyz quelle se veult paindre et farder
 Dng hom viel lappellera
 Par faconde la flatera
 Et hector pour sa duerie
 Monstra sa cheualerie
 Le riche pour samour auoir
 Luy offrera de son auoir
 Et narcisus entour ira
 Pour sa beaulte sen purera
 Chascun mettra paine a laprendre
 Dont par assault la conuient rendre
 Qui auoit tous les yeulx argus
 Si seroit il tout redargus
 On ne sen scet a quoy aherdre
 De son gre se laist femme perdre
 Puyz quelle conscent bien quon lemble
 On ne la peut garder se semble
 Riens ny vault palix ne closeure
 Amours vaint et passe nature
 Hainte femme est par dehors belle
 Que par dedans nest mpe telle
 Car aulcun vice la laydist
 Pource que dessus vous ay dist
 Verrez bien se cest voir ou bourde
 Et la fin sur quoy ie me hourde
 Sy doubte quauy asnes me presente
 Le dit et cest euure presente
 Plusieurs pour les atournemens
 Et pour les grans aournemens
 Des femmes en sont trop deceuz



Quant ilz les ont auy yeulx veuz
 Tant les conuoientent que cest raige
 Et les priennent en mariaige
 Ceste erreur na frain ne bride
 Pour leur souuient des dictz douide
 Commēt les femmes par leurs trōpes
 Par oi par pierres ne par pompes
 Dont elles font leurs couuerturez
 Donnent auy chetifz ouuerturez
 Qui les decoyt plus quamoptie
 Ne sceuent quilz ont conuoictie
 Qui des femmes le voir recite
 Le corps est la part plus petite
 Car elles quierent dozeures
 Et estranges cheueleures
 Et de vers et de gris pelices
 Bien pourfilles de lectices
 Cornes et fronteaup bien polis
 Les plus chiers et les plus iolis
 Les mariz en sont affollez
 Leurs souliers portent decollez
 Aguz deuant a la poulaygne
 Affaictiez de boure ou de lamine
 Cest pour elles faire coingnier
 Elles sont moult a ressoingnier
 Quant ont les voit ainsy comues
 Et qui les tiendroit en corps nues
 Adonc pourroit il sans mentir
 Leurs vices veoir a sentir
 Elles veullent quon les reueste
 De nouuel a chescune feste
 Joyaulx veullent renouveler
 Leurs couronnes au chappellier
 Sy veult chescune de rechiefz
 Auoir de nouueauy couurechiefz
 Saynture neufue et entaillee
 Bien doree ou emmaillee
 A noel ou a penthecouste
 Ceste follie souuent couste
 Trop plus que le mary ne gaingne
 De son auoir trop le meshaingne

fi

La femme les ioyaulx apporte
 Pour soy monstrier deuant sa porte
 Pour apparoir belle et iolye
 Dedans ses aournemens polie
 Mais ceulx sont folz qui les polissent
 Neulx leur feust qui leur tolistent
 Les ioyaulx sont occasion
 De faire fornicacion
 Car quant la femme est mal vestue
 Talant na daler par la rue
 En sa maison se tient enclose
 Elle en vault mieulx bien dire lose
 Et elle est plus coye et plus simple
 Soubz poure cote ou poure gimple
 Combien que soit de forme belle
 Vertu gist en poure cotelle
 femme qui veult souuent aler
 Aux ieux caroler et baler
 Ne peut estre longuement chaste
 Car Venus de trop pres le haste
 A sicheu la bonne cite
 Aloit a la festiuite
 Une iouuencelle benigne
 Par son nom fut nommee digne
 fille iacob le patriarche
 Grans maulx en vindret en la marche
 Car elle y fut despucellee
 Quant la chose fut reuellee
 A iacob et a son lignaige
 Il en aduint si grant dommaige
 Que la cite ilz abbatirent
 Et tous les citoyens occirent
 On feult bruler du chat la pel
 Pource que il vient a lappel
 De ceulx qui les chatz embler seullent
 Que pour la peau point ne le veullent
 Qui des femmes ainsy feroit
 Et leurs pelissons brulleroit
 Leurs queues leurs draps a leurs cornes
 Assez en seroyent plus mornes
 A bien faire plus curieuses

Et assez moins luxurieuses
 Des cornes ne feroyent moes
 Ne de leurs grans queues les roes
 Ainsi que le paon scet faire
 Prenez du corbel epemplaire
 Qui dautrux plumes se para
 Mais en la fin le compara
 Quant le roy la lobe entendit
 A chascun ses plumes rendit
 Le corbel en fut despouilliez
 Et demoura noir et souilliez
 Aussy maintz femmes ont corps bel
 En ce ressemblent le corbel
 Apres baisier et soulacier
 Deult aux gens les yeulx arrachier
 femme de vestement paree
 A ung fumier est comparee
 Qui de neif fait sa couuerture
 Au descouurir appert lordure



Di prêt sème pour ses deniers
 et pour les biés d ses greniers
 Ne pour sa richesse brieuement
 Je dy qui peche tresgriesmēt
 Contre la loy des mariaiges
 Qui ne furent pas par les saiges
 Establiz pour telle besoingne
 Si comme le droit le tesmoingne
 Sil est serf en verite dire
 Qui fait sa condicion pire
 Que pour deniers vend sa noblesse
 Droit est que seruaige le blesse
 Qui perd liberte et franchise
 Il fait trop mal le conuoictise
 Pour serf et chetif le repete
 Du lyen de grant seruitute
 Neulx luy venist a lestaile vendre
 Sa char quen seruitute rendre
 A bataillier et a tancer
 Et tousiours a recommancer
 Cathon nous dit bel epemplaire
 Ne pren pas femme pour douaire

On ne peust souffrir riche femme
 Chascun iour a poix et a dragme
 Vouldra ses richesses nombrez
 Il se fait mauuais a ombrier
 Dessoubz ombre de sa reprouche
 Car quant on lieue et quant on couche
 Pour noise mouuoir tancerà
 Et son auoir reprouchera
 Et dira de selon son courage
 Dauoir vng duc en mariage
 Estoye digne et assez riche
 Or ay ie ioue a la briche
 Quant a vng chetif sups donnee
 Na veue fut trop soit troublee
 Jay quys mon dommaige a ma perte
 On me deuoit appeller herthe
 Pour folle se tient et puy pleure
 Et en riottant maudit leure
 Mais par saint acqaire de aspre
 Je ne croy qui soit riens plus aspre
 De poure femme luy fait sault
 Car quant elle se voit en hault
 Plus que la riche est orgueilleuse
 Plus que tygre a aspis crueuse
 Trop se desroye a trop estriue
 Ne prens donc pas femme chetive
 Pouure femme est trop de mal estre
 Contre toy leuera la teste
 En reprouchant et par iniure
 Dira mauuais par ton vsure
 Luydes tu auoir seigneurie
 Se ie sups dusure nourrie
 Sy iaymeroye mieulx certainement
 Querir pour moy honnestement
 Et gaingner ma vie a filler
 Que tes richesses empiller
 Et seruir comme chamberiere
 Sy sy chetif da ten arriere
 Sy ie cuydoye estre honnoree
 Pour toy or sups au doy monstree
 Je ne quier iamais ainsy viure

Se dieu plaist ien seray deliure
 Certes a bon droit sups blasmee
 Pour ton vsure diffamee
 Toute la gent le doz me tourne
 Nen puy mais sy sups triste a morne
 Noz biens deussent communs estre
 Et tu en veulx faire le maistre
 Et mettre tout en ton vsage
 Quant ie te prins a mariage
 Se iauoye pou de finance
 Toutesuoyes ma personne franche
 Valoit trop plus que ta richesse
 Je viz avec toy en tristesse
 Len met bien les choses a pris
 Mais sy com droit nous a apri
 Durer ne peut par nulle guise
 Ne comparer contre franchise
 Daultre part pou prouffiteroit
 Auoir qui ne le garderoit
 La femme doit auoir la garde
 Des choses qui droit y regarde
 La vertu gist et la maistrise
 A bien garder la chose acquise
 Et quant on voit croistre lauoir
 La femme en doit loz auoir
 Donques plus ne me despitez
 Ne tancez ne ne desprisez
 Certes nen souffteroye mys
 De vous de ne e ne dempe
 Se vous en souffrez et passez
 Car ie vaulx mieulx que vous assez
 Et aincops que ie vous preisse
 Jeusse eu se ie vouldisse
 Aultre qui plus riche estoyt
 Et qui dauoir ma monnestoit
 Mais a luy ne me consentoye
 Par ce quassez riche estoye
 Fortune ma beneuree
 Et aux plus grans ecomparee
 Ainsi en son orgueil se vante
 Loide chetive et meschante

Et se moit dient son mary prendre
 Dng aultre quiert sans plus attendre
 Ja nen fera dueil mal feu larde
 Non plus que feist ceste pailarde
 Que le cheualier tant aymoit
 Dame et ampe la clamoit
 Elle en orgueil multiplia
 Son bon mary tost oubliã
 Et le dessouy et pendy
 Retiens bien ce queie ten dy.



E te pry pour sauuer ton ame
 Que tu nespouse ieune fême
 Car il ya tan de perilz
 que plusieurs en sont ia perilz
 Encor te puy s ie tesmoingnier
 Bielle fait plus a ressoingnier
 Se tu es ieune la biellote
 Te menera tousiours riote
 Daultre sera en ialousie
 Cest reigle de bielle noisie
 Se des ieunes regardez vne
 Elle iurera mathebrune
 Que tu a mys ton cueur en elle
 Je scay bien par pertenelle
 Dou que viengnes ou que tu vois

Tousiours auras tancons et noises
 Se tu venozes douyr messe
 Dira la Bielle felonnesse
 Que du bordel ou dauoultre
 Viendras nest ce pas grant ma tyre
 Pourquoi quant tu scez quelle ment
 Car tu doys viure chastement
 Lescriture sans barier
 Dit que cause de marier
 Est pour auoir prosperite
 Dont doys tu bien en verite
 Escheuer que Bielle ne preignes
 Steriles sont et breshaignes
 Daultre part y conuient mesure
 Contre lardeur de la luxure
 Pour ce saint pol discret a saige
 Loue en ses ditz mariage
 Se de prendre Bielle te haste
 Certes tu ne peuz viure chaste
 Ne scay comment le puisse faire
 Car le plaisir est necessaire
 Et sy est naturelle chose
 Et quant est de moy ie suppose
 Que fort est de bel enuahir
 Len y treuue trop a hair
 A reproucher et a blasmer
 Comment le pourroit on aymer
 Quant on peut trouuer iouuencelle
 De bonnaire plaisant et belle
 Et qui de rioter na cure
 Cest violence de nature
 De laisser ieune et Bielle prendre
 Autant se vault au sathan rendre
 Et estre en sa subiection
 Et se ie te fais mencion
 De la Bielle quon doit mesdire
 De laide Bielle autant dire
 Excepte quon peut bien scauoir
 Layde peut laiz enfans auoir
 Selon raison quoy quil y entre
 Lenfantement ensuyt le ventre

Souuent voit on cest chose clere
 Que lenfant ressemble la mere
 Et pource qui tout poseroit
 Jamays layde nespouferoit
 Se riche nest par auenture
 TROP fol est qui y met sa cure
 Qui la prent il est vng droit bugle
 Elle naffiert fors qua auuegle

S La femme est en ieunesse
 Et tu soyez pres de viellesse
 Je te pry a genoulx ploiez
 Que ne soyez sy desuoiez

Que tu espouses iouuencelle
 Sy tu la prens sy sera telle
 Que demandera le peaigne
 De la debte de mariaige
 Et sera de luxure playne
 Et tu nauras lors nerf ne bayne
 Qui tende ne soit nul qui cuyde
 Quon peust payer de source vuyde
 Se tu nas de quoy satisfaire
 Les deux peulx te voudra hors traire
 Et se tu du faire tesforces
 Tu y perdras temps sens a forces
 Et trouueras finance vile
 Pups que tu fauldras par cheuille
 De ton meschief ne te dy mains
 Tu seras appellee villains
 Du droit te rescourra le pire
 Cest la chose qui plus empire
 Homms viel qui prent ieune meschine
 En fin aura courbe leschine
 Tu viuras a mauuaise chiere
 Pleurs: douleurs: la mort: et la bierre:
 Te viendront apres assaillir
 A ce ne pourras tu faillir
 Se la ieune femme recouure
 En toy ce quelle ne trouue
 Du sen toy a deffault croy ferme
 Elle ne prendra pas long terme
 De querir lieu pour soy esbatre

D ses voisines troys ou quatre
 Sentreueront par les eglises
 Procureront estre soubmises
 Repostement par les bordeaulx
 Tu nen tiendras pas les cordeaulx
 Car aux festes voudra aller
 Pour veoir dancier et baller
 Du son cousin ou sa cousine
 Du sa commere en sa gesine
 Faindra malade et langoreuse
 En tous faitz sera cautelleuse
 Pour trouuer faulce occasion
 De faire fomicacion
 Les ribaulx ieunes a testus
 Sont souuent nourris et bestus
 Aux coustz et despens du bon homme
 Encor ya pps en la somme
 Les mariz souuent effoys nourrissent
 Les enfans qui viennent et yssent
 Daultruy fait et daultruy semence
 Sy en sont plusieurs deceuz en ce
 Quilz les cuydent de mariage
 Et succedent en heritage
 Pourquoy les droys hoirs sont changiez
 Desheritez et estrangiez
 Et fraudez par tel malefice
 En leur grant grief et preiudice
 Et pource que ce fait a croire
 A perpetuelle memoire
 Je te pry que il ten souuiengne
 Que semblable ne ten aduiegne (prendēt

S E deux ieunes lung lautre
 en peu de tēps leurs biens des/
 et cuidēt q̄ y aduētūre (pendēt
 Leur richesse tousiours leur
 Leur richesse est mal demenee (dure
 Mal faicte a mal ordonnee
 Car ilz entendent a oyseuse
 Lung est selon lautre noyseuse
 Se le mary assez ne liure
 De ce qui leur conuient pour viure

Du fil ne peut bien besongnier
Sa ieune femme compaignier
Tout sen yra par aduoultire
A faire sa Voullente tire
Lois par parolles tancons croissent
Et sentrebatent et destrouissent
En tourment gastent leur ieunesse
Dont doulant sont en leur Viellese
Aultres raisons vous en ay dictes
Lesquelles sont deffoubz escriptes
Pourquoy il est fol se me semble
Qui a mariage s'assemble
En ieunesse est adolescence
Et du fait ne congnoit l'instance
Et se hom viel veult Vielle prendre
Icelluy doit on bien reprendre
Car cest contre droit et lusaige
De Viellese et de mariage
Je scay bien a quel fin il pense
Car en ses deux cas fait offense
La Vielle triste & obscure
Dacollet de baiser na cure
Et sy ne peut auoir lignie
Du lit marital progenie
Ainsy ne peut viel homme prendre
La Vielle femme sans offendre
De marier ne sont pas dignes
Ils ont trop seiches les eschines
Pource fait on chariuary
De Vielle femme et viel mary
Posons que noble femme eusses
Espousee: & Villain feusses
Elle sera grande de port
Et vouldra faire son deppoit
Mais tu trouueras adéz pys
Tu seras mocque et despys
Et quant lasse a lostel viendra
Bien seruir la te conuendra
Lauer les piedz et descroter
La queue du surcot foter
Et porter selle le commande

Du tu auras mauuaise offrande
Ne te vouldra pas embrassier
Mais bien te saura menacier
Et te faudra agenoillier
Garde toy de tel moullier
De tel mariage tenir
Ne pourroit il bien aduenir
Qui pys est de propre nature
Quiert du ieu des rains l'adventure
Il ne conuient que lieu trouuer
Le compaignon scet bien rouer
Et admonnester qui luy face
Se trouuer ilz peuent lieu et place
Or soit que tu de noble heraiage
Preingnes Vielle en mariaige
Ceste coulpe sera blasmee
Et ta ligne diffamee
Et tu en seras deboute
Moins piusez et moins escoute
Dont tes choses degasteras
Et souuent les dissiperas
Affin que tes hoirs ny succedent
Par plusieurs foyz en procedent
Et viengnent courroux et dommaige
Et sen doit on garder qui est saige
Et saulcun sy bien se marie
Qua sa pareille sapparie
Riens ny vouldroit ceste partie
Car lung et lautre en partie
Se tiennent pour tout barate
Qui en droit la verite
Il ny a sy bon que la fuyte
Car quant il conuient a la luyte
Il tance apres le delit
Quon doit prandre dedans le lit
Lois guerres et riotes sourdent
Et par ire ensemble bourhordent
A descord tourne la conorde
Et maintenant vie tresorde
Haynnent lampe et lamp
Et elle luy est ennemy

Pource cest dictier te conseille
 Que pareille ne despareille
 Jeune Bielle noble ou Villaine
 Ne pour serpine ne pour helaine
 Layde ne belle poure ou riche
 Saige ne folle large ou ciche
 Ne pousez car cilz quiert sa mort
 Qui a prendre femme samort



M ma pensee pecheroye
 et trop griesuement la bleceroye
 Se par ceste amonicion
 Ne faisoye inhibicion
 Que par choses que tu veys
 Jamais la femme ne preisses
 Qui de ses enfans ait la charge
 Car par sa conscience large
 Les biens de son mary soustrait
 Aux enfans les donne et tout trait
 Pour eulx est habandonnee
 A hutin et tancon noee
 Se tu dis mot elle faindra
 A ses enfans se complaindra
 Que tu auras ce dit pour eulx
 Par tout les meschiez temporeulx
 Ne peut homs estre plus desers
 Se ne veulz a eulx estre serfz
 Encontre toy se leueront
 Risotte et guerre maineront
 Plusieurs en sont mors et perilz
 Tancons les mauvais esperiz
 Que la femme prennent en cure
 Dont la pestilence procure
 Deux foyz: troyz foyz: et puy la quarte
 Dabondant mangue ceste tarte
 Qua telle femme ne taioungnes
 Tu as droit se tu les ressoingnes
 Espuse de mauvais tison
 Te dira sy sy chetif hom
 Certes ie ne suis mye bonne
 Quant iay conioincte ma personne
 Avec toy pour moy asservir

Tu nes pas digne de servir
 Le filz de mon premier mary
 Tant dira auant et harp
 Que ses enfans te fouleront
 Et malgre tien te troubleront
 Dueilles ou non tu serviras
 Ses enfans ou tu languiras
 Sy te requier pue et conseil
 Que tu croye le mpen conseil
 Du ie te iure sans mentir
 Tard en viendras au repentir
 Et nen auras iamais restour
 Et feusses fort comme hector
 Enfans as et ta femme nulz
 Nen a soyent grans ou menuz
 Tel art et engin trouuera
 Que loing de toy les chassera
 Car par nature les marrastres
 Heent et bruyent leurs fillastres
 Et soubhaydent en la mer
 Tes enfans saura bien blasmer
 Et que trestout ce quilz feront
 Elle dira quilz embleront
 Les choses quon perd a lostel
 Elle leur portera loz tel
 Sil a deffault en la richesse
 Elle dira que par eulx est ce
 Jacoyt ce quelle les soustrape
 Et emble tout cest chose drave
 Ainsy decoyt par trahison
 Lomme qui la croyt sans raison
 Se de toy ta femme seconde
 A enfans pour lamour du monde
 Puy que de toy conceura
 Par faulx ars te deceura
 Tez enfans qui premiers sont nez
 Seront mors et empisonnez
 Par venin ou par aultre boye
 Affin que temps et heure boye
 Que les spens puissent succeder
 A toy et aux biens proceder

A tiltre de succession
Note ceste deception
Et sil aduient par auenture
Que le mary selon nature
Ta femme ne puist concepuoir
Lors te vouldra plus deceuoir
Par faindre faulx enfantement
Quelle mettra secretement
Trotule a l'empereur de romme
Les secretz quelle mist en somme
Dit quon doit les femmes doubter
Et quon ny doit foy adiouster
Car tant font leurs fillastres heent
Car eulx murdrir tendent a beent
Cest grant merueille de trouuer que
La folle marraastre nouerque
fait a son bon mary escange
Et layme mieulx que vng estrange
Descosse ou aultre nacion
Ait des biens dominacion
Que ceulx a qui ilz appartiennent
Pres que toute ceste part tiennent
Se des enfans auez chascun
Deux ou troys ou tu nen as quun
Nez par auant vostre alliance
Nayez de paix nulle fiance
Chascun les siens porter vouldra
Ta femme souuent tassauldra
Car toutes telles espousailles
Engendrent tancons et batailles
La cause est assez apparant
Plusieurs en puyz traire a garant
Et se vous auez de lauoir
Et enfans ne pouez auoir
A rioter commencerez
Et quant ensemble coucherez
Se courroux vous met a malaise
Ne trouueres qui vous rappaise
Ne qui guerisse lenclouere
Dentre vous car lengendriere
Sen pourroit mieulx appaisier

Par acoller et par baisier
Et ramener par bon couraige
Après viendront ceulx du lignaige
De seigneurir sentremettront
Et la discorde y mettront
Desinement ceulx de par la feme
Ny aura celluy qui nentame
La chose pour vouldoir possider
Chascun cuydera succeder
Sy sont poure gent et merdaille
Chascun iour auras la bataille
Dont tes choses seront vendues
Et tes richesses despendues
Et sy cesseras de gaingnier
Par ce se peut hom meshaignier
Et trouuer a athamoison
Ne ia nauuras de bien foison
Par tout point te peut apparoir
Soit sans lignee ou soit par hoir
Que mariage est chose dure
Trop poinct et trop longuement dure
Posons que tu malade soyes
Et ta femme va par les voyes
Toute haictee a toute sayne
Neautmoins toute la sepmaine
Ne demourras tu sans tancon
Huy a demain recommencon
Ta femme dira en huant
Le ber contrefait le truant
Sil vouldoit bien se leueroit
Son mal pou luy greueroit
Qui gouuernerera ma maison
Il nest pas de gesir saison
Que feront noz enfans petis
Ainsy seras tu abbetis
Pose ores que tu soyes fade
Sy enfermes a sy malade
Que ne te puisses soustenir
Quoy quen lostel doye venir
La cure sur toy en mettra
Ne point ne sen entremettra

Et se sa nourrisse a deffaulte
 Elle fera noise assez haulte
 Et les enfans fera plourer
 Tu as pereilleux demourer
 En ton lit ainsy amuse
 Ne ia nen seras excuse
 Cest merueille que hom sy greue
 Peust iamaiz estre releue
 Et quil ne meurt incontinent
 En tel meschief euydamment
 Et selle est malade ou enferme
 Tien ceste sentence pour ferme
 Deuant elle fault tost auoir
 Et diligemment pourueoir
 Se elle a fieure ou continue
 Il conuient que tu continue
 A faire chose qui luy plaise
 Pour luy demener a son aise
 En luy disant ampe chiere
 Par amour faictez bonne chiere
 Certes de vostre mal me poise
 Il te fault appaiser la noise
 Et blandir par ditz et par faitz
 Tu ne seras ia sy parfaictz
 Qua gre puysses continuer
 Et dira il me veult tuer
 Et mauldira a haulte alayne
 Aussi bien com celle estoit sayne
 Dieu scet quant perrette est enferme
 Je ny metz long iour ne long terme
 Je fais mes veulx et mes promesses
 Dire oraisons et chanter messes
 En offrant de bouche et de main
 Que seray peletin demain
 Je dy pour elle a iointes palmes
 La patenostre et les sept psalmes
 Et la soustien en mon giron
 Comme torche fait chauderon
 Ainsy la me fault conioir
 Seruir plourer et obeir
 Aussi bien com selle fut morte

Celle contenance mest foite
 Car son me voit plourer de lueil
 Le cueur nen fait mpe grant dueil
 Mais voudroit quen leure prouchayne
 Hourust de malle mort soubdayne
 Se tu dors et ta femme veille
 Tant fera quelle te resueille
 En crachant fera sa complainte
 Et dira par parolle sainte
 Que tu songes ou que tu ronfles
 Du que du vent par dessoubz souffles
 Du dung coste te heurtera
 Et contre toy se toarnera
 Et en dissimulant le fait
 Se dort et ne scet quelle fait
 Dups ronfle et met quelque riotte
 Du seés bras et ses cuysses frotte
 Du de la cure de voz choses
 Parle affin que point ne reposes
 Et selle dort a tu lesueille
 Elle te chantera tes veilles
 Quau resueille forcennera
 Sur toy tout le mal tournera
 Certes ie nose esternuer
 Non pie ne ma main remuer
 Tant crains la noise et la meslee
 Que souuent est vers moy meslee
 Haintes nuytz par tel souuenir
 Ay trespassees sans dormir
 Car le loisir point nen auoye
 Certes puy que femme sauoye
 Soynt en mengeant ou en beuuant
 Ou en couchant ou en leuant
 Vaincu seras et en balance
 Par ta moullier et par sa lance
S Et tu te tais elle parlera
 Contre toy elle se rebellera
 Et dira au nom du dyable
 Je doy auoir mal agreable
 Quant alz bassaulx parler ne daigne
 Hulle gente es dens le preigne

Dire ne veult chose que ioye
Il na en luy soulas ne ioye
Je voy bien que tant ne me puise
Qu'il doit responce ne repuse
Certes sy scet il assez quille
Et com yng iay parler en la ville
Sy du drubert riens nen dontoye
Ainsy femme lomme guertoye
Et ne le puise vne flamesche
Son bien en tous cas luy empesche
Bien le doy scauoir pour la moye
Pour ses faictz souuent larmoye
Se tu parles ta femme est preste
De mouuoir tanson et moleste
Tes parolles diffamera
Et tous tes ditz reprouuera
Aigrement plus que sangler ne bee
Doire plus que la babelee
Qui de poisson est venderesse
A paris:et grant tanceresse
Se tu maynes desduit et ioye
Ta femme point ne te conioye
Mais dira que sathanas est nez
Que es folz et forcennesz
Et quil a en enfer grant feste
Le seroit chose plus honneste
De noz besongnes procurer
Qui laisse tout par moy curer
Que de iangler ne de chanter
Et dira bien me puyz vanter
Que ie soustien tout le mesgnaige
On scet bien par le voisinage
Que riens ny fait ceste ydiote
Je nen puyz mais se ie riote
Quel dyable ainsy le demayne
Sa chansou est de merde playne
Cest signe qui nous mescherra
Du que ceste maison cherra
Et se tu penses par tristesse
Lors te dira la traistresse
Que de malleheure feuz tu nez

Et que tu es infortunez
Et que toute la maison troubles
Et menera ses tansons doubles
He dieu que ie me doy hayr
Je ne vous doy pas bencir
Qui tel mary mauez donne
De soudre soit il estonne
Bien puyz dire chestiuue lasse
Doulentiers a vous ie parlasse
Il porte visaige de brode
Plus est selon qung roy herode
Et plain de malle tyrannye
Trop suys auèques luy honnye
Et trop men puyz desconforter
Dyables len puissent emporter
Car on ne pourroit trouuer pire
Il rechingne tant est plain dire
Et sen fault peu que il ne criefue
Morir puyt il en heure buefue
Se tu respons mot ne demy
Dncques sy cruel ennemy
Ne trouuas com elle sera
Aux ongles tesgratignera
Ainsy ay ie este attrappe
Riote bastu et frappe
On a rompu plusieurs couloingnes
Sus mon doz et dessus mes rongnes
Se tu veuly a ta femme faire
Le beau ieu pour amour attraire
Le que voudras reffusera
Et en plaingnant sefcusera
Souffrez vous ie nen ay pensee
Je vueil dormir ie suys lassee
En faisant la bonne meschine
Dessoubz toy se mettra soubine
Et la cheuille en la creuace
Et souffrera bien quon luy face
Disant or vous deliurez sire
Jacoyt ce que le fait desire
Elle se rendra amoureuse
En contrefaisant la honteuse

Le ieu des rains fort blasmera
 Disant que point ne laymeta
 Et que cest folle et layde chose
 Ne scet comment faire on lose
 Et ne croy qua nulluy pleust
 Se dieu estably ne leust
 Bien deust telle chose desplaire
 Mais il conuient ses commans faire
 Pource il fault que ie lendure
 Aultrement ie nen eusse cure
 Certes elle ment la mauuaise
 Car il nest riens qui tant luy plaise
 Nature le veult et commande
 Charnalite la chair demande
 Quant le ieu sera mys a fin
 Ja naurez este sy affin
 Celle nest bien corbee a paincte
 Que tansons napez par la poincte
 Du temps par auant et despups
 Las que feray quant ie ne pups
 Ne bien ne mal au ieu iouer
 Foriurer me fault et bouer
 Dueille ou non Dueille le retraire
 Car le ieu ne me doit mais plaire
 Na verge plope et les deuy cuydes
 En bources sont plates et duydes
 Aux dames ne me pups desdrire
 Leur desdrupt ne me fait que nuyre
 Je suis fol et mal garny
 Au doy monstre et escharny
 Elles dient decy tel homme
 Qui na sy chetif iucq a romme
 Perrette mocist et estrangie
 Par sa riothe et par sa iangle
 Souuent emmy le vit me crache
 Des ieuly me desrompt a estache
 Et quant suis sur ceste perrette
 Gette apres moy vne pierrette
 Femme fait moult a ressoingner
 Car quant tu voudras besongner
 Quancques tu feras luy desplait

Elle trouuera adetz plait
 Et reprouchera ton affaire
 Que tu ne dois pas ainsy faire
 Se riens ne fais elle tempeste
 Et dit que tu ne quiers que feste
 Et que tu ne dois reposer
 Apres saura bien opposer
 De tes petis enfans la charge
 Las te dira elle car ie
 Priens de tout cest hostel la cure
 Lasse chestiue creature
 Et dieu pourquoy feuz ie oncq nee
 Certes ie suis mal assenee
 Non chetif mary riens ne fait
 Ainsy de parolle et de fait
 Te temptera en mainte gypse
 Et te monstrera ta maistrise
 Et en seant et en estant
 Sera en tous pointz contrestant
 Et qui femme pient a bataille
 Il ne peut faillir de bas taille
 Dont te dueil ie de cueur prier
 Que te tiennes de marier
 A femme a moustier na temple
 A ma perrette priens exemple
 Et te garde de tes perilz
 Affin que ne soyez periz
 Car en maison ou en cypsine
 Se mes enfans ou ma voisine
 Du mes barletz ou ma nourrice
 Font chose desplaisant ou nice
 Leur messait leur iniquite
 Reuient sur moy en verite
 Quelque escourbillon que le meue
 Na moullier occasion treuve
 De moy tancer et riotter
 Tels choses sont bien a noter
 Quon ne face dont on se dueille
 Combien que droit debouter dueille
 Force moyennant aultre force
 De reuangier point ne messforce



Tant doubte ma femme rebelle
 Que sa force point ne rappelle
 Je supply a dieu quil y quiere
 Les treues que plus ne me fiere
 Rien ne me vault ce contrestet
 Aux mauky quelle scet apprestet
 Contre moy froncist et rechigne
 Des cheueulx a rebours me pigne
 Enflée de grant felonnye
 Par cruaulte et tyrannye
 Plus amere que fueille dperre
 Et plus dure que fer ne pierre
 On ne le peut amolier
 Par eauue ne par feu ployer
Comment vng dyable sacoincta
 Dvng medecin puyx luy conta
 Quen enfer na sy grant raige
 Que les gens ont en mariage.



L En dit q il nest sy grāt charge
 Que du tourmēt de mariage
 En escript le peut on trouuer
 Et par cest exemple prouuer
 Quon ne doit pas tenir a fable
 Jadis vng myre et vng dyable
 En vng chemin sentrecontrerent

Et par serement fiancerent
 A tenir bonne compaignie
 Lung a lautre par amitie
 Par la flambe de conuoitise
 Qui les chetifz art et atise
 Le mire voult acompaigner
 Avec le dyable pour gaingner
 Entreulx firent vng conuenant
 Sy comme ie sups souuenant
 Que le mauuais entrer deuoit
 Dedans le corps que il greuoit
 Es personnes bonnes et saines
 Par les entrailles et par les vaines
 Et par tout les faisoit fumer
 Brandir tressailir escumer
 Par erreur de forcennerie
 Et par art de dyablerie
 Affin que ilz eussent argent
 Par auarice qui ard gent
 Et quant le mire ilec viendroic
 Le mauuais en paiz se tiendroic
 Et ystroic hors a sa requeste
 Quant entrez furent en leur queste
 Ainsy com leur chemin alloient
 Et de plusieurs choses parloient
 Le mire demanda au dyable
 Quel tourmēt est plus tourmēttable
 Et plus cruel a soustenir
 Le mauuais ne se peust tenir
 Quil ne luy deist de son affaire
 Certes dist il on ne peut faire
 Sy grief tourment a creature
 En enfer nen prison obscure
 Com de lien de mariage
 Cest rage passant toute rage
 Cest marture plus que martire
 Tousiours perseuerant empire
 Marie fuz pource le scay
 Car ien ay este a lessay
 En enfer desplaiſt moult forment
 Mais il ny a sy grant tourment

Com le tourment communal
 Sathan belzebuth belial
 Et la flambe qui tout habenna
 Les dampnez au feu de gehenne
 Ne sont point tant espouventable
 En lit ne hors lit ne a table
 Ne peust le marie durer
 Il a trop dur a endurer
 Je le scay par expercience
 Sy te iur par ma conscience
 Faymeroye mieulx en enfer
 Iyez en grans cheynes de fer
 Souffrir la plus crueuse flamme
 Que retourner avec ma femme
 Or aduint que ses deuy Bassaulx
 firent plusieurs mauuais assaulx
 Plusieurs personnes abennerent
 Et plusieurs aussy en sauluerent
 Et gaingnerent a Boulente
 Or et argent a grant plante
 En la fin le mauuais dyable
 Tricheur: fraudeur: et deceuable:
 Querant du myre la ruine
 Entra au corps dune royne
 Tantost a terre la dempta
 Et moult griesment la tourmenta
 Or l'oyst de moult loing crier
 Lors vint on le mire prier
 Qui se penast delle curer
 Car ce se pouoit procurer
 Bien solz seroit et bien paye
 Le mire ne cest esmaye
 Ains promist de la sante rendre
 Le roy dist qui le feroit pendre
 Sil en failloit a iour presy
 Et iura par le crucifix
 Quaultrement nen eschapperoit
 Le mire dist quil en feroit
 Tant que ia nen seroit repris
 Quant accorde eurent le pris
 Le mire ala au compaignon

Bas parla au mauuais garson
 Et dist is hors de ceste dame
 Sans la blecier ny corps ny ame
 Il respondit que non feroit
 Et quencor la tourmenteroit
 Non feras ce dist le mire
 Tu ne me doys pas escondire
 Que tu nysses hors maintenant
 Car tu le mas enconuenant
 Fay tost sy auray mon salaire
 Le mauuais sy nen boult riens faire
 Le mire fut moult esbahy
 Et veit bien quil estoit trashy
 Le mauuais dit saichez de voir
 Je vins cy pour toy decepuoir
 Cest mon office de mal faire
 Car ie sups a tout bien contraire
 Se ie puy tu seras pendu
 Quant le mire leut entendu
 Sy luy pesa moult durement
 Lors luy fist vng coniurement
 De par dieu mais pou luy valoist
 Car au dyable nen chailloit
 Lors se pensa le maistre mire
 Qui triste estoit et plain dire
 Comment se garderoit de mort
 En sa pensee se remort
 Que le mauuais dit luy auoit
 Comme par espieue sauroit
 Quel tourment estoit plus crueux
 Le mire comme vertueux
 Pensa du mauuais tavier
 Pour le honnir de marier
 Qui fist vne femme bien aournee
 Bien bestue et bien atournee
 Et fist tant quil eust mainte paire
 Dinstrumens pour grant noise faire
 Duses tabours bacins pelles
 Nataires trompes et vielles
 De iangleurs se veult garnir
 Pour son compaignon escharnier

Puyz vint a luy et dit is hors
 Trop a este dedans se corps
 Tu me cuydez faire mourir
 Mais iay qui me vient secourir
 Is hors et tu iras apperte
 Meschies te vient cest chose apperte
 Decy ta femme que tamayne
 Pour toy faire meschies et peyne
 Car dancier avec toy sassent
 Pour mon meschies en aurast cent
 Il fist les instrumens sonner
 A peyne oyt on tonner
 Lors le mauuais ala doubtant
 En hullant et en sanglotant
 Pria le mire a layde chiere
 Que sa femme menast arriere
 Treschier compains par ta noblesse
 Oste moy tost ceste dyablesse
 Ne la laisse pas a moy ioindre
 Tourment ne me pourroit plus poindre
 Certes de double mort mourroye
 Ne endurer ne le pourroye
 Je me mariay de malle heure
 Flamme denser qui tout deueure
 Dont iay aprins la pestilence
 Est plus souef par excellence
 A endurer et plus paisible
 Moins tourmentant et moins orrible
 Que nest l'hen de mariage
 Sil ny auoit fors ne seruage
 Ne scay ie comment on lendure
 Sy nay de mariage cure
 J'aym mieulx a tousiours moy offrir
 A tous tourmens denser souffrir
 Que mariage: il nest mort telle
 Trop est la bataille mortelle
 Pource te pry que tu te cesses
 Et hors dicy aller me laisses
 Il yssit hors et sen ala
 Droit en enfer car il ala
 Sy comme il disoit moins de payne

La royne ainsi demoura sayne
 Et le mauuais s'esuonouyt
 Dont le mire sen esiouyt
 Le que iay dit assez tesmoingne
 Que le dyable moult ressoingne
 Et mariage forment doute
 Sy ne scay pourquoy hom sy boute
 Ne comment marier se ose
 Car il nest sy terrible chose
 Plusieurs exemples en scauez
 Avec ceulx que dessus beez.



Tu qui femme espouseras
 Je te demande que tu feras
 Se tu la fais de lostel dame
 Quant elle sera sur lescame
 Ne te prisera vng festu
 Mais voudra que la serues tu
 Et se tu veulx faire le maistre
 Sans riote ne pourras estre
 Et dira quon ne la croit mpe
 Tancon aurast et escrempye
 Et se par tout va franchement
 Esbatre a sans empeschement
 Sa nature tousiours la tyre
 A luxure par aduoultire
 Son la contrainct de demourer
 Droit a lostel sen va plourer
 Et crier par sainte parolle
 En disant suys ie femme folle
 Quon ne me laisse aller esbatre
 Certes en vain se peut debatre
 Non mary de moy cy tenir
 Car mal en pourra aduenir
 Je feray sa pensee bayne
 Qui femme garde perd sa peyne
 Autant vault tenir la ruiere
 Haye: mur: porte: en suiuer:
 Car qui garde telle clousture
 Ne peut contrestre a nature
 Car tel chastel se laisse embler
 Quant a aultre peut assembler

Pour acomplir son appetit
 Ne tien pas ce fait a petit
 Or dy doncques que tu feras
 Quant tu en tel estat feras
 Car tout au mieulx qui te viendra
 Com moy plourer te conuendra
 Et se tu ten veulx prendre a vne
 Je lo: soit blanche bise ou brune
 Que d'une seulle ne te payes
 Mais que pour vne cent en ayes
 Som a femme seulle salpe
 De mille chaynes il se lye
 Qui de femmes a vng millier
 Lors le peut on bien epillier
 franchement vit tousiours est syens
 Par la franchise de ses biens
 Nature ne te crea mpe
 Pour faire seulle compaignie
 A vne femme seullement
 Mais tu feuz cree tellement
 Com ie diray sy tu mesoutes
 Toutes pour tous a tous pour toutes
 Salomon assez le nous preuue
 Des saintz peres aussy le treuue
 Quaulcuns plusieurs femmes esleuret
 Et que trop mieulx que nous valurent
 Et ouide nous admonnestre
 Et enhorter par sa requeste
 Que plusieurs amyces ayons
 Pour vne ne nous delayons
 Or voyz tu que cest grant oultraige
 De prendre femme a mariage
 Qu'en diras a quoy estudies
 Respouses pas ayes amyces
 Si tu es de fraille nature
 Doye y trouueras plus seure
 De n auoir cent que vne seulle
 Ne n tiens compte nest que de seulle
 Et se tu es fort ie te loue
 Ne te boutes pas en la boue
 A vne na plusieurs nabites
 Par moy te soyent interdites



Car avec ceulx gist la serpente
 Nul nen prent qui ne sen repente
 Sy men vueil vng pou reposer
 Car qui tout vouldroit exposer
 Les maulx du sepe femenin
 Sans nombre trouueroit venin
 Nature nous enseigne a monstre
 Que femme sy est droicte moustre
 Et quelle seuffre en son deffault
 A ce point de preuue ny fault
 Que pour moustre ne soyt moustree
 Len dit que femme est engendree
 Sans consentement de nature
 Le philozophe en le scripture
 Le tesmoingne assez clerement
 En son liure dit tellement
 Lors que nature senuahist
 A ouurer elle se sbahist
 Forment quant son erreur regarde
 Rougist quant elle y prent garde
 femme est hermoscodite moustre
 Et pour chiuiere se demoustre
 Par ses cornes et par sa quoe
 Plus grandes que paon ne poe
 Dont de moustre porte lenseigne
 Sy comme cest dictie lenseigne



E saulcun qui des femes dye
 Et generalement en mesdye
 Lon tient quoy q chescun face
 Aulcune despecialle grace
 Desseruant bien honneur a loz
 Cest contre droit se dire loz
 Il nest nulle sy grant metueille
 Leur sepe point ne sappareille
 A estre bonnes na bien faire
 Mais enclinez sont au contraire
 Et se perrette est laide a salle
 Jangleuse tancerresse et malle
 Plus que ie ne pourroye dire
 Ne mon dit ne pourroit souffire
 Toutesuoyes vit chastement
 Sans reprouche et honnestement

fois tant que la trups trop inique
Et en tancant dyabolique
Et a moy tourmenter isnelle
Les gens la nomment perrenelle
Mais ie puy iurer par saint pierre
Que elle est plus dure que pierre
Car goutte ne la peut cauer
Saue amolir ne fort hauer
Par ses tancons viz en fricture
Et me met a desconfiture

Liber tercius

BJen boy la bataille apprestee
Contre moy souuent arrestee
Daincu suis sy me fault gesir
Et de repos ay grant desir
Car souuent vient sur moy sans faille
Bataille apres aultre bataille
Tancons rihottes et menasses
Sans cesser cheent en mes nasses
Qui me tourmentent nuyt et iour
Nulle heure ne suis a seiour
Soyt en seant ou en estant
Jay tousiours des batailles tant
En tous poins contre perrenelle
Ders moy est diuerse et rebelle
Mal traictiez et mal demenez
Est homs et de fort heure nez
Qui avec moullier se marie
Car sa femme trop le tarie
Et perturbe en mainte gypse
Dont par tristesse le debrisse
Je croy quil nest sy grant contraire
Comme de mariaige faire
Sy nen puy pas tout explicquer
Car mon sens ny puis applicquer
La boye me fault et la science
Sy fort que par impacience
Suy desuopez et mal senez
Sa et la com mal ordonnez
Seuffre douleur cotidien
Empeschez de mauuais lyeu
Si nen puy mais sy men esmoy

Pour dieu vous pry esparnez moy
Ainsy que ie me complaignoye
Et de plaindie ne me faingnoye
Et comme dessus dit vous ay
En mon lit vng pou reposay
Et quant dormir print son peage
Vint vng homme de meur eaige
Qui sapparut en forme telle
Quoncques filz dhomme not sy belle
Douly en parolle et gracieux
En tout playfant et precieux
Dont la maison resplendissoit
De clarte qui de luy yssoit
Et disoyt mieulx quoncques mais hom
La paix soyt en ceste maison
A tousiours pardurablement
Et a toy filz semblablement
Filz ie taim bien sa iay enuie
De te monstret la boye de vie
A toy par ligiere doctrine
Se ta douleur encor ne fine
Ayes en toy bonne esperance
Et de ton saulement fiance
La boye des cieulx test ouuerte
Et escripte par ta desserte
Comment dieu en tresgrant clarte
Sest apparu et demonstre
A maistre mathieu en delit
Estant couche dedans son lit.

Dât ie by celle grant lumiere
Tout esbahy chey arriere
Au cheir point ne me greuay
Car assez tost me releuay
Et au premier estat remis
De parler me suis entremis
Qui es tu dy ton nom dy
Attempecment respondy
Je suy ton dieu et sy me poyse
Quant ioy de tes douleurs la noyse
Sil te plaist oy que ie diray
Entens a moy grant desir ay
De toy enseigner telle chose



Que ma porte ne soit close
 Apres ta mort et que ne soyes
 Desherite de mes grans ioyes
 Et que scheuer puisses les paynes
 Qui sont douteuses et greuaynes
 Adonc de parole pleniere
 L'arguay en ceste maniere
 Ha dieu que ie me doy bien plaindre
 A tant ainsy ne puyz remaindre
 Que mes plains ne te doyent dire
 Je suys plain de courroux et dire
 Raison mamonnestre et atise
 En la cure que iay emprise
 De parler ne me puyz tenir
 Tu scez quanques est aduenir
 Des le commencement du monde
 Du ciel de labisme parfonde
 Tu congnoys bien pour mieulx descrire
 Tout ce qui peut aidier ou nuyre
 Tu congnoys seul quelque fortune
 De toutes choses nest il vne
 Temps espace moment ne heure
 Que tu ne voyes par desseure
 Ne creas tu pas la moullier
 Qui fait plourer et veulx moullier
 Compaigne fut du premier homme
 Tantost la deceut par la pomme

Comme folle et mal informee
 Las de quelle heure fut formee
 Que trop fut dure et amere
 Com s'illa ingrater a son pere
 Tu ny comptes pas vne feue
 Adam creut follement eue
 Sy deuoit endurer les peynes
 Je suys sy mal meu qua peynes
 Que mon cueur est derteur sy souple
 Pourquoi luy donna telle couple
 Prenans les choses dessus futures
 Et les diuerses auentures
 Tu en doys faire penitence
 Car tu en as fait lordonnance
 Pourquoi as tu donne au monde
 La mort ou tout tourment habonde
 Par le premier mariage
 Tu scauoyes bien que la rage
 y cheoit et quelle mallice
 Tu congnoissoyes bien le vice
 Sil en estoit en mon vouloir
 Tu ten pourtoyes bien douloir
 Se ie tauoye a iusticier
 Des biens de lomme appeticier
 A ton plaisir et discutas
 Las pourquoy publier osas
 Que lomme laissast pere et mere
 Pour femme qui luy est amere
 En la fosse de mort se brute
 Sy ne peut vaincre la mort toute
 Le marie meurt de mort seure
 Par femme est sa cruel mesure
 Je croy que ta croix vertueuse
 Ne fut oncques sy trescreuse
 Haintz hommes par telz paraboles
 As seduiz et par tes paroles
 Et sy scauoyes le prouerbe
 Du serpent qui se muce en l'erbe
 Chier filz dit il ne ploure pas
 Ceste peyne nest qung trespas
 Que souffre ton corps miserable
 Ce nest pas peyne irreparable
 Peynes passeront et mourront

Les loyes des cieulx demourront
Lesquelles iay a toy promys
Et a tous mes loyaux amys

Matheolus.

Sire pourquoy ne ploureroye
Duis que ma mort repetiroye
De lazaron plouras la mort
Et ma grant misere me mort
A lamenter et a plourer
Sy ne pyps sans plours demouter
Et sy ne doys estre repis
Se plus quing aultre main et pris
Dultre sy aucun est meschant
Tu peuz releuer le cheant
Dont en vain voullis labourer
Pour faire le martir plourer
De ce la fuz tu fol & nyces
Encor desquist se tu voullisses
Et encoires eust au corps lame
Nest merueille se ie ten blasme
Mais iay de plourer iuste cause
Sans tourment ne suys nulle pause
Moit suys par le desloyal vice
Et estrangle par sa malice
Las pour moy tant me sens greue
Que nul qui soit de mere ne
Par souhait ne peut releuer
Non corps ne toy mesmes apdier
Qui pps est tu as establie
Trop merueilleuse dyablerie
Ne scay comment faire losas
Car tu le dys et imposas
Dups quoms se souffre marier
Qui ne doit iamais varier
Ne laissier ne guerpir sa femme
Pour souffrir iusquau partir lame
Combien quelle soyt felonnesse
Sy dite loz quel raison est ce
Tes commandemens nous empeschent
Et tes enseingnemens nous blecent
Tu qui tel erreur ordonnas
Pourquoy tel auantaige en as

Que tu ne voullis femme prendre
Ne toy en mariage rendre
Aussy quon nous mariez sommes
Que tant y portons de griefz sommes
Certes se tu marie seusses
Tel chose establie neusses
Mais tu eusses bien ordonne
Que tout homme de mere ne
Peust laissier son mariage
Sans souffrir des femmes loutrage
Et desioindre tout quicement
He dieu tu sces bien qui te ment
Jen diray pyps que iay en bouche
Ne scay sy folie me touche
Certes tu ne fustes sy hardys
Despouser femme mais tardys
Dncques marier ne tofas
Pourquoy car assez supposas
Se tu en prenoyes aucune
Tant seroit playne de rancune
De paradis te chasseroit
Par force hors ten bouteroit
Mais tu prenoyes le dommaige
Sy escheuas le mariage
Pource quen la fin ne plourasses
Et en epil ne demourasses
Car tu nauoyes pas fiance
En la douloureuse aliance
Nest merueille sy tu doubtas
Et au peril ne te boutas
Que te cuyda enchanter
Les cieulx tollir et supplanter
Et se ta fille te deceut
Ta femme mieulx faire le sceut
Eschaulde craint eave chauffee
Aussy doubtas tu la coiffee
He dieu quil fut prins & lye
Et pour femme crucifie
En croix de ton sang arousee
Se femme eusses espousee
Tu sces les maulx qui ten venissent
Et par les tourmens qui en yssent

Quelle voudroit estre maistresse
 Des cieulx et de ta forteresse
 Et que hors ten voudroit bouter
 Pour ce euz cause de doubter
 Car voulcisses ou ne voulcisses
 Conuenist que tu obeisses
 A ses commans dessus les cieulx
 Ja soit ce que tu soyes dieux
 Ny peusses tu pas contester
 Ne par deuant elle arrester
 Pour ses tancons et pour sa rage
 Pourquoy louas dont mariaige
 Quon doit tant hair et despire
 Qui nest rien en ce monde pire
 Se ne voulcisses femme prendre
 Du bien te gardas de mesprendre
 Pourquoy tel loy ne nous baillas
 Comme pour toy mesmes taillas
 Entre nous mariez disons
 Que cest signe de traysons
 Quant la loy que tu publias
 Et dont par tes ditz nous lyas
 Ne souffrir ie nen eusse cure
 Ce nest pas euure de droicure
 Pourquoy establis tu les choses
 Que toy mesmes faire tu noses
 Pour les mauulx pour toy aduenus
 Pour iniustes en es tenus
 Assez appert ce que imbice
 Se tu ouurasses de iustice
 Tes estatus bien amendasses
 Aux aultres ia nen commandasses
 Ce que a toy ne voulfis faire
 Quant le faitz musant & contraire
 Tu scez que droit ainsy disoyt
 Ne fay aux aultres riens qui soyt
 Que pour toy mesmes ne seyffes
 Ne donne que tu ne voulfisses
 Escheue chose dommaigable
 Et enseingne le prouffitable
 Tu nas pas de ce droit vse
 Sy nen est pas bien excuse

Vnde locus que on ne treuve
 A prendre femme par espreuve
 Sy com au beuf ou au cheual
 Quant on le vent vendre en ce val
 Car nostre droit assez tesmoingne
 Com plus a peril en besoingne
 Tant plus fault ouurer saigement
 Plus subtilement plus cautement
 Pour la decepcion oster
 Cest exemple en peust on noter
 Qui chat en sac achete et prent
 Nest merueille sil sen repent
 Aussi est il de femme auoir
 On ne se peut plus deceuoir
 Que du prandre sans regarder
 Assez mieulx feroit du tarder
 Car plusieurs en sont deceuz
 Que se ilz eussent bien beuz
 Jusques au fons les sainctuaires
 Ilz ne les aournassent quaires
 Qui vng cheual acheteroit
 A son aduis le prouueroit
 Et conuiendroit quil lessayast
 Aincors que denier en payast
 Et il ne plaisoyt apres le rendre
 Le pourroyt il ou tantost vendre
 Des femmes nest pas tellement
 Il nen parle pas seulement
 Des pouures mais dune contesse
 Et sans espargnier aucune: et se
 Gens mariez vendre peussent
 Lung laultre et licence en eussent
 Je te pourroye demander
 Qui voudroyt plustost marchander
 Du les femmes ou les mariz
 On le sauroit bien a paris
 Plus cler est que iour a midy
 La responce ma icy dy
 Qui pou achapte a grans sommes
 Vne femme auoit deuz cens hommes
 Du troyz cens en auoit la riche
 Ne seroit auere ne chiche

Tant prendroit de la mercerie
Pleyn seroit sa herbergerie
Les laiches au marche vendroit
Et les bons ouuriers retiendroit
Las ie scay bien comme quil aille
Quon ne deuroit pour vne maille
Quant ie ne puy en chascun moys
Labourer quune seule foy
Et pour declarer lobscure
Se dy que plus ont de durte
Les mariez que ceulx la de cloistre
Assez est legier a congnoistre
Car qui entre en religion
Vng an a de prouision
Nous nauons pas sy long respit
Dont il semble que par despit
Que nous voulsiffiez deceuoir
Qui vouloroit dire de ce voir
Cest droit signe de traison
Dncques ne fut plus trahy hom
Que tu les mariez trahys
Dont tu dops bien estre hays
Tu es cause de nostre perte
La raison en est bien apperte
Puy que le canon ne saccoide
Les moynes a ceulx de nostre orde
Lorde nest pas par tout gardee
Car en droit nous est retardee
Le philozophe veult prouuer
Quon doit par tout ordre trouuer
Dieu trop en tes vers nous meffaiç
Je ne me congnoy en tes faitz
Neñ la chose faicte ou a faire
Cest merueille de ton affaire
Excepte que nous conioings hommes
De pire condicion sommes
Entre tous les estatz du monde
Dy moy donc qui sur ce te fonde
Pourquoy metz tu ainsy les choses
Ne pourquoy ainsy les disposes
Sans ordre a ceulx deuant derriere
Du mouuement de ta matiere
Il ny a point cy de raison

Quant ceulx de la castal maison
Ont vng an pour eulx pourueoir
Que ne lauons nous pour voir
Se mariage deust plaire
Nulle raison ne peuz attraire
Aussy selon la loy humayne
Qui achapte vache mal sapne
Du beuf qui chiet en maladie
Mais que a son marchant le dye
Six moys a despace de rendre
Et le vendeur le doit reprendre
Doncques doy bien six moys auoir
Lil qui prent femme pour sauoir
Sil la veult laisser ou tenir
Car en ce peut il aduenir
Plus grant peril sans comparer
Que beuf ou cheual comparer
Pource ne se doit nul conioindre
Sil ne sct ql peut oindre ou poindre
Nous prenons les beufz et les ours
Et les bugles et les auctours
Et trop bien les appriuoisons
Tout ainsy que nous les voulons
Mais nous ne pouons dompter femmes
Qui portent flamesches et flammes
Et sont dragons et serpentelles
Par engins et par leurs cautelles
Et se pour mes ditz abbaisier
Respons que ie puy bien laisser
femme par raison dauoultire
Ce nest pas la fin ou ie tire
Car ie ne suy point releue
De ce dont ie me sens greue
Et aultres pointz enoimeement
Ceulx qui y pensent tresfontent
Tant blasment et ilz ont droicture
femme tanceresse est plus dure
Que telle qui fait aduoultire
Vng noble acteur le sct bien dire
Que pps vault femme felonnesse
Que le tygre ne syponnesse
Et est plus malle et plus inique
Dont se la femme qui fomique

Est pour son meffait regettee
 Plus fort raison est exhibee
 A delassier la tanceresse
 Trop nuyt sa langue iangleresse
 Sy com dessus est recite
 Toutesuoyes en verite
 folle femme fait trop de crimes
 Qui tous les pourroit mettre en rymes
 Par aduoultire est corrompue
 La femme est de droit rompue
 De promesse de mariage
 Encor ya plus grant dommage
 Car il sen ensuyt omicide
 La femme occist lomme et incide
 Par aduoultire et par luxure
 Sy com tesmoigne lescripture
 Larrecin y a trop appert
 Le mieulx gardant souuent y pert
 Par le larrecin de sa femme
 Ainsy met crime sur sa fame
 Quant de son gre veult estre emblee
 Et par desloyal assemblee
 Emble a recoyt daultroy semence
 fruct dont faulce lignee commence
 De couplee illicite procede
 Et encontre raison succede
 Daultre part y a laide vsure
 Dups que plusieurs hommes procure
 Et quiert ie dy que ceste queste
 Est vsure a deshonneur
 Car a vng seul se doit tenir
 Et en chastete contenir
 Droit pour sacrileige repoute
 femme qui ainsy se fait pute
 Sa foy est polue et estaincte
 En soustrayant la chose sainte
 Et le sacre communal
 Contre le dit imperial
 Son sacrement fraint et viole
 Apres est traitreuse et folle
 Traitreusement son espoux baise
 Non pas pour ce qua elle plaise

Mais se plonge com la coleure
 Qui en herbe se muce et queuure
 Pour prendre lomme en traïson
 Il ya trop de mesprison
 En femme qui fait aduoultire
 Car corps et ame luy empire
 Aduoultire est le capital crime
 Sy com la loy le nous exprime
 Et sy com ie lay entendu
 Le transfiger est deffendu
 Sur tel cryme et sur tel peche
 Dont corps de femme est entache
 Qui saint mariage polu
 Mais ma fin est que ie conclu
 Quoy quon dye des femmes haudes
 Playnes de baratz et de fraudes
 Et qui forment font a blasmer
 Que lon ne trouue plus damer
 En femme peruerse et inique
 Quen telle qui du corps fonique
 Se lomme est deceu et pris
 De la moitie de iuste pris
 Il requiert le commun sayde
 Affin que le droit le ayde
 Dropt veult oster la deceuance
 Et na cure daultroy greuance
 Et se tu ce dropt ne veulx faire
 A toy mesmes es tu contraire
 Combien que soyes roy paisibles
 Tes commans sy ne sont loïsibles
 Par toy sont sans paiz et en guerre
 Plusieurs mariages sur terre
 Et ce vient par decepcion
 Or met aultre solucion
 Se tu dys que lomme est reus
 Pose quil soit bien deceuz
 Non est non certes quoy quon dye
 Ceste conuencion nest mpe
 De la mesme condicion
 Comme est de vendicion
 Dachapt demprunt ou de louage
 De ceste loy ne de lusage

Ne peuent Vser les mariez
 Vers celles ou ilz sont lyez
 Joinctes sont par plus forte cheuille
 Pareille nest pas celle bille
 Dultre ie requier que sy comme
 On lye la femme avec lomme
 Pourquoy tant se diuersifie
 Quen son mary point ne se fie
 Se tu dys par raison commune
 Que la chair deulx deuy soit toute Vne
 Par bien de delectacion
 Sy com nous dit l'ascencion
 Tu nous decoys appertement
 Et quil ce te dit il te ment
 Car les choses qui tant varient
 Ensemble tant ne sapparient
 Quon les puyt tout Vng reputer
 Sy puyt bien ces ditz confuster
 Deuy contraires sy com me semble
 Ne saccordent pas bien ensemble
 Tu ne my scez dire responce
 Di ten Va doncques a tesconse
 Je te pry quamoy nen estruies
 Et que tel plait point ne pourfuyues
 Dieulx vault delaisser sa folie
 Et passer sa melencolie
 Que soustenir chose dampnable
 Ne mouuoir fait mal conuenable



Et dieu ie doy bien dire helas
 Quāt p le conseil des prelas
 On peut delaisser a demettre
 Changier ou hors de sa main
 Prebendes cures et eglises (mettre)
 Et puyt quainsy sont hors mises
 Les femmes spirituelles
 Pourquoy ne peut on les charnelles
 Ainsy laisser ou resigner
 Raison puyt pour moy assigner
 Dieulx que la char vault lesperit
 Car on layme mieulx et cherir
 Et est pardurable sans terme
 Aussy est la coulpe plus ferme

Du lien spirituel

Que celle du lyeñ charnel
 Sy com droit canon le tesmoingne
 Dont maintz se doubtent a la besoyn
 Est se laisse parroisse et cure (gne
 Puyt mieulx laisser ma femme dure
 Dy pourquoy non dy supplanteur
 Certes tu es Vng enchanteur
 Dieu pourquoy le te celleroye
 Pourquoy a toy nen parleroye
 Par toy est ma mort engendree
 Tu iouye de boue encendree
 Auy mariez la pouldre change
 Mais la clergie ne fais estrange
 De tes biens par ta tricherie
 Leur feste et amee a cherie
 Las Vng clerc qui tiens ne saura
 Cinq prebendes ou six aura
 Du ia ne fera residence
 Dont luy vient ceste prouidence
 Les boideaux suyt a ens se toute
 Et mettra sa pensee toute
 En desouyt de chiens et doiseaulx
 Ressembler veult auy damoiseaulx
 Ainsy est leglise seruye
 Car par tout le cours de sa Vie
 Ne chantera pour toy deuy notes
 Je ne scay pourquoy tu ne notes
 Quaux aultres fais exercion
 Car dune seulle porcion
 Que tu donnes a Vng tel maistre
 Pourroit on nourrir a repaistre
 Cent pures qui ont indigence
 Et le clerc est en negligence
 Riens ne donne au peuple menu
 Combien quil soit a ce tenu
 Crucifix regarde et aduise
 A quelz gens et en quelle guise
 Tes biens tu donnes et espars
 Blasme en es de toutes pars
 Pour la clergie tous les biens gardes
 Et nous mariez ne regardes

Nous viuons en plours et en paine
 Nostre vie est de douleur plaine
 Et la clergie vit a grant ioye
 Sur nous prent sans labour sa proye
 Nous mariez chetifement
 Viuons en tous pins tristement
 Et la clergie vit sans tristesse
 En tous temps est plain de l'esse
 Jay grant merueille du clergie
 Enquel estat las herbergie
 On se bahist qui ta esmeu
 Se vng poure clerc est pourueu
 Tant qui viengne a estat de pape
 Digueilleux sera soubz sa chappe
 Et sy espis de vaine gloire
 Qu'il naura record ne memoire
 Dont il viendra ne de sa vie
 Na si paruers iusqua pauie
 Et sera plain dambicion
 Et de pire condicion
 Que le riche homme ne seroit
 Vng riche a moins se passeroit
 Pourquoy deuiet poure orgueilleux
 Ne despiteux ne merueilleux
 Ne scay dont orgueil le surmonte
 Si tost com en hault degre monte
 Et la fortune multiplie
 Si le poure homme luy supplie
 Il luy fera l'oreille sourde
 Tu scez bien que ce nest pas bourde
 Escouter ne le daignera
 Le dos contre luy tournera
 Du temps passe ne luy souuiet
 Grant reuerence luy conuiet
 Ny vault rien feal acointance
 Paix ne amour ne congnoissance
 Il semble estre tout desirce
 Qu'il soit tout de nouuel cree
 Dieu pourquoy la clergie fortunes
 De tes biens que pour eulx a vnes
 Qu'ilz despendent si follement

De nous nont cure nullement
 Ilz maynent vie deshonneste
 Le pie nous tiennent sur la teste
 Pour eulx nous laisses lapider
 Et estrangler et embider
 En labour vsont nostre vie
 Pour nous et pour nostre maisgnie
 Chascun marie y laboure
 Sy ne nous secours en nulle heure
 Et pource appert notoirement
 Que plus grant loyer voyement
 A la clergie de vie oyseuse
 Que nous de peyne besongneuse
 Tu ne prises pas vng labour
 Les peynes de nostre labour
 Tu obbeys a leurs demandes
 De bons vins de bonnes viandes
 Vsent et vestent les bons draps
 Et cheuauchent les cheuaulx gras
 Par les boideaux bouentiers entent
 Au moustier ne lisent ne chantent
 Certes qui au clergie droit
 Ses oeures il en rougiroit
 Plus que sauatier ne s'yeur
 Il boyt du peuple la sueur
 Griefment se meffait et mespient
 Quant leur labeur mengue a prient
 La viande deuiet puant
 Qu'ilz prennent sur la gent suant
 Ilz sont trop pires que les vers
 Qui bien entendroit les vers
 Les vers menguent la charongne
 Mais la clergie nous ronge a rongne
 La clergie nous mengue tous vifz
 Char et sang tant est alonniz
 Et cil sy quil nous y sequeure
 Char et sang destruit et deueure
 Encontre les droiz de nature
 De riens qui face ne pren cure
 Las dy ie que la clergie seroyt
 Quant nostre labour cesseroit

Viure ne pourroit de roussee
Que feroit la gorge arousee
De viandes plus delictables
Dequoy on peut seruir aux tables
Comment se pourroit contenir
Chault ne froit ne peut soustenir
Nil ne se pourroit traueillier
A labourer ne a veillier
Le peuple tout fait et tout liure
Et sy ne peut durer ne viure
Quil ne soit tousiours tempestez
Et par la clergie molestez
La clergie ne quiert occasion
fors que dauoir dauoirs forson
On seult iadis du clergie dire
Que richesses vouloit despire
Et du corps les oysues baines
Et souffroit grans trauals et paines
Pour acquerir vraye science
Di est de large conscience
Qui plus de deniers acumule
En plus hault degre intitule
Nieuyls ayment les cōins et lyeures
Quilz ne font saint marc et ses lyures
Et vne piece de saulmon
Que la science salomon
Et pour vng cheual son luy donne
fera tort a mainte personne
Ne pour cheual ne pour iument
Ne doit faire faulx iugement
La clergie ne pūse vne escorce
Les armes hector et la force
De san son ailleurs estudiant
Toute science repudient
fors celle de philopecune
La gist leur pensee commune
Sens ne force nest que biayne
Peccune est du monde royne
Elle donne lignaiges et forme
Elle deffait elle defforme
En rauist son pouoir donne

Empire royaulme et couronne
Certes tu nes pas demp dieux
Car tout le dieu vault assez mieux
Il est roy et souuerain sire
Il toult et oste ton empire
Qui es tu dy qui te rassotte
Dors tu ou tu es ydiotte
Qui a ce souffrir te conseille
Jay de ta clergie grant merueille
Com cheualier est atourne
En quel ordie est il tourne
Et sy est cleric par tes prebendes
Et iacoyt ce que ne les vendes
Il est loy pour les marchandises
Car il achapte et vent eglises
Desmerueille et quil ne parfond
Quant ie y pense bien parfond
Com cheualier armes ne porte
Mais de tout traueil se deporte
Comme lay ne veult labourer
Ny ne veult chanter ny orer
Ne prescher ne sermonner
Ne du syen aux poures donner
Dy donc du clergie que sera
Comment il luy resistera
En quel estat et en quel ordie
Sy com saint bernard le recorde
Leur orgueil qui dedans souffle
Et volle plus hault que escouffle
Les tresbuchera sans salus
Dedans les iufernauly palus
Illec nest point orde tenu
Pour le grant ne pour le menu
Tous yront par illusion
Par tresdure confusion

Tu nous as faiz et rachaptez
Et des peynes denfer gettez
Et les trespases et presens
Tu nas cure d faulx presens
Tu nes pas des maulx recepteur
Ne des personnes accepteur

Doncques appert que nous subornes
 Se pour clergie le dos nous tournes
 Tu ne nous dois arriere mettre
 Car sy comme tesmoingne la lettre
 Simple est et indiuisibles
 En tamour quont les gens paisibles
 Doit auoit parfaicte vniou
 Sans part et sans diuision
 Car en toy na ne plus ne moins
 He dieu qui en ta gloire mains
 Certes tamour nest pas prouuable
 Doncques est chose veritable
 Que tu nous dois esgaulment
 Aymet par amour loyaulment
 Tu nous dois plus aimer que nous
 Les prelatz quon sert a genoulz
 Et se tamour au vray congnoistre
 Pouoit amender et accoystre
 Sy com des saiz des hommes boys
 Sy dy ie que cy toutesuoyes
 Tu procedes iniquement
 Tu es iuste et iustement
 Tu doys tous les iustes aymer
 Et les garder sans entamer
 Pourquoy aymer tu seulement
 Les prelatz tu sces quellement
 Sont iniustes et dissolus
 Par eulz nautas vng bon salus
 Tu leur donnes trop grant maistrise
 En grans perilz en est teglise
 Las tes status nous decouuent
 Les prelatz gouuerner nous dopuent
 Et garder en crudelite
 Et enseigner la verite
 Par seremens et sans contraires
 Mais ilz nous sont du tout contraires
 A nul besoing ne nous sequeurent
 Mais nous a le nostre deuourent
 Contrefont saint pierre l'apostre
 Et nous preschent la patenostre
 Aulcunesfops en leur parolle

Mais leur vie manluaise et folle
 Nous monstrent exemple de dyable
 Le fait en est assez creable
 Cil est bien sourd qui goutte noyt
 Se le peuple se gouuernoit
 Gourpte l'exemple des prelatz
 Tantost cherroit dedans le las
 Qui se bailleroit en leur garde
 Tu es fol qui droit y regarde
 Le fol nuyt sy com y me semble
 Le chat et le flaon ensemble
 Affin que plus seur demourast
 Que le souriz ne le mengeast
 Quant le chat le flaon tasta
 Il le mengea tout et gasta
 Sans nettoyer et sans parer
 Le chat peut on bien comparer
 A ces prelatz desordnez
 Que tu as sur nous ordonnez
 Pour nous garder et enseigner
 Tu ne nous peuz plus meshaigner
 Car ilz rauissent tout et prennent
 A riens fors qua pillier nentendent
 Tu nous diz que tu es bon paistre
 Cest honte au pasteur et au maistre
 Quant tu seuffres ta bergerie
 Deuourer par tel louuerie
 Nous sommes tes biebis a bestes
 Sy nous doiz garder de molestes
 Et daultres choses dommageables
 Les prelatz sont loups rauissables
 Que tu as pasteurs esleuz
 Sur nous sy sommes deceuz
 Car ilz gastent tout et destruisent
 Et tous nous plument et nous nuyent
 Et sont plus de maulx et de troubles
 Combien quilz ayent cornes doubles
 De quoy le chief moyses queuures
 Telz prelatz mostrent par leurs oeures
 Nature de beste sauluaige
 Puy quainsy sont a tous donnaige
 h i

Par eulx quont cornes esleues
 Sont tes biebiettes greues
 Plusieurs en ont fait estrangler
 Quant ilz les peuuent aueugler
 Mais par saint pierre de beauuais
 Je ne parle que des mauuais
 Qui plus tollent et plus rauissent
 Que les loups qui des boys hors yssent
 Car des bons ne doit nul mesdire
 Ne par enuie ne par ire.

Comment maistre mathieu se plain
 Deuant dieu et dist tout aplain
 Qui souloit estre dieu parfait
 Et maintenant ne scet quil fait



Di tes faitz considere a certes
 Tu nous epilles et desertes
 Tu fais de ce deuât derniere
 Contre lordōnance premiere
 Sans garder ordie de droiciture
 Lieu ny a raison ne nature
 Quant femme seigneurist sur homme
 Et elle se deust seruir comme
 Son chief a faire obeissance
 Lomme est le chief a la puissance
 Sur la femme luy appartient

Tascencion celle part tient
 Doncques a droit iugier et dire
 femme ne se doit escondire
 Queuers son homme nobeisse
 Car tenue y est chescune ysse
 Ne nul pouoir de soy ne treuue
 Sy com le scripture nous pieuue
 A lomme en est la poeste
 Mais elle ya bien pou este
 Dont conuient quelle obeisse
 Du dauec luy sen voise et ysse
 Tu formas la premiere mere
 Du coste dadam nostre pere
 Affin de luy faire succide
 Bon plaisir seruire et ayde
 Dont est la femme humilpee
 Et a lomme seruir lpee
 Dy donc pourquoy elle domine
 Sur lomme le destruiet a mine
 Pourquoy souffrez tu tel contraire
 Aultre raison y puyz bien traire
 Les decretz nous dient en somme
 Que la femme est subiecte a lomme
 Mais qui au cler les proueroit
 Tout le contraire trouueroit
 Car sur lomme a la seigneurie
 Quoy quelle face pleure ou rie
 Il nose les ioues mouuoir
 Souffrir le fault pour escouuoir
 Sy com iay dessus recite
 Dont iay merueille en berite
 Comme femme qui doit le chief
 Auoir couuert de queuure chief
 Du daultre simple couuerture
 Et qui par les droys de nature
 Quant elle voit lomme venir
 Detraingneuse se doit tenir
 En signe que bien luy souuient
 Deue que seruir la conuient
 Se meut a qui la peut tempter
 Ne comment elle ose attempter

Que elle qui doit estre serue
 Ne se presumer qu'on la serue
 Et sefforce de seignourir
 Sur l'omme et veult encourir
 Hadis souloyt estre aultrement
 Car la femme au commencement
 Estoyt par simplese boylee
 Descouuerte ou escheuellee
 Et maintenant la corne porte
 Par grant fierte qui luy enhoite
 Ne l'omme ne prise vng festu
 He dieu pourquoy le seuffres tu
 Pourquoy ainsy les femmes haulces
 Pourquoy leurs mauuuaistiez exaulces
 Endomy es ou tu rassotes
 Pups que les droiz aux hommes otes


En genesis dit l'escripture
 Que quant l'omme a descōfiture
 Par cōseil de femme pecha
 Dont sa franchise se despecha
 Tu deis que femme seroyt
 Subiecte a l'omme & que seroyt
 A tousiours son commandement
 Deslors perpetuellement
 Le mys tu a subiection
 Or a la domination
 Sy te rentz sur ce mensongier
 Femme fait trop a ressoingner
 L'omme la croyst et lobeist
 Qui la verite en deist
 Il semble que tu noses mye
 Contrester a telle ennemye
 Ne contredite a ses reprouches
 Du il semble que tu l'aprouches
 L'omme folz et ses fais regardes
 Et en sa folie la gardes
 Sy dy que qui a droyt y pense
 En tes euures a grant offense
 Et te condempnent a merueilles
 Tu fais les choses despareilles
 Et quanque tu fais a reprouche

Dire me conuient car il me touche
 Je deis oultre que tu deis
 Et en tes parolles meis
 Que nul horn tant soit saige maistre
 Ne peut de tous disciples estre
 Se femme & biens tous ne laisse
 Et renonce a quanquil possesse
 Doncques quil veult ta part tenir
 Et ton disciple deuenir
 Conuient que il laisse sa femme
 Selon tes ditz pour sauluer same
 Sy boy que femme retenir
 Ne peut fors que mal aduenir
 Et les laisser est seurte
 Sauluement est bien aheurte
 Cest le prouffit euidamment
 Aussi disons nous vulgaulment
 Du dyable achapter ou prendre
 On le doit laisser ou reuendre
 Femme est sathan assez le preuue
 Que les ditz de socrates treuue
 Quant de sa femme nous racompte
 Qui luy faisoit ennuy et honte
 Il congneut ses faitz detestables
 Sy dit que femmes sy sont dyables
 Cathan qui en scauoit la geste
 Dit que quant femme fait moleste
 On ne la doit pas retenir
 La sentence fait a tenir
 Cathan qui iugeroit saigement
 Ne eust pas fait tel iugement
 Sil nen sceut bien loccasion
 Dont ay ie assez probacion
 Pups que chescune est rioteuse
 Et sy com iay dit molesteuse
 Dont la doit on plus regiber
 Plus fort raison deulx exhiber
 Qui se marie il est deceuz
 De la sainte cene des cieulx
 Et ny peut aller bonnement
 Se sainte escripture ne ment


He dieu com ie sups forcenne
Se tu as ainsy ordonne
Mariage com ie remort
Tu es cause de nostre mort
Hors sommes en corps et en ames
Les corps sont tourmentez par femmes
Lame nen peut a toy aller
Pour monter ne pour aualler
Comment mort est elle bannye
De toy et de ta compaignie
Car qui est marie par prestre
Il ne peut ton disciple estre
Nil ne sera ia hostellez
Avec ceulx qui sont appellez
A la cene de paradis
Tu brassas nostre mort iadis
Dont ie me complains a toy dieux
Du tu dors ou tu es trop vieulx
Tu ne fais pas droit esgaulment
Aux conioings especiaulment
Cest par viellesse ou par enfance
Que tu establis lordonnance
De cestuy mariage lay
Certes trop sups en grant esmay
De toy crist quainsy te messais
Je ne me congnoys en tes fais
Par tes droiz par ton tesmoingnage
Tu metz troyz biens en mariage
Tu y metz foy par serement
La seconde est sacrement
Et le tiers est engendreur
Mais il ny a chose seure
Ne plaisant a homme qui viue
Car il ny a ne fons ne riue
Et quant ie plus y considere
Plus y voy meschief et misere
Primo saulue ta reuerence
Il ny a foy ne conscience
En mariez soit il soit elle
Tant le masle com la femelle
Car lung tend a lautre destruire

Exemple en ay pour moy instruire
Comment on doit femme doubter
Et quon ny doit foy adiouster
Ny a sy simple de visage
Qui par coustume ne par vsage
De son mary la mort ne dueille
Et machine dont il se dueille
Et pource ne les doit on croire
De iob ay trop bien la memoire
Quant sa pestillence souffroit
Et en souffrant a toy se offroit
Que sa femme par felonnye
Par contraire et par tyrannye
Luy disoyt quil te beneist
Affin que bñef sa mort veist
Fol est qui en femme se fye
Berfabee nous signifie
Leur estat pour son aduoultire
Dont hye receut grant martire
Dist dauid au liure des roys
Sont bien notez ses grans destroyz
Dire peut on malle chanson
De dalida femme sanson
Bien esprouua la tricherie
La fraude et la baraterie
Des femmes qui ne craignent honte
Sune truande espouse vng conte
De sa mort pronostiquera
En pensant qung mary fera
Après luy pour nopces nouvelles
On voit que trestoutes sont telles
A grant mauuaistie entendit
Celle qui son mary pendit
Et sy mourut il pour samour
En faisant pour elle clamour
On lit en vng liure ancien
Dypocras le phisicien
Qui la chair de truye mengea
Sa femme griesment sen vengea
Par sa coulpe le fist mourir
Dncques ne sen peut secourir

Une qui son mary lauoit
 Et qui en grant hayne lauoit
 Sauisa de trop grant meschief
 En lauant luy couppa le chief
 Ne scay comment sen enhardy
 De ce meffait tant enhardy
 Une aultre de dompere nee
 Comme desloyal deffrene
 fist murdrir son mary par nuyt
 Pource que mauuaise chair nuyt
 Elle fut par iugement arse
 Et pour son crime au vent esparse
 Plusieurs en a en ce pays
 Par qui leurs mariz sont trahys
 Plus nen diray en ceste page
 Mais son trouuoit en mariage
 Aulcun bien foy ou loyaulte
 Il vient par especiaulte
 Des hommes qui en raige pinct
 Car es femmes nen ya point


 Diconques a fait mariage
 Pour auoir enfans & lignage
 certes il fist ie nen doute mie
 Grant preiudice a la lignie
 Car trop plus peust multiplier
 Sans nul lyeu que par lyeu
 Sans mariage continue
 Sespece toute beste nue
 Toute plante en herbe engendie
 Sans mariage son droit gendie
 Sy nen puyt mais se ie varie
 Quant nostre espece se marie
 Desmement que les saiges dient
 Que les choses plus expedient
 Quant sont faictes par boye briefue
 Et la meilleur boye me griesue
 Dont il te vouldist agreer
 Tu peusses bien chescun creer
 Sans mariage et sans promesse
 Ny conuenist lyeu ne messe
 Dy doncques pourquoy ne le fais

Et pourquoy establi tes fais
 Le mariage pour lignee
 Raison nest pas a droit lignee
 Car mariage fait plourer
 Gemir pener et labourer
 Nul nen scay de sens sy pare
 Qui respondist a cest quare
 Tu ne nas pas cree nature
 Pour vne seule creature
 Nennil elle est a tous commune
 Chascun la fait a sa chascune
 Toustours se veult esuertuer
 Donne & femme continuer
 Sy men vueil a toy desgorgier
 Je te dy contre droit forgier
 Le mariage tessorcas
 Et que contre droit grant force as
 Et encontre le droit des peres
 Car combien quilz seuffrent misereres
 Et payne pour leur nourriture
 Le filz vouldroit de sa nature
 Que son pere tantost moust
 Affin que la richesse eust
 Comment cam son pere mocqua
 Pourquoy son honneur reuocqua
 Car cil qui au pere dessert
 Cest bien raison que il soit sert


 Am filz de noel regarda
 Son pere qui mal se garda
 Ses pastroilles bit descouuer
 Entre ses deux iambes (tes
 De couuerture mal garny Couuertes
 Sy le mocqua et escharny
 Que diroye on list playnement
 En le scripture qui ne ment
 Les enfans que iay nourris
 Desirent que soye pourris
 Je les nourris ilz me desperent
 Ne ma vie oncques naymerent
 Le filz na repos ne seiour
 Que tard ne luy est de veoir le iour



Le temps et les ans de son pere
 Desirant que sa mort appere
 Et sont plus conuoiteux que cinges
 A payne donnent ilz nulz linges
 Pour leurs peres enseuelir
 Sy ne doit pas trop embellir
 Au pere qui tant estudye
 Que pour ses enfans destruye
 Tant plus a conquerir sa mort
 Et tant plus desire sa mort
 Pour auoir les biens quil amasse
 Dont mainte femme est apres grasse
 Sil est poure on le redoubte
 Adonc voudroit lenfant sans doubte
 Que son pere geust en la bierre
 Pource qua viure ne luy quiere
 Sil est vieulx lors desplaist sa vie
 Et dit on ne mourra il mye
 Cest grant honte quant il vit tant
 Ainsy le va len despitant

Comment soubz salomon le roy
 Deux enfans en tresgrief destroy
 Leur pere de terre gette
 A beaup arcz le vont sagette.



Adis soubz salomon le roy
 Deux iouuenceaulx p grant
 firèt leur pere deffouyr (destroy
 Tout mort sy est dur a ouyr
 Encontre vng arbre le diefferent
 Et de sagettes le percerent
 Tout droit au cueur experir
 Qui pourroit au plus pres ferir
 Du syen oseroit trop plus prendre
 Et en faulx vsages despendre
 Que pour mauuais maistre conqueste
 Le pere quant pour eulx conqueste
 Pareffeux les fait deuenir
 Car enuys peuent a bien venir
 Oncques emery de narbonne
 Ne vout a ses filz donner bonne
 De ses biens patrimonialux
 Dont les enfans narbonialux
 Allerent ailleurs conquerer
 Et a eulx bien faire apprester
 Se tu es dieu le tout puiffans
 Sy comme a moy es congnoiffans
 Jay cause de toy opposer
 Pourquoi laissez tu supposer
 Les choses contre verite

Aux vsaiges de la cite
 Que le peuple fait par simplese
 Respons moy quel iugement est ce
 Goutte ny boys dont nest tu saige
 Quant tu laissez droit par vsaige
 Lusaigne aux laiz met ceste clause
 Que sans congnoissance de cause
 Ne doit nul faire iugement
 Le droit fault quant le iuge ment
 vsaige tout par tout a nom
 Loy escripte ne droit canon
 Ny vault riens las cest grant dommaige
 Tout est modere par vsaige
 Que vault la loy de l'empereur
 Puy que lusaigne est modereur
 Avec vsaige y a coustume
 Qui contre droit souuent presume
 On le voit es successions
 Assez y a d'abusions
 En especial de noblesse
 Cest vsaige vient de simplese
 Et diuersement se varie
 La benoiste vierge marie
 Quant ioseph prist en mariage
 Ne lesposa pas par vsage
 Quelle en deust enfans auoir
 Sy pouons veoir et scauoir
 Qu'aultres sen marient assez
 Qui sont vieully frailles et cassez
 Et se mettent en compaignie
 Sans esperance de lignie
 Lignee donc nest pas la cause
 Dont mariage sy se cause
 Car souuent sen fait alliance
 Sans auoir denfans esperance



fin quaucun ne me repreigne
 que ptre la loy ne mespreigne
 Je ne vueil friuolles trouuer
 Ne ie ne vueil pas reprouuer
 Le sacrement de mariage
 Mais ie quiers en mon courage

Pourquoy ie fais cest sacrement
 Tel et poingnant sy asprement
 Par grieffe et par violence
 De luy vient toute pestilence
 Tançons batailles et riottes
 Et oultre a chescune mary ostes
 La ioye du soupper royal
 De la cene celestial
 Les mariez ny sont abilles
 Sy com dient les euangilles
 Vng qui fut appelle iadis
 A la cene de paradis
 Respondit ie ny puy benir
 Car femme me fait retenir
 Mariage ma fait soupper
 Sy ne puy aller au soupper
 Sy sensuyt puy quil a failly
 Que les aultres sont mal bailly
 Pourquoy la aller ne pourront
 Sans gouter la cene mourront
 Grant douleur doit auoir pla
 Pour celluy qui estably la
 Doncques est ma raison prouuable
 Que le mariage est dampnable
 Puy que euuanguille ainsy lafferme
 Vne aultre raison y ferme
 Qui appert assez manifeste
 Pose que pierre face feste
 De sacre qui par amour ayne
 Et par mariage la clame
 La chose mue et pourquoy est ce
 Car sacre deuient felonnesse
 Vers pierre par ditz et par faitz
 Nul ne sera ia sy par faitz
 Qu'apres trops iours par sa priere
 Ne vouldist qui geust en la bierre
 Et se point ne se marioit
 Et il se iouoyt et rioyt
 Sans le mariage par faire
 Elle luy seroit de binaire
 Doncques dy ie que mariage

Est dampnable par son ouurage
Du lit marital vient le vice
Qui nous esprouue le malice
Et nest pas nature sy velle
Que seulement creast seville
Pour Berry ne Berry pour elle
Ne moy aussy pour perrenelle
Quant les gens ensemble patient
Chescun pour chescune appartient
Mais mariage est au contraire
Se il veult a la seule traire
Dont nature est forment contraincte
Et souuent troublee et estraincte
Retourner veult a sa franchise
Et quant ny peut estre remise
Lors sont riottes et discordes
Reprouches et tancons records
Dont tant que mariage dure
Litigieux est par nature
Il nest chose tant destruisant
Tant mauuaise ne sy nuyfant
Pourquoy donc le fais tu ainsy
Certes tu ne pechas sy
Les choses aduenir scauoyes
Et tout deuant tes yeulx deoyes
Le prouffit aussy le dommaige
De toutes choses et en tout eage
Tu sees bien que la chose causee
Respond et est appropriee
A la cause et tu es cause
Di respons donc a ceste clause
Puis quon te dit de paix acteur
Et de tranquillite facteur
Pourquoy feiz tu acommandier
Les mariages pour tancier
Paix vient de toy a toy veult traire
Et mariage est au contraire
Mariage est plain descremye
Doncques ne le feiz tu mye
Le plus des gens dient et tiennent
Que mariages denfer viennent

Pource quilz sont demonieux
Rioteux et litigieux
Se tu es bon parfaictement
A arguer directement
Toutes choses sont de toy bonnes
Ne de toy riens mauuais ne donnees
Doncques puyz ie assez prouuer
Quon ne pourroit en toy trouuer
Que sy fainctement te prouuasses
Que les mariages trouuasses
Ne avec lespoux lespousee
y fut oncques par toy posee
Par contraincte de mariage
Contre le naturel vsage
Pource que cest chose mauuaise
Se ie targe ne te desplaise
Tant mesmerueil de ton affaire
Que ma langue ne sen peut taire (ueille
E merueillant ay grant mer/
merueilleuserint me merueille
De ces merueilles q ioye dire
A toy blasmer me strainct ire
Car certains tu soyes tenus
A tous sauuer grans et menus
Pourquoy nous pecheurs nous menaces
Et nous condempne et enlases
Sans fin en pardurable payne
Pour vne coulpe momentayne
La payne qui droit veult compter
Ne doit le meffait surmonter
Pourquoy sommes nous tellement
Tourmentez pardurablement
Pour pechier petit et legier
On doit les paynes alegier
Raison veult quon les appetisse
Dont ce nest pas vraye iustice
Quant la pugnition expede
Je me merueil dont ce procede
De ton propre sang rachetez
Nous as:et des paynes gettez
Dont appet que sauuer nous doyez

Et quen ta gloire nous recopues
 Ainsy com ientens proprement
 faire le doys ou aultrement
 Ta redemption seroit bayne
 Se ne nous deliurez de payne
 Car les pechez qui nous guerroyent
 A la mort denfer nous menroyent
 Or as tu pour nous contrefte
 Et tu eusses trop fol este
 Quant toy pour nous en croix toffris
 Et les paynes de mort souffris
 Se tu souffroyes de rechief
 Que mort nous meist a meschief
 Ta redemption seroit faincte
 Mais la mort fut par toy estaincte
 Car celle pouoit reuenir
 Et nous en ses tourmens tenir
 Tousiours nous seroit ennemye
 Lomme par toy ne seroit mye
 Rachete bien souffisamment
 Ainsy appert euidamment
 Que sauluez sommes par ta grace
 Et oultre en poursuyuant ta trace
 Nous auons vraye congnoissance
 Que ton Vouloir et ta puissance
 Tout vng se ioinct & apparie
 Et ne se meut ne ne varie
 Et est tout vne mesme chose
 Sy conclu playnement sans glose
 Que tu pere les veulx tu faire
 Et tout ce qui test volontaire
 Demeure pardurablement
 Car durable est plus noblement
 Ton Vouloir fichie par droiciture
 Que ce que certain temps dure
 Car le fichie est plus durable
 Que le corruptible muable
 Tu nous peuz tous sainctifier
 Et en ta gloire ediffier
 Doncques le veulx tu & bouldras
 Selon raison ia ny faudras

Ton Vouloir ne peut nul oster
 Sy puy bien conclure et noter
 Que par toy sommes vrayement
 Tous sauluez necessairement
 Et se tu deiz que noz pechez
 Desquelz nous sommes empeschez
 Que dieu het & veult contempner
 Sy ne nous vueille contempner
 Jargue que tu ne veulx mye
 Mort du pecheur mais de la vie
 Ne tu ne veulx pas quil perisse
 Mais qui viue & se conuertisse
 Les mauuais qui font les meffais
 Ne peuent empeschier tes fais
 Nobuier a ta Voullente
 Car pouoir et Vouloir ente
 As a nostre saluacion
 Sans point de Variacion
 Doncques est il necessite
 De tous sauluer en verite
 Non obstant quelque empeschement
 A tousiours pardurablement
 Nous fait faire ta grace playne
 Non pas a temps ne a sepmaine
 A tous est de durable vie
 La mort pardurable amortie
 Doit par toy estre regettee
 Qui nostre vie as rachetee
 Comme tu soyes pardurable
 Aussi ta grace secourable
 Nous doys donner semblablement
 A tousiours pardurablement
 Puy qui te plaist nous releuer
 Riens ne nous peut iamais greuer
 Daultre part tu es le bon maistre
 Pour sauluer poupart veulx naisstre
 Et en la croix mort soustenir
 Quant pastour veulx deuenir
 Sy doys releuer tes brebis
 Et rappeler par les herbis
 Saucunes en vops esgarees

Que par toy soyent reparees
Tu doys leur salut pourchasser
Et les loups arriere chasser
Aux chiens au baston a la boye
Sune en perist et tu le vois
Tu la doys tantost secourir
Car se le bergier laisse mourir
Vne brebis par sa simplese
Par son deffault par sa paresse
Droit dit quil est tenu du rendre
Du cas quil la pourroit deffendre
Non obstant argus empeschans
Et puy que le bergier des champs
Est pour la rendre conuenue
Encor y es tu plus tenu
Qui tout boys et sur tous a tout
Et qui es souuerain pastour
Doncques sensuyt il vrayement
Puy que tu peuz le saulvement
De ton peuple et de tes oeilles
Que sauluer les doys et bueilles
Se ta pitie ne te remoit
Tu es cause de nostre mort
Mais quon dye de nous hommes
Qui en estat de sauluer sommes
Je ne cuyde pas que de femme
Puisse auoir ne sauluer lame
Car tu scez que raison apperte
Quelle est cause de nostre perte
Et de ta mort occasion
Doncques a sa saluacion
Ne doys encliner nullement
Et quant au iour du iugement
Quadam lors resuscitera
Et en son copis entier sera
Adonc le gendre semenin
Sy com ie dy plain de venin
Tout au neant reuertira
Et ainsi se esuanouyra
Car qui aultrement le ferait
Adam pas entier ne seroit

Se la coste nestoit remise
Au lieu la ou elle fut prise
De quoy femme formas iadis
En ton terrestre paradis
Dont puy luy sea le sentier
Adam ne seroit pas entier
Mais sa coste restituee
femme sera destituee
Ainsy sa mere ne sera
Ne ia ne resuscitera
Las tresdoulx dieu et trespuissant
De mon erreur suys congnoissant
Bien croy quen parlant ay erre
Mais iay le cueur foment ferre
Ire me contrainct a mon plour
Sil y a en mes ditz folour
Espargne moy gloieus dieux
Soyes de bonnaire et pieux
A mame triste et desuopee
Sy que par toy soit rauopee
Daigne par ta grace diuine
Que de toy veoir soye digne
Dray dieu apes de moy mercy
Sy doullans suys que ie meurs cy

¶ Comment dieu respondit tout nus
Aux argumens matheolus
Lequel fist sans abus
Tresnotable conclusion.

¶ Responce de dieu aux argumens
Comment il conforta les mariez.



¶ On filz entens q ie vueil dire
Dste toy de courroux et dire
Se pour moy seufftes tendus
Grieftez et tourmens et tres
Dôt tu me fais cy grât clamour
Laidures
Remembre toy que pour lamour
De mon peuple que iayme tant
Enduray grief pepne et tourment
Je fuz bastu ie fuz crachez



Crucifiez et atachez
 En la croiz dressiez et pendus
 Par piedz et par mains estendus
 Souffrir me conuint iucq a mort
 Et ma pitie a ce samort
 Que par ma mort rendy la vie
 A adam et a sa lignie
 Ainsy que besoing en estoit
 Et que mamour ladmonnestoit
 Qui mon piteux cueur assouply
 Jay mon conuenant accompli
 Certains signes en peuz auoir
 Et se mon proces deuly scauoir
 Et la cause du rachapter
 Il te fault loreille aprestier
 Et le cueur pour bien retenir
 Affin quil ten puyt souuenir



Dant des palays celestiens
 feis des anges les citoyens
 Et ie les euz fais et creez
 Lucifer fut cy desfreez

Et tel penser en soy cueillit
 Que contre moy sen orgueillit
 Et ne voult estre obeissant
 Plus que soleil resplendissant

Ses cornes contre moy leua
 Mais son orgueil moult se greua
 Et dist que sy hault se verroit
 Que dessus aguillon serroit
 Et dist qua moy seroit semblable
 Com tout puissant et pardurable
 Mais assez tost se desbuscha
 Et en tenebres tresbuscha
 Hors de lumiere souuerayne
 Sa ius en douleur et en peyne
 En enfer tresbuscha sans doute
 Et luy a sa sequelle toute
 Tant fut fol et oultrecuydez
 Quant ie veiz les sieges buydez
Comment adam desobeit
 Quant a eue il obeit
 Sil neust dessus moy grant enuie
 Pas neust menge le fruit de vie



D la celestial mansion
 Lors fonday mon entencion
 Au remplir et au reparer
 Sy formay pour requiparer

Ainsy comme roy souuerain
 De ma main homme primerain
 Vng tout seul fruit luy deffendy

Mais pour ingrat il se rendy
Et sy tost qu'il fut marie
Et avec femme apparie
Il mua sa condicion
Par orgueil plain d'ambicion
Car l'ennemy qui l'offensa
Sy com iay dit assez pensa
Que hom la perte restablirroit
Et que les sieges rempliroit
Es cieulx en pardurable vie
Dont sur l'omme eut sy grant enuie
Que par sa femme le deceut
Qui tel orgueil en soy receut
Que deesse cuyda bien estre
Et moy bruter hors de mon estre +
Mal temptee mal sapresta
Et son mary admonnesta
Tant quilz gousterent de la pomme
Que iauoye interdite a l'omme
A mon command desobeirent
Tant quen chetiue cheirent
De tout honneur furent priuez
Et au port denfer arriuez
Adam et sa lignee toute
Alloit en enfer a grant route
Tous y alloient a desroy
Sans espargner conte ne roy
Ne prophete ne patriarche
Quant mon pere de la haulte arche
Aenuoya et trammist pour eulx
Je descendy comme amoureux
Au saint cloistre a la noble vierge
Qui de moy garder fut concierge
Et me conceut virginalment
Pareil et a mon pere esgalment
Tant comme est a la deite
Tousiours fut vierge en verite
Et virginalment menfanta
De prerogatiues tant a
Que vierge est apres et deuant
Et puy apres de ce me vant

Dray dieu Dray hom de vierge nez
Qui pour vous sauluez ordonnez
Sans peche sans corruption
Prins en vierge incarnation
L'om tout saichant a tout puissant
Et toutes choses congnoissant
Les memoires bien trouuer scay
Comment au monde conuersay
Nudz piedz et bestu pourement
Et enduray moult humblement
Fain et froit chault soif et misere
Soubz forme de cerf en buyere
Combien que seigneur ie feusse
Et que sur tous pouoir eusse
Le fut pour oster de seruaige
Et affranchir l'umain lignaige
Mais en iudee se adressa
Mon peuple contre moy pecha
Contre moy dist plusieurs iniures
Mesdis reprouches et laydures
Moy innocent crucifia
Et iucq a mort me deffia
Quant ie souffry ma grant douleur
Le soleil perdit sa couleur
Et se tourna en obscurte
Lors que la mort me fist durte
La terre trembla tellement
Que lors ny eut element
Qui ma mort bien ne congneust
Et que grant douleur nen eust
Le feu lair leau a la terre
Quant leur facteur virent en serre
Amcrement ma mort plourerent
Et de lamenter sefforcerent
Et mon peuple moult fut teup
Je suscitay com vertueulx
Au tiers iour rentray en ma gloire
Contre la mort obtins victoire
Par ma vertu tant estriuy
Que mort vainqui puy remitay
Et que mes bzebis rachapteres

furent par moy denfer gettees
 Et ramenay ma bergerie
 En la saincte herbergerie
 Bien vueil que chescun saiche tant
 Quainsy les alay rachetant
 Cest mon proces cest ma besoingne
 Et les scripture nous tesmoingne
 Dng dit qui nest en vain qui
 Nomme celluy qui moit vainqui
 Et par moit lennemy destruit
 En larbre par larbre restruit
 Le qui par arbre estoit dampne
 Tout ce qui estoit dadam ne
 Aloit tout a perdicion
 Mais lomme en fit reddicion
 En larbre tant que par son regne
 Hors est morte et la vie regne
 Mais pource quil y eust grant somme
 Et que la vertu du premier homme
 Ne pouoit par tout na demy
 Vaincre de soy son ennemy
 Il conuint par necessite
 Que dieu avec humanite
 Se soubmist en larbitraige
 Pour satisfaire de loutraige
 Par toute humayne creature
 Car sy laignel par auenture
 Eust faicte la redemption
 Plus eust de dilection
 Et plus grant amour defferuy
 Que dieu qui point ne fasseruy
 Sy com tu le pourras entendre
 Car le creer est chose tendre
 Et le racheter est greigneur
 Pource est fait par le seigneur
 Ne laignel pas nappartenoit
 Et oultre daultre part tenoit
 A ce que lomme tant attempta
 Pource qua estre dieu tempta
 Et tresbuscha par son messaire
 Dont fut chose tresnecessaire

Que me monstrasse doucement
 Vers homme ⁊ tres humblement
 Que pour son rachapt obtenir
 Je voulsisse homs deuenir
 Et comme hom le rachetasse
 Et que par moy le deliurasse
 Ne treuve len pas en escript
 De la moit et des paynes crist
 Comment souffrir le conuenoit
 On list se bien ten souuenoit
 Que dieu en la boye regna
 Lennemy prist et affrena
 En chaynes de feu ardans
 Ainsy feuz mes amys gardans
 Doncques a vous a droit le compte
 Namour toute aultre amour surmonte
 Je souffry moit et grief hachee
 Pour sauouer dadam la lignee
 Je te pry especialment
 Que tu seuffres paciament
 Pour mes douleurs et paynes briefues
 Car pour toy les souffry plus griefues
 Menasses tourmens et crachatz
 Souffry pour faire le rachatz
 Les clous la lance et les espines
 Imposerent pour amours fines
 De mon peuple ⁊ de mes amys
 Ma moit en vie les a mys
 Et pource que ie ne vueil mye
 Que ma mesme soit pugnue
 Sy ne vueil que pecheur mure
 Dieuly layn a saulement conduyre
 Com champion et redemptour
 Et aussy pource que lentour
 Ne doit pas assez pres getter
 Le quil sceut de racheter
 Et pource que desloyal cure
 Les malades garis et cure
 Pour corrigier les pecheours
 Les peruers ⁊ les lecheours
 Pour amender leur conscience

Et pour prouuer leur pacience
Et leurs vertus et leurs victoires
Leur ay fait plusieurs purgatoires
Playnes de tourmens et de raige
Entre lesquelz est mariaige
Le plus cruel le plus horrible
Plus tourmentable et plus penible
Les paynes nen puyt compter toutes
Plus en y a quen mer de gouttes
Le sees tu car esprouue las
Maintesfoys en as dit helas
Ceulx qui sont boulliz ou tostez
Du escorchiez par les costez
Du qui sont nudz pour eschauffer
Sur vifz charbons ou sur chault fer
Ne les decollez par grant ire
Ne souffrent pas sy grant martire
Tant de tourment ne sy grant raige
Com ceulx qui sont en mariaige
Payne nest sy grief com ta payne
Par mariage qui te mayne
Et ta ioye en doyleur mue
Ta douleur as continue
Et esprouuee en la fournaise
Assez as souffert de mesaise
Pource que tu es vray martir
A mes biens te feray partir
Seuffre fort et ne doute pas
Mais saichez quapres ton trespas
Sans payne viendras apres moy
Di soytes doncques sans esmoy
Tes plours en ioye tourneront
Et tes souffrances moustreront
Quauec femme as fait purgatoire
Tu es purge et as victoire
Je nay cure des variables
Couraiges qui ne sont estables
Et recullent quant on les touche
Pource les heiz et les reprouche
Paris ala a ceulx dytalie
Pour eulx blasmer de leur folie

En mer souffrit mainte moleste
Maint tourment a mainte tempeste
Troys foiz fut plonge en la mer
Du il eust dur temps et amer
Mais pource son cueur nen mua
En vraye foy continua
Sans flechir en nulle maniere
Et sa nef demoura entiere
Comme cil qui apres auoit
Et par esprouue bien scauoit
Que plus vault et est mieulx seure
De son amy la bateure
Et la dure correction
faicte par bonne entencion
Que ne sont baifiers frauduleux
De son ennemy cauteleux
Cest des baifiers que iudas donne
Qui decoyent mainte personne
Je metz ceulx a saluacion
Qui seuffrent tribulacion
Il conuient que la playe pue
Quant mire piteux la renue
Le disciple ayne follement
Qui est chastie mollement
Se la terre nestoit nauree
De fers et de herce aree
Pou de fruit pourroit apporter
Quant le pere veult supporter
Son enfant il ne layme mye
Mais ayne celluy qui chastye
Qui ses notables considere
Je vueil chastier comme pere
Car celluy que ie bateray
Du tout au net le metteray
Mais qui le seuffre bonnement
Et se repente vrayment
Et qui confesse ses pechez
Desquelz il se sent empeschez
Tous ceulx que iaym ie les esprouue
Et sups ioyeulx quant ie les treuve
Telle est ma maniere daymer

En mes amours na point d'amer
 Dont conclusz qu'amer me devez
 Et telz douleurs en gre prenez
 Beau filz ayes en remembrance
 Quant tu estoyes en enfance
 Comme la ieunesse vsas
 Pourquoy de ton temps abusas
 Sans prouffit et a ton dommaige
 Or te complains de mariage
 Qui tant te liure de paleste
 D'une heure ne peuz sans moleste
 Par dedans dois lamenter tu
 Car on ne quiet pas la vertu
 Dehors on la quiet es entrailles
 Soubz la fueille est le fruit en tailles
 De viure est le plus noble gendre
 Et qui plus de vertus engendre
 Que la vertu de pacience
 Qui ne seuffre na pas science
 Qui seuffre il vaincq ce dit la lettre
 Dont a souffrir se fait bon mettre
 Car pacience tout surmonte
 Cest la vertu par on sen monte
 Au royaulme qui tous temps dure
 Eureux est qui bien endure
 Et qui prent pacience forte
 Bonne esperance le conforte
 Et est des douleurs medecine
 Pour la douleur de sa racine
 Les droiz exposent saignement
 En bon espoir allegement
 Et que qui en bon cas est greue
 Ailleurs doit estre releue
 Sy est droit que les mariez
 Qui chescun iour sont hariez
 Dedans le monde sans cesser
 Doyuent ioyr et possesser
 Des biens et des ioyes celestes
 En guerdon de leurs molestes
 On ne doit pas affliction
 Donner ne desolacion

Aux tourmentez ne aux bleffiez
 Dieuly est quilz soyent redressiez
 Et guerdonnez a deux doubles
 Pour leurs paynes et pour leurs troubles
 Soyent doncques fors et entiers
 Seuffre et endure boulientiers
 Le dur tourment communal
 Pour dyademe imperial
 Receuoir lequel cest offert
 Quant tu auras assez souffert
 Et en ton cueur ayez memoire
 Na croix ma mort et ma victoire
 Saige est a qui en souuient
 Qui ne veult seruir il conuient
 Qu'il seuffre persecucions
 Paynes et tribulacions
 Par dehors nest pas la voye
 De venir a parfaitte ioye
 Se tu as vie douloureuse
 Et pour vng brief temps langoreuse
 Seuffres car tu sces que doulleur
 Et medecine de doulleur
 Et le monde les gens decoit
 Car les ioyes qu'on y recoyt
 Sont trop briefues et momentaynes
 Et d'amerumes toutes playnes
 Pource ne doit nulz homs estables
 Laisser les ioyes pardurables



Hier filz remembre toy en ce
 De iob et de sa pacience
 Sy souffreras legierement
 Le qui te trouble amerement

En ton cueur car par helisee
 fut la medecine aduisee
 Quant le peuple israelyen
 Estoit lye de tel lye
 Qui cuidoit mourir de famine
 Il aprist a faire farine
 D le ius des herbes tribles
 Que le peuple appelloit hebles
 Trop furent aigres au vaissel

Dont pour alleger leur faissel
Il fist la farine adiouster
Ce que ilz en peussent gouster
Helysee fist leur beuraige
Adouber par soubtil ouuraige
Tout aussy comme la farine
Pacience est la medecine
Et qui fait cesser amertume
Qui peut souffrir par la coustume
Il endure mieulx sa tristesse
En doulx espoir dauoir lyesse
Diens le nouuel de la sentence
Pour toy tourner a pacience
Car en cest dit les herbes aigres
Font les vies aspres et maigres
Et tu es batu du flael
Compains au peuple distrael
Affiert sans ioye et sans risee
Et ie sups le Bray helisee
Et pacience est la farine
Qui donne doulceur sade et fine
On seuffre pour couronne auoir
Double et baillant sur tout auoir



N ne donne pas la couronne
Au comencier mais on la done
En la fin quant lepreuue est
Fils pseuere a sy taffai faicte
Tellement qua bonne fin viennes (cte
La fin faict tout ces motz retiennes
Que le prin temps pas ne te fonde
Seullement dune seule aronde
Le philozophe nous desquenure
Et dit que seule bonne euure
Ne donne pas playne vertu
En ses ditz prouuer le peuz tu
Plusieurs vertus conuient auoir
Se tu veulx ioye receuoir
Soyes Vigoreux et sy veille
Et a bien faire tappareille
Despise tous les ieux du monde
Dont tristesse en la fin habonde

Qui bien commence a mal diffine
Son bon fait a neant decline
Disaige de noble couraige
Rit et ne se meut pour ouuraige
Ne pour mal temps ne pour maleste
Ne mue son propos honneste
Parfaiz ton bon commencement
Pour haster ton auancement
Car qui bien fine il a victoire
Qui plus souffre a plus de gloire
Alissue sont esprouuez
Les biens faiz ou les maulx trouuez
En la fin se monstre la chose
Et la loy nous dit et expose
Quon ne peut la chose a chief traire
Tant quil y ait riens a parfaire
Parfaiz donc que ce la charge
Desoit plus dune seule charge
Pacience fait alegier
Et le fait en est plus legier
Drape pacience se fonde
Que loyer ou labour responde
Tu ne doys pas doubter la somme
Mais ioye qui te vient a somme
Ayes forte perseuerance
Et prens o toy bonne esperance
Affin que le faiz ne te blesse
Qui sourt en plours et en tristesse
Il muera ioye a cent doubles
Par tes larmes et par tes troubles
Dieulx pour vne seule larme
Auoir rps et ioye et sans terme
Quen risee tant demourer
Quil en conuengne apres plourer
Cil nest pas digne dauoir aise
Qui ne seet que cest de mesaise
Et qui ne peut souffrir fortune
Merueilleuse est sa coustume
Qui ne peut souffrir chose amere
Sa doulceur ne luy sera mere
Souffrir doys en feu et en fer

Pour racheter taine denfer
 Car tous les saintz ainsy Desquient
 Qui bonne pacience eurent
 Pour alegier ta lesion
 Remembie de ceulz de spon
 Quant en chestiueite allerent
 En larmes et en plours semerent
 Au retourner se conforterent
 De gerbes quilz en rappoterent
 Ceulz qui semerent en tristesse
 Recueillerent a grant lyesse
 Affin que par la forte luyte
 Qua mariage est introduyte
 Lomme se puyt iustifier
 Et par pieuve verifier
 Ainsy com lor dedans la forge
 Qui est recuyt quant on le forge
 Fay les mariages tyssus
 Et fais sy com iay dit dessus
 Pour le mieulz et ainsy lentens ie
 Qui soyt digne de grant louenge
 Sy iay mys homme avec la femme
 Tu ne men doys donner le blasme
 Selon le temps et les saisons
 En droit on plusieurs raisons
 Qui en cest dictier sont teuz
 Et ny sont pas ramenteuz
 Cest estat le souffrant couronne
 En la fin de noble couronne
 Qui y peut auoir pacience
 Sung saige monstroit sa science
 Pour trop vile seroit tenue
 Sy la croit par my la rue
 Aussi qui tout exposerait
 Les tourmens chescun doubteroit
 A soy l'yer en mariage
 Bon est quant le mire assouaige
 Du pacient la maladie
 Et de sa guerison luy d'ye
 Du tout et bons enseignemens
 Endoulcissent ses oingnemens

Aussi est il de moy mon filz
 Comme bon mire ie conseilz
 Aux mariez mes medecines
 Beau filz endure les espines
 Du mariage et les poinctures
 Se pour le present te sont dures
 Ne te laisses pas desconfire
 Car qui plus aura de martyre
 Plus noblement sera meris
 Es saintz cieulz aymez et cheris
 Et pour plus playnement entendre
 Je vueil a brief parler reprendre
 Tes ditz et ton obicion
 Pour y donner solucion
 Tu es de grant entendement
 Sy ten parleray grossement
 Sy com len sceut entre amys faire
 Je ten metteray vng exemplaire
 Qui coppe son doit et se blesse
 Et seuffre douleur et destresse
 Mais a la foyz sy bien te membre
 Comment il copper doit ou membre
 Pour le mal qui se peut aherdre
 Du tout le corps se pourroit perdre
 Dieulz vault mariage souyr
 Que ame et corps ardoir et bruyr
 Sy est bon de deuy maulz essire
 Le meilleur et laisser le pire
 La croix les clouy et la lance
 Que ie souffry en grant balance
 Ne firent grant esperite
 Mais touteffoyz en verite
 Tout ce prouffita et valut
 Car au monde donna salut
 Et moyennant mon propre filz
 A tous humains la paix cessiz
 Ainsy est il du mariage
 Car se par tourment et grant raige
 Se monstre plus amer que fiel
 En la fin est plus douly que miel
 Le mariage est bon et fin

Et sy content a bonne fin
 Se tu as droit y estudies
 Sy est bien raison que tu dies
 Que cilz estas est bon et sains
 Et des sacremens primerains
 Car par luy et par sa moleste
 Acquiert on la ioye celeste
 Ceste maniere d'instinction
 Solt encontre ta question
 Et oste l'ombre de la doubte
 Sy bien pensez la raison toute
 Se femme est male trouuee
 Et pour son meffait reprouuee
 Toutesuoyes par son fol ouurage
 Ne peut despecier mariage
 Que par droit ne soit bon tenu
 Et pour saint doit estre tenu
 Nul hom ne doit dire aultrement
 Car i'ordonnay ce sacrement
 Aussi sont saintz les mariez
 Car ilz sont tresurays martiriez
 Sy vueil que tout soit eppresse
 Que le vray ne soit oppresse
 Et se tu metz exemple vain
 Aussi comme vng peu de leuain
 Corrompt de paste vne grant masse
 Aussi bien malle femme casse
 Mariage par vove oblique
 Quant elle est peruerse et inique
 Des composans traict sa nature
 Le compost qui rompt sa ioincture
 Par quoy la faulte de la femme
 Tout le mariage diffame
 Et aussy pourtoytes tu dire
 Que bien pou daigre vin empire
 De bon vin vne playne tonne
 Solucion sur ce te donne
 La chose de son chief se fonde
 Et conuient qua son chief responde
 Et le mariage est le chief
 Sy vueil respondre de rechief
 A tous les pointz dont tu argues

Et souldre par raisons agues
 Treschier pere il nest besoing
 De plus arguer nay besoing
 Car mes raisons sont mal fourmees
 Et contre vous trop mal armees
 De repeter ny a riens digne
 Mais ie requier pere tresdigne
 Que sur deux pointz me faciez saige
 Cest du cloistre et de mariage
 Lequel doit estre plus mery
 Et apres la mort plus chery

Comment dieu icy conforta
 Maistre mathieu et raporta
 Que poures martirs mariez
 Seront sauluez sans variez.



B Eau filz p moy pourras con/
 Des mariez et de (gnoistre
 ceulx du cloistre
 lesqz auröt plus grät merite
 Les raisons ten seront descrite
 Les mariez sont les greigneurs
 Et sy seront plus grans seigneurs
 Sieges auront plus precieulx
 Que prestres ne religieulx
 Car ilz ont trop plus a souffrir

Sy leur doy plus grans biens offrir
 Mariez sy ont plus deffoynes
 Et plus de meschief que les moynes
 Sung moyne a ses heures na pape
 Il ne seuffre pas trop grant playe
 Ny na pas trop grant pestilence
 En faisant de signe silence
 Et ses ieunes aussy aguissent
 Lestomac plus quilz ne nuyent
 Mais quant vng hom est marie
 Tous les iours est iniurie
 Car sa douleur luy renouuelle
 Sa femme contre luy reuelle
 Par force conuient qui la serue
 Pour elle soustenir sa verue
 Pour chaussement et pour besture
 Pour ioyaulx et pour nourriture
 Pour enfans et pour la nourrice
 Certes il ny a nul sy riche
 Qui tous ses fraiz peust payer
 Mais on les sct bien abbayer
 Com les chiens apres le sangler
 Chascun pense de lestrangler
 Sans cause est souuent assaillis
 Et par sa femme mal baillis
 Sa seigneurie deult auoir
 Et sy deult les secretz scauoir
 Plaire deult et payer premiere
 Qui pps vault elle est coustumiere
 Soit droit soit tort par son malice
 Deult que son mary obeisse
 Du ses cheueulx compareront
 Sy que les traces y petront
 Sil fault tiens aux enfans petis
 Souuent est appelle chetifs
 Et oyt mainte parolle amere
 Par la nourrice et par la mere
 Qui de luy enuahy sont prestes
 Comment innocent seuffre molestes
 Certes il nest sy gries martyr
 Qui tout en droit tire a tire

Com des mariez quoy quon dye
 Car en grant epil ont leur vie
 De grans tourmens stimulee
 Sy doit estre particulee
 La pacience et la souffrance
 Des mariez par toute france
 Plus est crueuse leur bataille
 Que de moynes ne de prestaille
 Pource auront ilz plus de gloire
 Des promesses de leur victoire
 Car ie donne plus grans loyers
 A ceulx qui sont bns soudoyers
 Tant com plus le desseruiras
 En plus hault degre ten yras
 Sy com les confesseurs sont mys
 Je te prometz beau douly amy
 Les mariez sont plus ydoynes
 A seoir par dessus les moynes
 Jay bonne raison qui me fonde
 Car du commencement du monde
 Par moy sont mariages faictz
 A toutes charges a tous les faictz
 Jay les mariages fondus
 Mais les moynes nay pas tondus
 Ne religion ne seiz oncques
 Sy pyps asses conclure doncques
 Les mariez plus glorieux
 De tant qui sont plus dolozeux
 En mariage a grant misere
 Pas neusse ma douce mere
 Auec ioseph acompaignie
 Mais ce fut douce compaignie
 Combien quil fust de grant eage
 Se ie ne sceusse mariage
 De plus noble condicion
 Que ne soit la religion
 Di en pyps ouyr releuance
 Compte bien et sy tauance
 Et tu trouueras primerain
 Mariage est souverain
 Des estatz sy ne vueil mesdire



Des femmes mais Verite dire
 Que la bonne & la Vertueuse
 Plus que nul or est precieuse
 Et qui borne la voudra querre
 Cest oyseau seme en terre
 Sy com le saige le recite
 Leur nature a mal les epite
 Saulcun en y a qui bien face
 Le luy vient despecial grace
 Sy tost que femme fut formee
 Elle fut contre moy armee
 Tollir me vould ma region
 Des cieulx par sa sedicion
Comment dieu monstre a lacteur
 Qu'il ne blasme point son pasteur
 Il a les prelatz establis
 Pour contregarder ses bresbis.



Chier filz pour ton bien tamō
 q̄ tu faces a ma requeste (neste
 Vers les prelatz obeissance
 Entens & ayez congnoissance
 A ceulx honorer sans tarder
 Ilz sont pour mes bresbis garder
 Je te dy les bons seulement
 Se tu en as dit follement

Ly dessus ce quil ta pleu
 Chascun est nus et esleu
 Pour mon peuple en foy soustenir
 Et gouverner et maintenir
 Ilz sont du monde la lumiere
 Qui donne clarte soubz fumiere
 Ilz appaisent guerre et discorde
 Et nourrissent paix et conorde
 Se le pape & le bon college
 En terre ne tenoyent siege
 Lennemy par sa tricherie
 Emmeneroit ma bergerie
 Et mes bresbis estrangeroit
 Et hors du sens les chasseroit
 Et les prelatz sont honnorez
 Ilz sont chargez et sont curez
 Et portent des hommes la charge
 Que prouffit bienigne de leur charge
 Et que lonneur soyt guerdonne
 Par la charge est lonneur donne
 Pource sont mys a honneur haulte
 Mais quant on treuve a eulx faulte
 Digueil a grant foleur les mayne
 Ilz sont pugnyz de plus grief payne
 Et de plus aspre et de plus dure
 Que le peuple quilz ont en cure
 Par maintesfoys est aduenu
 D'ung mauvais est en hault venu
 Mais tant plus monte en haultesse
 Au descendre tant plus se blesse
 De plus hault chied plus royement
 Tresbuche et parfondement
 Qui chied de plus bas moins se griefue
 Le plus hault a payne plus griefue
 Aussi la payne des greigneurs
 Est plus griefue que des mineurs
 D'ng euesque plus pecheroit
 Que le simple clerc ne feroit
 Labbe meffait plus que le moyne
 Quant il peche il a plus payne
 Et aussy D'ng roy ou D'ng conte

Sil meffait acquiert plus de honte
 Et sy doit plus estre pugny
 Que vng hom du peuple vny
 Filz tu veulx scauoir la maniere
 Se mamour est double ou entiere
 Et obien iay mys ou moins ou plus
 Et sur la quantite conclus
 Je respons a ta question
 Namour et dilectacion
 Est sy grande et sy certayne
 Que sens de creature humayne
 Ne pourroit au nombre souffire
 Ne cueur penser ne bouche dire
 Chier filz iaym tant & tellement
 Que ie monstray bien quellement
 Quant ie souffry mort aspre et dure
 Reprouches tourmens et laidure
 Pour mes bresbis de mort garder
 Pource doit chascun regarder
 Que iaym dune amour pardurable
 Simple loyal ferme et estable
 Nulle amour na a moy pareil
 A chascun loffre et appareil
 De mon gre quoy que chescun face
 Cil qui mayme acquiert ma grace
 Mais pecheur na de moy cure
 Qui fait mal il fait chose obscure
 Aussy com sy quiert tenebres
 Il se noircist plus que les feures
 Des euures sy sont delictables
 A ceulx qui mayment prouffitables
 Mal het lumiere et chose clere
 Sy que noir et obscure appere
 Et est haiz et diffame
 Droit est que cil soit ayne
 Qui dons de lumiere dessert
 Et qui par bonne amour me sert
 Le iuste est cler & reluyfant
 Son fait est bon et desduisant
 Mais le mauuais est obscurcy
 Par pechie noir et endurcy

Qui bien fait il veult quon le voye
 Vraye lumiere le conuoie
 Et le tient en prosperite
 Et veult iustice et equite
 Et ie sups iuste et setay
 Pource de mamour aymeray
 Les iustes et leur saulement
 Ausquelz sups tenu seulement
 Mais de ton dit bien me recorde
 Qui pitie et misericorde
 Ne donnent mouuo. r et indupre
 Pour les pecheurs racondupre
 Et au propre lieu ramener
 Quant pour eulx me laissay pener
 Et en la croiz les rachetay
 Et de misere les gettay
 Et bien affiert comment quil aille
 Que ma redemption leur baille
 Car cest fontayne de pitie
 Et pource me fault par pitie
 Auoir mercy des epillez
 Qui par lennemy sont pilliez
 Je dy que ie tens mon giron
 Pour receuoir tout enuiron
 Tous ceulx qui veullent repairier
 Au droit soult et a leur arier
 Sen ay fait maintes attendues
 Jay la bouche et les mains tendues
 Pour les mettre en mon hommaige
 Et pour escheuer leur dommaige
 Je les ay tous sa eulx ne tient
 Et leur fol cueur ne les retient
 Par moy sont tousiours assenez
 Des filz dy ie venez venez
 Tandis que temps auez et heure
 Grant peril gist en la demeure
 Sen leur mal se veullent tenir
 Et nont cure de reuenir
 A moy qui leur salut amoye
 Cest leur coulpe non pas la moye
 Ilz sont cause de leur ruyne

Et nont cure de medicine
Sy ne les doy amys clamer
Puis quilz ne me veullent amer
Et se tu te veulz entremettre
De monstret par bouche ou par lettre
Que tout homme deuant ma face
Doyt estre sauluez quoy quil face
Gardes querre ne te decouue
Droyt veult que mauuais sapparcouue
Que il soyt cause de sa perte
Deoyt en poues rayson apperte
Jay donne rayson et couraige
A chascun pour franc arbitraige
Sy que il puist bien et mal faire
Combien quilz soyent en contraire
Car se lomme tel don eust
Que de soy pechie ne peust
Point de remuneracion
Dultre sa confirmacion
Ne peust ne ne deust auoir
Sy doyt chascun homme sauoir
Que en bien et mal apuissance
Affin quil ayt la congnoissance
Quil accroisse par ses merites
Dont par les raysons icy dictes
Selon sa vie acquiert victorie
Sa vie luy est meritoyre
Car puyt que par moy fut fait hon
Gy mys franc arbitre a rayson
Affin que quant il se desuoye
Que rayson le remette a boye
Et que la char souef nourrie
Nayt sur lesperit seigneurie
Mais se la char est mal temptee
Que chose ne soyt attempte
Dont homs doye doubter sentence
Homms erre qui meffait offence
Et hors de mamour se desioinct
Combien que mon cueur sy se ioinct
A sauluer tous ceulx qui me seruent
Doyt selon ce qui desseruent

Chascun son faiffel portera
Le plus charge plus poysera
Sain sy nestoit ie messeroye
Pour iniuste tenu seroye
Mais aux bons vient continuelle
Die et ioye perpetuelle
Et aux mauuais mort tormentable
Dure horrible et espouventable
Et combien que tous sauluer dueille
Droyt est que le mauuais se dueille
Car les mauuais tous se condampnent
Par leurs pechiez a mort se dampnent
Car leur coulpe et leur deffault
Certes en moy point ne deffault
Car quant ie le doy deceuz
Et que par pechie sont cheuz
Je mettz au releuer grant paine
Joyeux suys quant ie les ramaine
Point ne me plaist leur meschance
Mais sy iay vouloir ou puissance
De tous sauluer com de bonnaire
Ne autmoins ne le doy ie pas faire
Pource que ie vse de iustice
Juste suys a sy hez tout vice
Et iustice requiert deux choses
Les textes dient et les gloses
Que ceulx suys a sauluer tenus
Qui par bien sont a moy venus
Et qui desseruent saulvement
Je ny suys tenu aultrement
Sy com tesmoingne les scripture
Des faitz dumaine creature
Par leur faitz mourront ou viuront
Car leurs euures les ensuyuront
Ainsy pront a saulvement
Tous ceulx qui du cueur loyaulment
De seruiront et seront mys
Empres moy comme mes amys
Et ma grant de bonnairite
Ma pitie et ma grant clarte
A tant pardonner sentremettent

Les debtes quictent et remettent
 Plus qu'omme pechie ne pourroit
 Touthesfoys qui pechie voudroit
 En espoir de remission
 De plus griefue pugnicion
 Seront tourmentez par despit
 En prisons denser sans respit
 Aussi au viay considerer
 Ne se doit nul desesperer
 Sil est chargie ou enteschiez
 De plusieurs horribles pechiez
 Mais quil sen vueille repentir
 Je sups tousiours prest sans mentir
 De releuer et receuoir
 Sa luy tient ie saiz mon deuoir
 Prest sups au besoing le secoure
 Sil nest saulue en luy demoure
 Non pas en moy en verite
 Sy com dessus lay recite

Response.

Coy endroit maistre matthieu
 fait vne demande a dieu
 Se y fault que lenfant compere
 Le peche pour a dam son pere



R te pry ie trespuissant pere
 Pour cesser toute la matiere
 Des questiōs qua toy faison
 Dy pourquoy et p quel raison

Pour le pechie dadam pugnice
 Est sa sequelle et sa lignie
 Se il a meffait le meschief
 Ne doit il porter le meschief
 Non obstant quelconques vs
 Droit pour luy est en ses argus
 Qua lignee dadam nee
 N'est pas pour son meffait dampnee
 Car par droit et selon iustice
 Cil qui la fait le malefice
 Doit emporter toute la payne
 Du delict par sa coulpe playne
 Et souffrir doit la pugnicion
 Cil qui a fait la lesion
 Aussi cil qui riens na meffait
 Ne doit pas pour aultruy meffait
 Encourir payne ne sentence
 Puy qu'on le treuve en ingromāce
 Aultr pechie ne luy doit suyure
 Comparer ne luy doit ne nuyre
 Chascun doit soustenir sa charge
 Selon la coulpe estroicte ou large
 Se les peres vueillent mespiendre
 Leur meffait ne doit pas descendre
 Sur leurs filz ce dit les scripture
 Sy semble estre contre droicture
 Que la lignee soit dampnable
 Du fait dont elle nest coupable

Mon filz vey solution
 Je te feray distinction
 Sy com les scripture tesmoingne
 Puy q' l y a en la besoingne
 Crime de lezamageste
 Sy com en ce cas a este
 Toute la lignee compere
 Et se deult du meffait du pere
 On le tient ainsy par coustume

Qu'en douleurs et en amertume
A tousiours en est repprouree
La coulpe d'adam est recouree
De tel crime et de tel oultraige
Qu'il confisqua son heritaige
Pour ses enfans desheriter
Sy ne y deussent succeder
Toute sa sypite fut honnye
Par son pechie de gloutonnye
Bien doyuent douloir la morsure
Pourquoy ienduray la mort seure
En la croix euz playes ouuertes
Pour tant et pour aultres dessertes
Doit souffrir toute sa sequelle
Tourment payne et douleur mortelle
Sy ont besoing de medecine
Et ma grace leur est encline
Et fauourable a receuoir
Je syps viay mire a dire voir
Car ie scay et pyps tout curer
Et syps tout prest de procurer
Leur salut sa eulx ne tenoit
Et mauuuaistie ne les menoit
Pourquoy doncques a moy ne viennent
Les pecheurs et pourquoy se tiennent
En leur erreur par negligence
Quant de sante ont indigence
Sa moy ne deullent retourner
En enfer pront seiourner
Dedans la flambe sans estaindre
Leur mauuuaistie leur feray plaindre
Et pour en estre mieulx dengiez
Ils seront de serpens mengiez
De vermines et de coleures
Pour paynes de leurs males oeures
A tousiours seront mal menez
Tourmentez et enchainez
En tenebres a grant malaise
Par dedans vne ardant fournaise
Et les dyables regarderont
Les chetifz qui tous arderont

En punaisie et en ordure
Souffreront chaleur forte et dure
Fain et soif pardurablement
La crieront horriblement
Sans esperance de secours
Jamays nauront a moy recours
Mors seront de mort immortelle
Il fait bon escheuer mort telle

Dere respons a ma demande
pourquoy est la peyne pl⁹ gra⁹
que nest la coulpe momen⁹ de
Tu metz peyne perpe⁹ (telle
Pour vng delict qui petit dure (tuelle
Dont la pugnicion est dure
Quant le droit preuue le contraire
Et dit quainsy ne se doit faire
Et sur telle raison se fonde
Qua la payne au meffait responde
Par droicte moderacion
Sans epeder pugnicion
Et quant aultrement le ferez
Pour iniuste tenu ferez
filz ie diz que le coupable
Souffrera payne pardurable
Et sa dampnacion gist en ce
Qui na cure de penitence
Na la mort point ne se repent
Dont telle coulpe sen deppend
Que sans fin tourmente sera
Ne son plour point ne cessera
Las le mauuais a telle teiche
Que suppose qui ne peiche
Du quil neut de pechier puissance
Toutesuoyes perseuere en ce
Que son vouloir en riens ne cesse
Et ainsy le pechie le blesse
Et ne veult laisser les pechiez
Desquelz il demeure entachiez
Mais tousiours y veult demourer
Pour ce luy conuient sans fin plourer
Le mauuais ce dist lescripture

Qui de soy amender na cure
 Du ton prenaricateur ment
 Doit souffrir eternel tourment
 Il fait offense irreparable
 Contre moy qui sups pardurable
 Et ne conte en moy vng chardon
 Pource naura il ia pardon
 Sil nest de ses mauly repentans
 Et de cueur contrict lamentans
 Sy non et il ne veult entendre
 Grant peril gist en trop attendre
 On dit quil ne fait quant il peut
 Il ne fait mye quant il veult
 Le dit puy ie bien tesmoingnier
 Les pecheurs dopuent reffoingnier
 Que pensent ilz quilz ne saduisent
 Et que leurs pechiez ne desprisent
 Silz se repentent et confessent
 Et des pechiez faire se cessent
 Tandiz quilz en ont le loisir
 Je nay en riens sy grant plaisir
 Je sups prest a appareillez
 Que par moy soyent conseillez
 Et leurs consciences releuer
 Je nay boullente deuly greuer
 Silz retournent vers moy arriere
 Tousiours leur seray lye chiere
 Par moy seront iustifiez
 Et avec moy sainctifiez
 Pourquoy ayment ilz mieulx a estre
 En chaynes mys ou en cheuestre
 Bien estroit lyez en enfer
 Et souffrir les tourmens denfer
 Dont iamais ne seront mieulx
 Que regner avec moy es cieulx
 Sans fin en ioye et en lyesse
 On voit que par leur folye est ce
 Fay par raison grant tesmoingnage
 Quilz sont cause de leur dommaige
Quant ioy dieu ainsy respondre
 Auquel nul ne peut riens respondre



Je deis lors moult humblement
 A voiz bassette a simplement
 Je me rendz pere pardurable
 Car ta parolle est veritable
 A toy me rendz tu as victoire
 Sy te pry naves plus memoire
 De mes pechiez ne de mes faiz
 Sire pardonne mes meffais
 Mercy toy mercy te requier
 A toy plus arguer ne quier
 Roy des roys tes raisons sont viaves
 Des repentans cure les playes
 Affin que vers toy tourner puissent
 Et toutes choses te beneissent
 Du pecheur ne veuly tu la mort
 Mais quant a bien faire samort
 Et boys sa conuersion
 Tu luy donnes remission
 Soulas et des mauly alegence
 Ne tu nas cure de vengeance
 A nulluy ton giron ne clos
 Il nest sourd auengle ne Gops
 Dups quil vueille ensuyr ta trace
 Que de toy nait pardon et grace
 A toy roy de pitie fontayne
 Supply que de mort subitayne
 Ne deffens et me tien en ioye
 Sy quen la fin ta clarte voye
 Tu es ma sante et ma vie
 Mais encoires nest pas finie
 De morison toute la clause
 Quant cil qui nul homme sans cause
 Ne laisse sans reconforter
 Ne prist ainsy a enhorter.
Mon filz entens a ma raison
 Nous ystrons de ceste maison
 Et avecqs moy ten viendras
 Droit es cieulx le chemin tien
 Affin que ta douleur alliege
 Illec te monstreray le siege
 Dont ie tay fait prouision

Incontinent en vision
feuz tantost portez et ravis
L'assus es cieulx ce mest aduis
Que homs mortel ne peut souffire
A declairer naussy descripte
La haulte gloire souveraine
De douleur et de ioye plaine
Comment est grant et delictable
A ceulx a qui est heritable
Et qui y auroyt leur demeure
Illec me fut monstre en leure
La clere et precieuse gemme
Benoyte sur trestoute femme
En qui dieu prist humanite
Sans violer virginite
Cest la fleur des fleurs: cest la rose
Du la deite fut enclose
Dedans le ventre a la pucelle
Vraye soy dit que ce fut celle
Du deuy adioins sy se concordent
Qui par diuis sy se discordent
Dont forment seshahist nature
Comment la vierge nette et pure
Deust estre vierge et mere ensemble
Rayson ne scet que luy en semble
Mais soy nous monstre par doctrine
Que tout fut par euure diuine
Car dieu tout puissant y ouura
Que nostre perte recouura
Quant il esleut sa vierge mere
Et enuoya par grant mistere
Sa parolle dedans son ventre
Et tout ainsy com la voy entre
En la maison a porte close
Sans mettre doubte en la glose
Aussy entra et fut faiz hom
Dieu en la virginal maison
Noble et digne par excellence
Et en issy sans violence
Cest festoille clere tresdigne
Qui les pecheurs enlumine

Et a port de salut nous mayne
Elle est de toute vertu playne
Pour sa bonte descendit dieux
Comme de bonnaire & pieux
Qui forme de serf daigna prendre
Pour ses amys de mort deffendre
Ceste dame resplendissant
Dont vraye lumiere est yssant
Empereris des cieulx couronnee
Et des anges auironnee
Et d'archanges par legions
Trosnes et dominacions
Princes vertus & potestez
Sont pour le seruire apprestez
Et cherubin et seraphin
Mettent tout leur penser a fin
Et demaynent ioye euteryne
En louant des cieulx la royne
Les patriarches les prophetes
Par grant soulas & par grant festes
Du cueur lung lautre admone stoit
Et entreulx saint iehan estoit
Qui dieu en iordain baptisa
Qui grans dons prerogatis a
Lil se desdusoit en lyesse
Combien que plus eust ieunesse
Par dessus euy estoit haussiez
Et honnouriez et exaulciez
Il est tresgrant et honnourable
Et sy luy est moult fauorable
Au ventre le sanctifia
Appropria glorifia
Après la vierge precieuse
Qui sur toutes est glorieuse
A iehan a refuge court
Du bouloir de la haulte court
Dont leurs louenges alouer
On ne les pourroit trop louer
Et pource que derision
Ne souerde de ma vision
Et que male bouche ny morde

Je vous racompteray par orde
 Des sainctz chascune compaignie
 Sy com lors me fut enseignie
 Des sainctz qui la gloire entoyent
 Plusieurs en y eut qui chantoyent
 Alleluya dune voix clere
 Louant dieu et sa douce mere
 En estat et en ordonnance
 Chascune de bonne contenance
 Les apostres sont premerains
 Et sur quatre estatz souverains
 Car apres sont euangelistes
 Figurez en draps et en listes
 En la forme de quatre bestes
 Diuerses de corps et de testes
 Qui euangilles dicteront
 Vray tesmoingnaige porteront
 Dont saint iehan et le greigneur
 Cousin germain nostre seigneur
 Qui en vouldroit versifier
 Exposer ne metrifier
 Et ses louenges exprimer
 Il auroit assez a rimer
 Car toute vertu et bonte
 Des ieunesse auoit surmonte
 Dieu qui laymoit luy fist donneur
 Tant de vertu et tant donneur
 Que de ihesu vouldist pourtraire
 Il luy resembloit de viaire
 Et de stature et de beaulte
 Et moult auoit de loyaulte
 Et dieu a ce disciple la
 Les secretz des cieulx reuela
 A garder luy bailla sa mere
 Quant en croix souffrit mort amere
 Et saint pierre qui les clez porte
 Des saintz cieulx et garde la porte
 Comme seigneur et capitayne
 Les apostres conduit et mayne
 En soy de nobles vertus a

Et saulcunes fois abusa
 Apres le cop se repentit
 Nonques plus ne se desmentit
 Mais trespiteusement ploura
 Et en vraie foy demoura
 Et safferma par telle guise
 Que dieu fonda sur luy leglise
 fermement et sur bonne pierre
 Noble baron a en saint pierre
 Avec luy saint pol la compaignie
 Celle glorieuse compaignie
 Du hault senat apostolique
 Gouverne la foy catholique
Les martirs de pres les ensuyuent
 En ioye et en l'esperance
 Saint estienne plain de noblesse
 Est le premier par sa prouesse
 Vouldit fait a louer sa maniere
 Car premier porta la baniere
 Et puis la vraie foy deffendit
 Ne redoubta pas la mort prendre
 Et saint laurens par ses merites
 Bien sont prouuees et escriptes
 Qui porta armes reluyfans
 Sur les charbons de feu luyfans
 fut trespuissant de seigneurie
 D'armes et de cheualerie
 Saint vicent le bon compaignon
 Ne fut pas sur le champ pion
 Mais cheualier ferme et estable
 Des martirs est le conestable
 Qui sont en gloire couronnez
 Et par leurs biens fais guerdonnez
 Par laquelle vie honnoree
 Est en la legende doree
 Sy com ilz furent martirez
Auecques eulx sont les mariez
Adioinctz et mys en leur conhoite
 Comme dune semblable sorte
 Apres et par dessus lestage

Des martirs et de mariage
 Sont les confesseurs honnourables
 Usans de ioyes pardurables
 La sont euesques et chanoynes
 Prelatz abbez prieurs et moynes
 Et les vierges sont au derriere
 Qui sont chantant a lye chiere
 Louans la vierge souuerayne
 De plus douce voix que serayne

Comment matheolus par dictz
 Nous a a tous certifiez
 Que les hommes en paradis
 Seront lassus gloifiez
 Lesquelz ont este mariez
 Selon le terme de mon songe
 Ne scay se vous vous y fiez
 Car songe cest vne mensonge



DEt la vision de mon songe
 Sil auoit effect sans mesoige
 Appert assez euidamment
 Et est prouue souffisamment
 Que les paciens mariez
 Sont assis et appariez

Auec les martirs honnoiez
 Lassus es haulx sieges dorez
 Du ilz ont ioye sans mesure
 En la ioye qui sans fin dure
 Plus saintz et de plus grans merites
 Queuesques moynes ne hermites
 Ne que chanoynes qui sont pres
 Dacheter et dignes et pres
 Tiennent rentes et benefices
 Sans faire a dieu nulz seruices
 Sy vient a donner vne cure
 La chamberie na la cure
 Les poures qui sont a matines
 Silz dient mot on les matines
 Plustost pourueuz sont les flateurs
 Les russiens que les seruiteurs
 Qui seruent dieu et iour et nuyt
 Pourquoy la facon trop mennuyt
 Et pource nous gens mariez
 Sommes a dieu appariez
 Car le mariez ont plus paynes
 En vng iour quen huyt sepmaines
 Ne seuffre tant religieuz
 Mariage est litigieux
 Et penible sur tout matiere
 Pource les mariez a voir dire
 Ont pour leur grant affliction
 Plus ample retribucion
 Dieu voult aux hommes publier
 Le croistre et le multiplier
 En reprouuant sterilitie
 Car bien affiert en verite
 Joindre masse avec femelle
 Pour faire lignee nouvelle
 Pour chasteaux et citez remplir
 Pour le plaisir dieu acomplir
 Qui me seroit celle vniou
 Point ne seroit religion
 De saint pierre ne souuendroie
 Sy doit cesser en cest endroit

La clergie qui ny contredie
 Lat qui a droit y estudie
 Mariage fut fait iadis
 Pour les sieges de paradis
 Restably et recompenser
 Que lucifer par mal penser
 Auoit fait guerpier et buyder
 Par orgueil et par fol cuyder
 Dont luy et toute sa sequelle
 Sont pugnys de payne eternelle
 Selon le peche le meffait
 Car il vouloit estre par fait
 Et monter en aussy beau lieu
 Comme la maieste de dieu
 Le premier peche commença
 Quant licisbel sy sauanca
 Qui fust le premier enuieux
 Et aussy roy des orgueilleux
 Car sa beaulte resplendissoit
 Et en tresgrant clarte yssoit
 Sy beau estoit sy decore
 Que sur tous il sembloit dore
 Pourquoi il alla proposer
 Auec plusieurs et disposer
 De monter dont il descendit
 Car en enfer tost il fondit
 Du il est en calamite
 Dampne a perpetuite
 En paradis fut ordonnee
 Du mariage l'assemblee
 Dieu fist sa mere marier
 Auec ioseph apparier
 Pour approuuer les espousailles
 Les moynes tondus aux cizailles
 Ne les conuers ne fist il mpe
 Ne les rendus en l'abbaye
 Dont nostre estat est plus notable
 Que le leur et plus honnorable
 Qui considere la racine
 Et lestat de la droicte ligne

Mariez precedent les vierges
 Qu'on sert de lampes et de sierges
 Combien que les vierges es temples
 Ayent honneur par bons exemples
 Nautrement en virginite
 Na point de posterite
 Plus donneur gist es mariages
 Quant les enfans sont bons et satges
 Et se gouuernent en prouesse
 Les peres en ont grant l'esse
 Mais assez plus s'esioyront
 Quant leurs enfans es cieulx iront
 Par delez leur pere seoir
 Sauec eulx le peuent veoir
 Couronner ne entrebaisier
 Adonc ne pourroit nul pasier
 Les grans ioyes qui doubleront
 Quant en gloire s'assembleront
 Dont aucuns sur ce concludront
 Que mieulx vault et mieulx aymeront
 Le mariaige d'abraham
 Que la virginite saint iehan
 Car couple de charnalite
 Comme il semble en verite
 L'omme chaste point ne despouille
 De sa vertu pour qui se vueille
 Maintenir bien plus dignement
 Sans faire fol atouchement
 Cela ne lempesche ne trouble
 Mais demeure sa vertu double
 Se droit canon dit au contraire
 Que sans mariage contraire
 Virginite paradis emple
 Et mariage par exemple
 Remplist la terre seullement
 Se dy pour souldre tellement
 Que mariage en equite
 Doit proceder virginite
 Car raison mon propos conforte
 Quant le mary a droit se porte

Qui en troyz le pourroit partir
 Il est confesseur et martir
 Et chaste avec sa moulier
 D'uyz qui se garde de souplier
 Se lestat de Virginite
 Remplist les cieulz par dignite
 Encor fait plus le mariage
 Les cieulz remplist en haulte estage
 Et cy dessoubz remplist la terre
 Du il seuffre tourment & guerre
 Se les peres & leur lignye
 Neussent charnelle compaignye
 Et fait mariage iadis
 Tout seul demourast paradis
 Car qui tel fait point ne seroit
 Ne Vierge n'autre ne seroit
 D'nyt seroit le ciel et le monde
 Jusques en labisme parsonde
 Le mariage est necessaire
 Combien quassiez y ait de haire
 Doncques lestat communal
 Doit estre par especial
 Plus louez que Virginite
 Mais se iay icy recite
 Aulcune matiere hors Voyer
 C'est tristesse qui me desuoye
 Sy scay ie bien selon droiciture
 Que de deuy bons biens fait ioincture
 De bonnes meurs croist l'assemblee
 Vertu est par Vertu doublee
 Double bien amende lestoffe
 Le tesmoingne le philozophe
 Et droit canon fait tesmoingnage
 De chastete en mariage
 Dont se lespoux parfaicement
 Se veult maintenir chastement
 Je croy qui sera couronne
 Et tresgrandement honnoure
 Pour son martyre tourmentable
 Et pour chastete honnorable

Pour moy nen sera plus tancie
 Mais diray ce quay commancie

Comment es cieulz tous les bigames
 Vindrent a moy en paradis
 Dire tu es baillant aux armes
 Point ny fault de deprofondis
 Tu seras avec les martyrs
 Avec nous autres en ce lieu
 Pour peyne tu auras gratys
 Apres ta fin au pres de dieu.



Des la celeste region
 Vint vers moy vne legion
 De mariez et de bigames
 Dont en padis sont les ames
 Qui de leurs sieges se leuerent
 Et doucement me saluerent
 Tous disoyent grans et menus
 Amys bien soyez vous venus
 Venez ca a nostre carolle
 Illec auoit mainte violle
 Mantes trompes et maintes harpes
 Qu'aucuns portoyent en escharpes

Joyeusement se maintenoyent
 Lung lautie par les mains tenoyent
 Leur lyesse estoit manifeste
 Qui voudroit descrire leur feste
 On le tiendroit a grant merueille
 Car oncques ne by la pareille
 Quant les harpes des doiz toucherent
 Ceulx de la dance flechifferent
 Par maniere de riberie
 En escoutant la melodie
 Saisirent leur treche et leur dance
 Par tresioyeuse contenance
 Et par deuant et par derriere
 Moult estoit plaisant leur maniere
 Entreulx chantoyent par musique
 Dune douce voix angelique
 Et louenges a dieu donnoyent
 Apres les instrumens sonnoyent
 Pour reioyr les compagnies
 Psalterions et simphonies
 Trompes trompeaux fiteaux et muses
 Et instrumens de plusieurs guises
 Harpes musettes dalemaigne
 Luz et flustes de bretaigne
 Gypsternes reberbes et rotes
 Et tout ce que nous peusmes notes
 Par douly son et par attrempance
 Faisoyent illec concordance
 Ainsy tous ensemble dancierent
 Mais a tant pas ne cesserent
 Ains chantoyent au despartir
 Decy decy le diay martir
 Il a souffert payne sans nombre
 En son mariage soubz ombre
 De la riotte de sa femme
 Soncques martir deust sauluer ame
 Cestuy doit bien o nous seoir
 Grant ioye auons de le voir
 Dux chantoyent alleluya



Et dieu qui point ne moblia
 Est mon filz tu soyes bien venu
 Certes son fait ma bien pleu
 Il a fait plus forte luicte
 Qui soit en martire introduicte
 Sy doit bien voz chansons ouyr
 Pour luy vous deuez reioyr.

C. Natheolus

Dis me mostra dieu le beau
 siege
 Et dit mon filz Decy ton siege
 Et vueil que ayes cy ta place
 Bien est droit quainsy le te face
 Tu as souffert mainte reprouche
 Par ta femme la malle bouche
 Le siege estoit bien atourne
 De riches pourpres atourne
 Nobles et artificieuses
 Resplendissans et precieuses
 La chayere dor sauerie
 N'est de cristal ne de boirie
 Mais faicte estoit par grant mistere
 De sy hault pris et sy tresclere
 Quom ne pourroit descrire leure
 Les oreilliers dont on la queuure
 Estoyent de telle richesse
 Plains de plaisance et de noblesse
 Et doudeur de souef flairier
 Que hom ne pouroit declarier
 Non songe me fist congnoissant
 Que la salle noble et puissant
 Estoit fondee par maistrise
 Sur haultes colombes assise
 Paincte de choses glorieuses
 Dor et de pierres precieuses
 Araigne ny osoit fil tendre
 Et sy ny a pouldre ne cendre
 Il ny fault mestier de balays
 Oncques ne fut sy beau palays

Le lambrins par dessus ioly
Dyuoire luyfant et poly
Estoit de roses estellees
Et de fin or attintellees
Plus que uulle estoille luyfant
A veoir estoit moult desuyfant
Car parmy chascune charriere
Du ciel resplendissoit lumiere
Qui tout le lieu enluminoit
Du nostre sire dominoit
Dun temps est en toute saison
En la glorieuse maison
Plus souef et plus attrempee
Quoncques en bergier ny en pree
Ne fust et est plus delectable
La est la ioye pardurable
Qui tousiours croist et point ne fine
La est droicte paiz sans hayne
Et repos ou nul ne labore
Lumiere rayant a toute heure
Dyay souleil sans esconsent
Pour seur sans empeschement
De tout tourment assure
Quant douly et bienheure
Est ce beau lieu delieuy
Comme il est saint et precieuy
Lumiere cogitacion
Ne peust faire description
De pyment y sourt la fontayne
De cleres vndes pure et sayne
Pour recreacion ioyeuse
Plus que miel est sauoureuse
Sur toutes euaes est plus fine
Et sur toutes aultres plus digne
Et quant l'argentee grauelle
Au fons des vndes se reuelle
Sy melodieusement sonne
Quaulc escoutans grant soulas donne
Plus que balme naultres espices
Rend odeur plaine de delices

Tout paradis souef en flaire
Odeur nest qui puisse tant plaire
Et le ruyssel qui en diciue
Respond a la fontayne viue
Bien pres croist l'erbe et la verdure
Sans blemur en temps dyuer dure
La croissent pyns loitiers et balmes
fenoilz mariolaynes et palmes
Et aultres plantes autentiques
Et herbes bien aromatiques
Qui de leurs fueilles se couuroyent
Et de leurs fleurs se miroyent
Le champ est pare de florettes
De roses et de violettes
De primerolles et de lys
Le lieu est tout plain de delys
Des oyseaux y a grant foison
Qui par tresurape occasion
A bien chanter mettent leur cure
Chascun deulx selon sa nature
De leurs voix clere et non pas casse
Le roussignollet tout les passe
Les grans desduitz les grans noblesses
Et les douceurs et les lyesses
Du siege ne pourroit on dire
Et pource ne pourroit souffire
A vne part du siege noble
Painct dor dasur et de sinoble
Regarday vne bestee
Riche et par grant enuoyseure
De neuf estoit assez plus blanche
Il ny failloit ne pam ne manche
Et sy estoit bien gironnee
Et par droit compas patronnee
De saphirs desmeraudes fines
Et daultres richesses pierrines
Plus que souleil resplendissoit
La grant clarte qui en yssoit
Les couronnes furent assises
De grans prys de nobles diuises

Par dessus les Vestures telles
 Que on ne pourroit veoir plus belles
 Et quant ieuz bien aduise
 Sy com dessus ay deuise
 Et plus assez sans point de fable
 Lassus au douly lieu delictable
 Dieu me dist bien auant amys
 Decy ce que ie tay promys
 Puy que tu tes a moy donne
 Vestu seras et couronne
 Pour tes paynes te feray don
 De ce gracieux guerdon
 Apres a genoulx de rechief
 Humblement & enclin le chief
 Et confortant ma affliction
 Luy deis par grant contriction
 Souuerain pere pardurable
 Dieu puissant et inuariale
 Diuant en seule poeste
 Forme de Vraye honnestete
 Doye de droit port de nauie
 Douce fontayne port de Vie
 Mesure souleil de iustice
 Magesse qui nappetice
 Tu peuz & tu es congnoissans
 De toy vient pouoir aux puissans
 Tout gouuernes & tout maintiens
 Et tous sans nombre en ta main tiens
 Tu fais este tu fais puer
 Et le mourant fais auier
 Et disposer tresdoulcement
 Sans fin et sans commencement
 Vng tout seul dieu en Vnute
 A toy benoiste trinite
 Du iay mys toute mesperance
 Na ferme foy et ma creance
 Soit louenge honneur et gloire
 A ta dominacion et victoire
 Tu aymes les biens et addresses
 Tu donne ioyes & lyses

Tu aymes paix tu hez discorde
 Pere plain de misericorde
 Tu es Vray en toutes parolles
 Qui sont Vrayes en tes parabolles
 Sont douces et empyellees
 Lombien que mes raisons meslees
 Et mes pensees merueilleuses
 Contredisans et orgueilleuses
 Ne les saichent pas conceuoir
 Je men puy bien apperceuoir
 Bien voy qui te plait moy aymer
 Quant tu me daignes filz clamer
 Jacoyt ce que ne soye digne
 Assez me monstre par maint signe
 Que tu ne me veuly pas greuer
 fauorable es au releuer
 Louer te doys et rendre graces
 En tous lieux et en toutes places
 Car tu mas donne au voir dire
 Congnoissance de mon martire
 Et mas enseigne par raison
 Comment viendray en ta maison
 Je te reconnois a bas toh
 Car par ta berge et baston
 Sups chastie et conforte
 Et a bien seruir enshorte
 Je confesse quil est escript
 Que tous ceulx qui ayment crist
 Jusques a la fin les espreuues
 Tant que Vrays repentans les treuues
 Et tout par toy Vray medecines
 Pourquoy les purges et affines
 Ainsy com purge le froment
 Ilz sont quictes daultre tourment
 Par iob et par sa pacience
 Le monstras par experiance
 Par ce quau premier les greuas
 Et en la fin les releuas
 Sire que te pourray ie offrir
 Vray dieu qui voulz pour nous souffrir

En la croix mort aspre et dure
 Que diray ie ta creature
 Ton tresdoulx nom appelleray
 Et ta gloire reueleray
 Et sy prendray tost le calice
 De salut sans penser malice
 Car ie vueil apres toy fuyr
 Pour Vie auoir et toy fuyr
 Point ne me sera chose amere
 De mourrir quant ie considere
 Les biens de la celeste Vie
 Dieulx en souffreray sans enuie
 Et mueray mort momentaine
 Pour vostre durable et certaine
 Espoir ma grant douleur allege
 Et bien requiert cest ioly siege
 Car ie endure trop foment
 De mariaige le tourment
 Je prens grant ioye et plaisance
 De ce que me tiens en souffrance
 Herites me seront rendues
 Des pieres te sont vendues
 Toutesuoyes ddoulx dieu de bonnaire
 Je te pry quil te vueille plaire
 Que cest calice oultre moy passe
 Ayme trop mieulx que ie trespasse
 Sy que de mort soye deliure
 Ma Vie mennuyt de tant viure
 Toute douleur sur quoy sapplicque
 Je suys de marriison publicque
 Et doubte que traual me blesse
 Par mal souffrir et par foiblesse
 Car au monde na point deur
 Je voy quil ny a riens seur
 On ne doit point le monde aymer
 Car on y treuve trop damer
 Il ya famine et froidure
 Chaleur pestillence et odure
 De pechie dorueil et doultraige
 Qui les serz tournent en seruaigne

Vertu y est subiecte a vice
 Science est morte par malice
 Dont de remede te requier
 Cest calice passer ne quier
 Car ie tressamment considere
 Lestat du monde et la misere
 Aux vers la peau laisser bouloroye
 Et volontairement mourroye
 Cest toute payne au dire voir
 Il a peche au concepuoir
 Payne au mourrir et payne au naistre
 Labourer fault pour soy repaistre
 Las ie suys las et suys enferme
 Et yssu hors du ventre a terme
 Dis toute ma fragillite
 Au monde plain diniquite
 Et puy bng sac plain de fiens
 Com plus suys plain et plus suys gens
 Sy voy que toute nourriture
 Tourne a fin de pourriture
 Je vins et iray en plourant
 Et tant com seray demourant
 Viureray en douleur et en payne
 Et scay que cest chose certayne
 Que par mort reuiendray en cendre
 Dieu quel bien te pourray ie rendre
 Sans toy ne puy auoir merite
 La brebis noblement saquicte
 Quant troy biens a son seigneur donne
 Le laict la layne et fruct luy donne
 Et ie nay riens pour toy donner
 Qui te boullis habandonner
 A acquiter nostre rançon
 Et souffrir mort a grant rançon

Catheolus. (fert



Dis dist dieu filz tu as souf
 A grant martire tes offert
 Sy com iay dit premieremēt
 Chier filz or saichez fermemēt
 Que ie tay cest siege apreste

Dource que souffrans as este
 Retiens en toy bonne esperance
 Et te reffrains de la substance
 Jay les souffrans tousiours aymes
 Et de moy sont amys clamez
 A tant cessa plus nen ouy
 Hoy laissa sy sesuanouy
 Au reueiller fut ma douleur
 Tout esbahy muay couleur
 Car lors auoye mal cheuy
 Quant empres moy nulluy ne by
 fors ma femme male et peruerse
 Qui delez moy gisoit enuerse
 Tout incontinent me toucha
 Na chair a trembler commença
 Sy tost que ieuz la voye ouye
 Qui disoit bien est employe
 La misere que vous auez
 fors que dormir tiens ne scauez
 Je ne deis mot parler nosay
 Et oncques puy ne reposay
 Les cheueux me fist hericier
 De paour car par saint richier
 Plus assure seroit ly homs
 Auecques serpens et lyons
 Quarecques femme rioteuse
 Et la myenne est trop perilleuse
 Par esprouue le doys congnoistre
 Tout ainsy com len fait a croistre
 Le feu quant on y met des loises
 Par parolles sourdent les noyses
 Et les batailles sen ensuyuent
 Dont ceulx sont folz qui trop estriuent
 Souuent empite son affaire
 Homs qui ne peut souffrir ne taire
 Quant homs se tait a femme tance
 Et espond sa male semance
 Et ne treuve qui luy responde
 Plus doullente na en ce monde
 Plus sen deult la malle creuee
 Et est plus aigrement greuee

Et iacoyt ce que cathon tiengne
 Quen songe nul effect nauieugne
 Tous les songes en verite
 Ne sont pas plains de vanite
 Andromata la dame saige
 Songea la mort et le dommaige
 De son mary hector de troyes
 Comment fortune en seroit proyes
 Se lendemain desors yssoit
 Cil qui pour ce fait nourrissoit
 Ayra honneur et craingnit honte
 Dource du songe ne sifit compte
 Ains yssit a la destinee
 Le iour sa vie fut finee
 Joseph noble songe songea
 Dont sa seigneurie alongea
 Car il fut maistre sur les freres
 Et les getta de leurs miserres
 Les songes pharaon glosa
 Et saigement les exposa
 Et daniel au roy de perse
 Descripela statue diuerse
 De plusieurs methaux composee
 Par macrobe fut exposee
 Et descripte la vision
 Qui trammist au roy cipion
 Depemples en diroye assez
 Tant que ien seroye lassez
 Sy nay en mon songe fiance
 Quil ait bonne signifiance
 Dont bien pou ma douleur rapaye
 Mais que mesperance soit braye
 Quen paradis ioyeux men voise
 Apres mon tourment et ma noise
 Sy ne loseroye affermer
 Ne tous mes songes confermer
 Car bien scay que tant que ie viue
 Des douleurs nauront fons ne riue
 Et quoy que ie dye ou face
 Je suys comme dne chiche face
 Haigre par dessoubz ma pancelle

Et en allant souuent chancelle
Pour les mauly qui me fault souffrir
Dont finablement sans mentir
Jaymeroye mieulx en seruaige
Demourer hors de mariage
Et en tresgrant payne seruir
Pour les dons diuins desseruir
Et endurer a quatre doubles
Ailleurs plus grans paynes et troubles
Quen ceste vie langoreuse
Trop durant et trop douloureuse
Car ie ne scay luyte sy griefue
Sy tressorte ne qui tant griefue
Ne ie ne scay com bonnement
La puyffe souffrir longuement
Las ie me sens tout desconfite
Je meurs ie meurs a grant martyre

Liber quartus.



Di douloureux naura oncques
congneus
Siengne moy veoir comme
despourueus
Et veult son cueur prouuer estre piteux
De reconfort et de paix desireux (tristour
Non chant en plour mes beaux ditz en)
En fiens ma fleur tournera sans retour
Par ma soleur est ma vie en doulour
Et sans seiour en tenebres mon iour
Se dieu nest confort et couraige
A ceulx qui sont en mariage
Et de luy ne sont esbaudit
Sy comme ceste vision dit
Je luy pry qui me soit propice
En obstant rigueur de iustice
Il scet comment ma femme estriue
Ma doulour chascun iour raiue
Je suys poinct sy tresaignement
Du serpent que nul oingnement
Ne men peut faire guerison
Je vous dy bien se la moit non
Las ie nen puy mais sil menuoye

Je doute que ma femme noye
Ma complainte que ie recite
Se ceste euure luy estoit dicte
Au visage me cracheroit
Et les deux yeulx merascheroit
Pource veuil monstrier cest volume
Tant crains que sa fureur malume



Dât pl⁹ est briefue lescription
Plus est plaisant a creature
Au concepuoir et a la prendie
Et tant la peut on mieulx en
Sy com les aige le tesmoingne (tendre)
Pource veuil ie ceste besoingne
A brief mot faire mon rapport
Car temps est de venir a port
Mais aincops que ma nef arreste
Qui est lasse a ancrer preste
feray briefue narracion
De la recommandacion
Que mathieu fist a ses seigneurs
Et premierement aux greigneurs
Sy com ie trups en la matiere
Qui tant me semble belle et clere
Quon ny scauroit riens amender
Premier se veult recommander
A leuesque de therouenne
Ne scay sil y a .r. ou .n.
Ne par quelz lettres fut nomme
Mais il estoit bien renomme
De courtoisie et de largesse
De sens donneur et de noblesse
Point ne fut orgueilleux ne rude
Voult estoit loue en lestude
Doileans pour sa bonne doctrine
Par bonnes meurs par discipline
Aux compaignons estoit entiers
Et leur repetoit voulentiers
Les loix que fit barbarus
Et celles de pomperius
Puis repetoit de iulien
Et apres de pompinien

Le droit nouuel leur eppoisoit
 Ses cas saigement propoisoit
 Sa lecture estoit delictable
 Et aux escolliers prouffitabile
 Et en mathieu moult se fya
 Et pource luy signifiya
 Ses douleurs et son infortune
 En disant que dessoubz la lune
 Ne diuoit nul plus doulant homme
 Ne qui endurast sy grant somme
 Com maistre mathieu faisoit
 Du surplus pas ne se taisoit
 Haintz ditz en pourroye amasser
 Dont pour brieft me fault passer
 Apres escriptz bien ententis
 Aux archyepacres gentilz
 De leglise dont ie recite
 De therouenne dessusdicte
 Et a larchyepacre de flandres
 Dont on tenoit sy grant esclandres
 Porta honneur et reuerence
 En luy monstrant sa pestillence
 A larchyepacre de bouloingne
 Certifia de sa besoingne
 Et luy enuoya sa complaincte
 De tristesse et de douleur attaincte
 Celluy de bresant moult loua
 En luy honnourer alloua
 Des beaux vers et de beau langaige
 En soy plaignant de mariage
 Quen ses ditz excommunya
 Car point de remede n'ya
 Ne pour herbes ne pour emplastres
 Au dopen et aux decolastres
 De leglise dessus nommee
 Donna loz et grant renommee
 Et ne se cessoit de complaindre
 De son mariage sans s'aindre
 Aussi escript au preuost daire
 Cest dont il ne se peut taire
 Ledit preuost moult honnoura

Et en recommandant ploura
 Vng nomme guillaume de liques
 Vaillant entre les catholiques
 A labbe du boys honnourable
 Se monstra assez fauorable
 De ses vertus magnifier
 Len voult il bien signifier
 Les pointz sur quoy il labouroit
 Et comment nuyt et iour plouroit
 En apres par especial
 Du reuerend official
 De therouenne publica
 Les biens et riens ny oublia
 Sy ce ne fut par ignorance
 Saige en lettre par excellence
 Le nomma en sa rethorique
 Didonnee de grammaticque
 Et dit quil fut grammarien
 Et batailleur logicien
 Pour le vray du faux dicerner
 Pour argument bien gouuerner
 Nauoit pareil iusques a raples
 fors que maistre iacques destaples
 Il fait tuelles par eloquence
 Dictagoras en la science
 De nombre ny sceust que dire
 On ne le sceust desconfire
 A declairer par escripture
 De toutes choses la nature
 Car bien sy scauoit appliquer
 Et par nombre pronostiquer
 Plusieurs des choses aduenir
 Cloison ne le peust tenir
 Sil voulsist porte deffermer
 Mais ie ne scauoye affermer
 Par quel vertu ce pourroit estre
 Sans louctroy du souuerain maistre
 Il scauoit phizonomye
 De iugier par astronomye
 De tous les corps du ciel le cours
 Et le croissant et le decours

Des planettes et de la lune
Bien congnoissant et l'autre et lune
Et des estoilles reluyfants
Selles sont bonnes et nuyfants
Et les iugeoit par ses pratiques
Du ficees ou erratiques
Le secret sceust d'astronomie
Et de toute philozophie
Il estoit bon musicien
Et aussy geometrien
Pour mer a terre mesurer
Sil y voulsist a droit ouurer
Iehan de laigny auoit nom
Le droit ciuil et le canon
Scauoit sans en trespasser clause
Maistre mathieu auoit bien cause
De le louer par ses merites
Toutes ne sont pas cy escriptes
Au bon et saige sans moyen
Arnoul de beauuoisis doyen
De saint fremin en moustereul
Rescript pas sans degouter lueil
Mais en plourant main a mapelle
Luy signifiassa querelle
Et de france bergne nicaise
Requist humblement qui luy plaise
Scauoir de ses mauly la racine
Du il na point de medecine
Après declara sa misere
A vng abbe reuerend pere
Du moustier du mont saint iehan
Ses griefz paynes et son ahan
Dont il viuoit honteusement
Luy escript moult piteusement
Au derrenier a maistre iacque
Destaple expposa des ia:que
Premier eust de luy congnoissance
Laymoit il des le temps denfance
Luy fist scauoir ses douleurs
Et ses plains parez de tristesses
Bien aournez de rethorique



Et le descript bien autentique
Donneur de meurs et de science
Dont il auoit experiance
Autant ou plus en descriptoit
L'om de l'official disoit
Des biens de vertu de largesse
Et de baillance et de noblesse
De beaux motz et de nobles tiltres
Fist maistre mathieu ses epistres
A chascun en enuoya vne
En soy complaignant de fortune
Moult scauoit bien versifier
Et ses douleurs signifier
En ses recommandacions
Fist plusieurs lamentacions
Et moy qui suys de raison nez
Piteusement araisonnez
Et suys appelle iehan le feure
Ne pourtoye ie la matiere
Racompter ne la meschance
Les ennuy et la desplaisance
Dont il se complaignoit sans cesser
Je ne le scautoye expriesser
Car en plourant moult desprisoit
Le monde et mainteffoys disoit
Di appercop ie ma soleur
Las quant finera ma douleur
Trop me desplait toute saison
D'un temps floury selon raison
Este meure par souffisance
En autompne par habondance
Des biens dont se sioist et ieue
Puer despent tout a alleue
A grant ioye et a grant lyesse
Tout ce la me desplait et quest ce
Las chetif et malleureux
Triste pensif et douloureux
Pourquoy suys ie venu au monde
Qui souylle tout et riens ne munde
Certes le monde nest qu'une trompe
Riens ny vault richesse ne pompe

Tous y seuffrent douleur et payne
 De la condicion humayne
 Sy est merueille comment lomme
 Se soubmet a porter somme
 Ne de vacquer et acquerir
 chose que y conuient querir
 Qui en balance poyseroit
 Tout ce que len y trouueroit
 Il despriseroit les richesses
 Et les honneurs et les haultesses
 Et hanaps d'argent et de madie
 Pour le riche homme et pour le ladie
 Peut on auoir vray exemplaire
 Que richesses donnent pour plaire
 Mais les doit on doubter foiment
 Pource qu'on y acquiert tourment
 Sy com dit la saincte escripture
 Cil est serf qui y met sa cure
 Car a grant payne sont acquises
 Et quant en vng tresor sont mises
 Il a tresgrant paour au garder
 Et peril au droit regarder
 Et la fin en est douloureuse
 Desplaisant et mal heureuse
 Car au morir sen conuient plaindre
 Plourer gemir et dens estraindre
 Nature saige point ne prise
 Les richesses mais les desprise
 Lung na plus que lautre acceptable
 Car souffreteux et miserable
 fait naistre et cumuler le roy
 A chescun donne ceste loy
 Par les cours du ciel gouuernes
 Sur toutes creatures nees
 Soyent crueuses ou benignes
 Par les planettes par les signes
 Par le souleil et par la lune
 Car a chascun et a chascune
 Donnent leurs choses egalment
 Dont conuient il principalement
 Que estre doiuent ius en terre



Mais auarice y fait guerre
 Qui y a dominacion
 Et partist par ambicion
 A lung plus et a lautre moins
 Sy est grant dommaige aux humains
 Quant pour la chose transitoire
 Dublient dieu le roy de gloire
 Et le laissent pour les richesses
 Qui en fin ne sont que flamesches
 Les corps sont aux vers nourriture
 Tout reuertist a pourriture
 Sy me merueil que cupdent faire
 Ceulx qui sont pour nostre exemplaire
 Hys et posez a honneur haulte
 On voit en eulx plus grant deffaulte
 Qu'en nous et font plus a reprendre
 Les pastours ne veullent entendre
 Ains font garder que dieu leur baille
 Il ne leur chault comment il aille
 Trop bien se sceuent efforcier
 Des bresbis tondre et escorchier
 Par mon tesmoing vng tel pastour
 Vault pps que loup ne que gastour
 Leuesque sy rauist et pille
 Ne laisse riens a la cheuille
 Et apres les officiaulx
 Et les ministres curiaulx
 Priennent quanques ilz peuuent auoir
 Tous y appliquent leur scauoir
 Proprement est dit nom de prestre
 En actif pour les aultres paistre
 Mais ilz sont peuz paciament
 Chascun peust veoir sy ie mens
 Leurs conuersions sont vaines
 Et sen vont en places loingtaines
 Chascun laisse son soult sans garde
 Et sen vont qui bien y prent garde
 Avec les roys pompeusement
 Pour viure plus ioyeusement
 Les besoingnes royaulx procurent
 Les playes du peuple ne curent

Ne pour leur prou point ne se hastent
 Les biens du crucifix degastent
 Ilz sont larrons appertement
 Soultre leurs viures et bestement
 Nulz des biens aux pouures detiennent
 Quant les pouures gens nen soustiennent
 Et leur doyuent distribuer
 On ne les pourroit trop huer
 Larrons sont puz quilz les respontent
 Et aux pouures dieu tiens ne donnent
 Par symonie et soubz ses belles
 Vendent choses spirituelles
 N'est pas raison qu'on la despende
 Car pour tout neant la prebende
 Doit estre donnee au preudomme
 Le contraire est en court de romme
 Aux mauuais est pour pris vendue
 fraude y est par tout entendue
 En liurant la prebende a fraude
 On la vend comme vne ribaulde
 Par pris et par somme indigne
 Tel contract donne mauuais signe
 Symon bit: et mort est saint pierre
 On ne fonde riens sur sa pierre
 Pource doit bien plourer leglise
 Quant en subgection est mise
 Et en truaige soubz symon
 De son char porte le symon



Merveilles est des religieuz
 Plus que nous sont delicieuz
 Plus despendent telz damoyz
 En cheualx en chiers (seaux)
 En solies femmes et escoutes (et oyseaux)
 En vins et en viandes gloutes
 Il ny a nulluy qui ne vueille
 De son bon subgect la despouille
 Plus asprement assez rauissent
 Que les tyrans qui seigneurissent
 On voit bien quilz sont trop le maistre
 Car sy com souloit iadis estre
 Doulentiers en subgection

Dessouzbz leur iurisdiction
 Or va tout ce deuant derriere
 Car orendroit par leur maniere
 Plus differend que blanc a noir
 Nul ne veult dessouzbz eulx manoir
 Leur cloistre leur sert de neant
 Nul moyne ny va tournoyant
 Nil ny font point de residence
 Mais ilz quierent par euidence
 Les lieux reproches et oyseuz
 Et sont souuent au plus noyseuz
 Du au marche ou par les rues
 Chassans pour bargaigner chars crues
 En la court du roy en la salle
 Doit on souuent ceste grant galle
 Du a court de romme ou a rains
 A cause ne sont pas derrains
 Ne leurs boysins ne laissent viure
 Daultres vices y a en mon liure
 Que ie ne vueil pas icy mettre
 Religieuz ce dit la lettre
 De religando sont nommez
 Destre veuz et renommez
 Hors du siecle ce scet chascun
 Du dampnez qui ne valent que un
 En tous leurs fais sont reprouuables
 Leur vie et leur force dampnables
 Leurs abbez veullent deposer
 Contre chascun veullent glosier
 Se vng en est huy esleu
 Demain en sera despleu
 Qui fait abbe dung chetif moyne
 Bien puz iurer par saint anthoyne
 Quaux compaignons puz en sera
 Plus estrange se monstrera
 Que se moyne neust este
 Car en puer et en este
 Vouldra sur eulx estre deuins
 Et de viandes et de vins
 De son ventre fera cy boire
 Du meilleur aura en son boire

Et sy sera seul a sa table
 Seruy de chose delictable
 Ceulx qui seruent dieu en couuent
 Seront mal gouuiernez souuent
 Lois font en eulx distinction
 Que par nulle profession
 De cloistre ne sera purgie
 Chascun deulx a sur lautre enuye
 Et silz sont deuy qui sentrayment
 Et bons loyaux amys se clament
 Sy tost que lung abbaissera
 Lamour dentre eulx deuy cessera
 Ilz se faingnent lung lautre aymer
 Mais lung voudroit lautre en la mer
 Les moynes sont fors a congnoistre
 Long sont desuz de layne en cloistre
 Et souuent heent les plus saiges
 Telz collegez ont et vsaiges
 Pour leur recteur destituer
 Et pour leur estat remuer
 Quierent plusieurs faulces cautelles
 Les reigles de moynes sont telles
 Leur acteur met condicion
 Qua nul deulx par ambicion
 Nait propre et sautruy veult errer
 On le deuroit faire enterrer
 Apres sa mort en vng fumier
 Cest vng prouerbe coustumier
 Que silz ont propre sans doubter
 En siens les doit on bouter
 Ainsy le veult pape gregoire
 En ses decretz en fait memoire
 Sy ne leur doit on riens donner
 Pour iangler ne pour sermonner
 Car on perd ce que on leur donne
 Bien engingneront la personne
 Mais ia plus nen repportera
 Et de son don triste sera
 Sil nen est bien acertaynez
 Leurs moustiers furent ordonnez
 Pieca pour le siecle souyr



Non pas pour Vanite suyr
 Mais pour moynes humiliet
 Et pour tout le monde oubliet
 Lil regne bien qui a dieu sert
 En fin bon loyer en dessert
 Et souffist que nul ny mendie
 Et toute suoyz quoy que on dye
 Je scay plus es religions
 Donnestes conuersacions
 Qui pour bien font a aymer
 Dont ne les doit ainsy blasmer (table



Es cheualiers nest riens met
 Pres q tout y est diffamable
 chm veult valoir vng millier
 Ilz le valent bien au pillier
 A viure de aultruy vitaille
 Mais ilz nont cure de bataille
 Mesmement pour garder leglise
 Et pour deffendre la franchise
 Et peuple a droit maintenir
 Las bien leur deust souuenir
 Du roy nabugodonosor
 Qui fut riche de grant tresor
 Pups fut mue comme vne beste
 Par sept ans endura moleste
 Et mengeoit le feurre a la paille
 Tint cheualier baille que baille
 Jure que mort machinera
 Et que leglise deffendera
 Sil y doit faire chose inique
 Au droit de la chose publique
 Garder en tous lieux soffrera
 Ne perdre ne la laissera
 Ainsy est il es drois trouue
 Sy leur doit estre reprouue
 Quant ilz font trestout au contraire
 Que valent les grans estatx traire
 Quant leglise nest deffendue
 Ne chose publique rendue
 Ilz ne gardent ne lung ne lautre
 Tous rauissent lance sur faultre

Et tout gastent et tout demeurent
fors les flamesches ny demeurent.

Des iuges veuil faire d'amour
froides par dons et par amour
Le iugement doyuent cremir
Et de plus grāt paour fremir

Que ne font les aultres parties
Qui demandent droit de parties
Par droit iugement on la liure
Le iuge condempne ou deliure
La ius et met en sa balance
La doit estre pou souuenance
Presente de dieu la figure
Avec la sainte escripture
Lors se peut le iuge aduertir
Que les droys ne doit peruertir
Encor luy doit mieulx souuenir
Que le droit iuge est a venir
Les bons avec luy receura
Et les mauuais deboutera
Sy me merueil comment ilz osent
Juger faulx ne comment ilz glosent
Leur sentence et leur iugement
Dieu ne craingnent aucunement
Deulx iustice mal se gouuerne
Sy com le vin en la taucerne
Nous sont les iugemens vendus
Et sont a la source pendus
Droicture ne cremeur de dieu
Ne droit ne raison ny a lieu
Tout ce ny vault pas deulx chardons
Les iugemens se font par dons
Du par faueur ou par priere
Les dons sont auant et arriere
Car qui bien scet les paulmes oindre
Au lieu du droit scet le tort ioindre
Les bons iuges ne daignent prendre
Deniers ne la iustice vendre
Sy pry dieu que deulx luy souuiengne
Et quen sa grace les maintiengne
Et ceulx mettent en sa mancion

Qui ne veuissent corruption

Des aduocatz comment diray
Ja pour nulluy nen mentiray
Al a en euy plus de diffame
Quen vne pute folle femme

Chascun de ses instrumens ioue
femme son cul pour deniers loue
Et l'aduocat sa langue vend
Les deuy ne viuent pas de vent
La langue est plus precieuz membre
Que nest le cul bien men remembre
Tant est la vente plus honteuse
Com la langue est plus precieuse
Nul serement ny est tenu
Qui plus donne il est mieulx venu
A payne se doit nul fier
Quant l'aduocat veult deffier
Son amy pour denier auoir
De son ennemy prent lauoir
Ne luy chault sil est dangleterre
Mais que deniers luy viengne querre
Contre ses parens plaidera
Et pour ses dons luy aydera
Quant il y a plante monnoye
L'aduocat sa langue desploye
Et la guise comme vne espee
Hainte mensonge en est comptee
Et couloree en rethorique
A peruertir les loix sapphique
Et saint quil face nouueaux drois
De langue se combat tous drois
Mais en pourpensant les mentailles
Nist riens que vent de ses entrailles
Et sil est que l'aduocat cuyde
Que la source aux gens soit buyde
La cause met hors de sa cure
Pource que l'argent plus ne dure
Et daultre part promet victoire
Et pource ne les doit on croire
Car il iure par la lyrielle
Quil soustiendra bonne querelle

Bonne luy est ainsi la chose
 Puy que prouffit a en la chose
 Cil bat le vent qui riens ne baille
 L'aduocat ny compte pas maille
 Il ny met diligence aucune
 Il nayme riens tant que pecune
 Et dit riens ne receuz puy hyper
 Il voudroit la mer espuisier
 Belles robbes font bien au cas
 Bien se vestent les aduocas
 Et de nobles robes se parent
 Affin que plus saiges apparent
 A telz gens sont equiparees
 Les femmes qui sont bien parees
 Cest pour auoir plus grant loyer
 Des hommes pour esbanoyer
 Les aduocatz plus chiers se vendent
 Pour leurs habitz grans loyers prennent
 Qui donne au peuple grant dommaige
 Et le poure tient en seruaige
 Silz auoyent voiz de seraynes
 Qui de melodies sont playnes
 Sy les doit on forment doubter
 Perilleux sont a escouter

E de merdeux phisiciens
 Ja ne seront louez ceans
 Couoiteux sont et mesongier
 Et sy font moult a resongier
 Quilz sont de nature chenine
 Entreulx docteurs en medicine
 Leurs compaignons heent et fuyent
 Et les cures pour eulx estupent
 Les aduocatz sont le contraire
 Se deuy a vne cause traire
 Sont retenus pour eulx esbatre
 Ilz voudroyent bien estre quatre
 Dins viandes et espices
 Quierent par tout a grans delices
 Et despendent ioyeusement
 Honnestement et largement
 Mais des phisiciens de merde

Chascun a paour quil ne perde
 Et pource pleurent leur despense
 Tristes pensif et en offence
 Car auarice les rebource
 Qui ne leur laisse ouurir la source
 Ilz se faingnent tousiours malades
 Remplys enterinez ou fades
 Et tant ne sceuent procurer
 Queulx propres se saichent curer
 Sy ne font a croire de rien
 En leurs euures car on voit bien
 Quilz ne viuent pas plus que nous
 Leur medecine est aux genoulx
 Pres des estrons et des orines
 Les chamberieres sont latrines
 Ilz leurs recommandent clistere
 Sy il y a vng oit mistere
 On voit leurs ars souuent faillir
 Dont plusieurs meurent sans faillir
 Par leur deffault la mort les happe
 Dix en meurent quant vng eschappe
 Le temps et les orines faillent
 Le pouly et les signes qui baillent
 Dont ilz font les gens ruyner
 Par mentir et par foiz ieuner
 De ce sert le phisicien
 Serapion et galien
 ypcras ysaac et rasis
 Ne valent pas vng parisis
 Ne leur art ne leur aliance
 Ceulx sont folz qui y ont fiance
 Autel dy des chirurgiens
 Com iay fait des phisiciens

N Roit est que des marchans
 aduise (chandise
 Comment ilz font leur mar)
 A faulx poiz et en pariant
 Sainctz et saintes deffigurant
 Il ne leur chault mais quilz vendent
 A aultre chose ne contendent
 Les foires et les marchiez quierent



Terres rentes chasteaulx acquierent
Diffamez sont du fait d'usure
Mais telle acqueste point ne dure
Jusques a la tierce lignie
La quarte nen pira mye
Lusurier doyt auoir regard
Que des paines denfer se gard
Car souuent racompter oira
Plus aura plus doulant mourra
Aussy doyt il auoir memoire
Des biens de pardurable gloire
Et des griefz cures de ce monde
Qui les fais des pechiez affonde
Sy en souuiengne quiouldria
Le plus chargie plus seouldria
Mais quoy qu'on dye des bourgoys
Il en y a plus de courtroys
Vailans hommes et honnourables
Qui sont en leurs fais amyables
Dont se ien ay trop sermonne
Je pry quil me soyt pardonne

Laissezoye voulentiers
Les laboureurs bons & entiers
Diuant de leur loyal labour
Mais ilz ne cõtēt vng tabour
Se leurs dismes a dieu ne payent
En ce le temptent et essayent
Ainsy que fist caym son frere
Sy que leur male soy appere
Les ors Villains mal gracieux
Nesdisans sont et enuieux
Toujours dient que leurs boyfins
Ont es vignes plus de roysfins
Quilz nont plus ble en la champaigne
Leur enuie trop les messaigne
Et quant ilz ne peuent dire pis
Lestrange bache a plus de pis
Et plus de lait a grant plante
Tous sont de ceste voulente
Deulx se complaint la loy agraire
Elle condempne leur affaire

Car hors loy sont et ignorans
Et mal parlans & deceuans
Les commandemens dieu ne prisent
Et les droitz de leglise brisent
Et de verite petit vsent
Ainsy en tous leurs faitz abusent
Le plus se viuient comme bestes
Et a iours ouuriers et a festes
Ne scay pourquoy plus nen diroye
Ne pourquoy me traueilleroye
Le monde voy trop desguise
Quant iay tous estatz aduise
Et le bon et le mal eur
Je ny scay nul estat seur
Qui tous les pourroit experir
Dont iay grant paour de perir
Pource quay iustement descu
Sy pry dieu qui me soit escu
La ius en ceste mer mondayne
Du la pestillence demayne
Tourneta et sans auiron
Et me mette hors du giron
Du siecle ou nul ne vit sans blasme
De binnaire me soit a lame
Car ie crain que trop ny demeure
Sy ne sups ie sans plours nulle heure
Assez appert a mon visage
Que pain ou repos enuys ay ie
Finablement quant me souuient
Comme chascun moir conuient
Et iay record des quinze signes
Qui de tresgrant paour sont dignes
Premierement du iugement
Je tremble paoureusement
Le premier iour s'esleuera
Et comme vng mur montera
En hault par dessus les montaignes
Le second iour donra enseignes
Que leaue au bas descendra
Et au tiers iour son cours fera
Au quart se accompaigneront

67
Tous les poyssons et crieront
En eulx complaignant de la fin
Et la balaine et le daulphin
Au quint iour auatera londe
Au sixiesme par tout le monde
Arbres et plantes sans doubter
Fera sang vermeil degouter
Le septiesme foment mucra
Maisons et citez destraira
Les pierres se despiefferont
De leurs pieces guerres feront
Et se combateront sans seiour
Lun a laultre le huitiesme iour
Au neufiesme apres ceste guerre
Sera grant mocion de terre
Telle que nul ne pourroyt dire
Au dixiesme iour par grant ire
Les montaignes et les vallees
Seront ensemble auallees
Et les menues et les grosses
Et alonziesme des fosses
Istont les gens qui ploureront
Et comme fourcenez courront
Pour la paour du temps horrible
Le douziesme sera terrible
Les estoilles tresbucheront
Et ius du firmament cherront
Ne ia signe ny demoutra
Dur sera cueur qui ne plourra
Au treziesme verront les os
Et resusciteront les mors
Des sepulcres ou ilz gerront
Pour estre veuz sus ferront
Tout mourra au iour quatorziesme
De triste moit et au quinzieme
La terre ardera en tous lieux
Après ses choses viendra dieux
Tenir son derrenier iugement
Qui aura vescu saintement
Il sera de bonne heure nez
Les mauuais seront mal menez

Mais parauant ceste auenture
Sy com tesmoingne les scripture
Par l'espace de quarante ans
De iour ne de nuyt en nul temps
Larc du ciel ne sera monstree
A nulluy en nulle contree

Duloureux iour et redoubtable
Et taintif et espouventable
Quant dieu a ce iour aduenir
Vouldra son iugement tenir
Et dira denfer vous gettay
Et de mon sang vous racheptay
Pour vous bastu et despoullie
De sang et de sueur mouyllie
Et noubliera pas a dire
Tous les tourmens de son martyre
Comment fut trahy et vendu
Escharny en croix et pendu
Comment grans angouisses souffrit
Et iusques a moit pour nous souffrit
Et ses cinq playes monstrera
Adonc chascun saint tremblera
Grant paour auront ains la fin
Et cherubin et seraphin
Las le iuste ou se boustera
Quant apayne saulue sera
Sy com dit iob las que feray
Pourtant ie me conforteray
En ce que iay fort soustenu
Le martyre qui mest venu
Se par tourment peut sainttir hom
Par souffrance feray saint hom
Voulentiers souffreray les paynes
Et ne me seront pas greuaynes
Pour acquerir vie eternelle
En la ioye perpetuelle
A laquelle mon createur
Triumphateur et saluateur
Roy viateur dominateur
Saluateur et redempteur
Dispensateur reparateur

Conditeur et reformateur
De vueille mener et attraire
Par sa grace tresdebonnaire
Je pry ie lo et sy conseille
A ceulx qui cy tiendront lozeille
Que nul hom sil nest enragie
Tant soit damours encoragie
A mariage ne sassente
De l'esse luy cloz la sente
Et luy doing les clez de tristesse
Et se chascun scauoit bien quest ce
Aussy de Bray com ie le scay
Qui en ay este a lessay
On le deuroit tout dif larder
Puis quil ne sen vouldroit garder
Di est ma nef a port venue
Sy soit par aultre retenue
Sy supply a dieu qui luy plaise
Quenuers moy son ire rapaise
Et me doint lieu avec mamye
En la celeste compaignie

¶ Amen.

¶ A tous ceulx qui me liront
Leur supplie de cueur entier
Louent le bien que ilz verront
Et tout le mal par conte ront
Sans mesdire mette a quartier
Amys iay fait vostre psaultier
Non obstant quil est imparfait
Doncques vueilles de cueur entier
Retenir le meilleur sentier
Et laisser le mal sil vous plaist.

¶ Pour lan que ie fus mys en sens
Retenez. A. et cinq cens
Je vous prie ostes en huyt
A dettez octobie le tiers iour
Et prenez plaisir et seiour
Tout ainsy comme il sensuyt.

¶ Explicit.

Ces Fa & Moreau s. danteuil
Et. hore Moreau.



10


an


20


ouvetier de du jardin


un le dernier blanc


Handwritten text, possibly a signature or name, written vertically in cursive script.











1110

